

**SIXTH LEGISLATIVE ASSEMBLY OF MIZORAM  
( TENTH SESSION )**

**LIST OF BUSINESS**

**FOR FOURTH SITTING ON FRIDAY, THE 23<sup>rd</sup> MARCH, 2012  
(Time 10:30 AM to 1:00 PM and 2:00 PM to 4:00 PM)**

**QUESTIONS**

1. *Questions* entered in separate list to be asked and oral answers given.

**FINANCIAL BUSINESS**

2. ***DISCUSSION AND VOTING ON SUPPLEMENTARY DEMAND FOR THE YEAR 2011-2012 AND VOTE ON ACCOUNT. (APRIL - JULY 2012)***

- 1) Discussion and Voting on Supplementary Demand for 2011-2012.
- 2) Discussion and Voting on Vote on Account. (April-July 2012).

**LEGISLATIVE BUSINESS**

Bills for introduction, consideration and passing.

3. **Pu H. LIANSILOVA**, Finance Minister to beg leave of the House to introduce “The Mizoram Appropriation Bill, 2012”.

ALSO

to introduce the Bill  
to move that the Bill be taken into consideration  
to move that the Bill be passed.

4. **Pu H. LIANSILOVA**, Finance Minister to beg leave of the House to introduce “The Mizoram Appropriation (Vote on Account ) Bill, 2012”.

ALSO

to introduce the Bill  
to move that the Bill be taken into consideration  
to move that the Bill be passed.

**NGURTHANZUALA**  
Secretary

**S P E A K E R** : “Rorelna dik chu luipui angin luang se, felna chu luipui kang ngai lo angin luang rawh se”.

Zawhna leh chhanna hun kan hmang ang a. Starred Question No. 21-na member zahawm tak Pu K. Liantlinga'n han zawt sela.

**Pu K. LIANTLINGA** : Pu Speaker ka lawm e. Starred Question No. 21-na Health Minister zahawm tak chhan atana ka zawhna chu hei hi a ni - Health Department hian 2010-2011 leh 2011-2012 chhung hian damdawi (medicines) a leina sum sen zat min hrilh thei em tih a ni e.

**S P E A K E R** : A chhang turin a changtu Minister zahawm tak Pu Lalrinliana Sailo i lo sawm ang.

**Pu LALRINLIANA SAILO, MINISTER** : Pu Speaker, member zahawm tak Pu K. Liantlinga zawhna chhanna chu “Thei e” tih a ni a. DHME kan ti a, Directorate of Health & Medical Education, 2010-2011 inkarah khan cheng nuai 76,31,693 a ni a. Tin, DHS kan tih Health Services-ah hian 2010–2011 khan cheng nuai 30,98,993 a ni a. Tin, 2011-2012 ah hian nuai 1,00,39,731 DHME bikah khanin a ni a, tin, DHS kan tihah khan 2011-2012 ah khan cheng nuai 7,30,000 a ni a. 2010-2011 belhkhawm kha cheng nuai 1,07,30,686 a ni a, 2011-2012 belhkhawm kha cheng nuai 1,07,69,731 a ni e, ka lawm e.

\*Speech not corrected.

**S P E A K E R** : Zawhbelhna Pu K. Liantlinga.

**Pu K. LIANTLINGA** : Civil damdawiinah sawn medicines hi a thlawna pek a awm mang lova, lei vek tho a ni a, damdawiin awm tan poh hian, hengte hi khawiah nge hman an nih tih kha ka'n zawt duh a. A chhan chu damdawiin hi kan awm tam ve viauin ka hria a, a damdawi lei loh hi pakhatmah a awm lova kan lei deuh vek zel mai a, chuvang chuan kang damdawi te kha khawiah nge hman a nih tih a nia, pakhatnaah chuanin.

Pahnihnaah chuan heng leina atan hian tender emaw quotation emaw koh a ni em? Nuai 100 dawn lai kum khatah sen a lo nih si chuan tih kha a ni a. Nge duhsak zawngte kan pe mai tender lem lovin (quotation ko lem lovin) supply order kha kan pe mai tih kha ka zawhbelh duh bawk a. Tin, heng leina tur hian Budget-ah allocation khawilai Head-ah hian nge a awm. Budget bu han en hi chuan khawi lai ber hi nge ni ang aw tih hi hriat a har khawp mai a, a brake-up engemaw kha a ni mai a, a details kha hmuh tur a awm lem lova, khawi Head atangin nge tih kha ka zawt duh bawk a ni e, ka lawm e.

**S P E A K E R** : Chhang turin a changtu Minister i lo ko ang.

**Pu LALRINLIANA SAILO, MINISTER** : Pu Speaker, zawhbelhna - khawiah nge hman a nih tih kha – Damdawi supply reng reng hi Central Medical Store kan ti a, Zemabawkah sawn, sawta inchhungkhawm vek saw a ni a. Tichuan, sawta tang sawn kan sorkar hnu hian need base-in kan siam ta a. Hei kan han awm ve chinah kan han zin kual a, PHC-ah te, CHC-ah te damdawi thi tur kha a lo inchhek nghek nghek mai a, kan hmu thin a. Chuvangin, tun atang hi chuan need base-in kan ti a, tiang chuan damdawi thi tur te kan insem ta a Central Medical Store atang khan, CHC-ah te, PHC-ah te, Sub-Centre-ah te khan kan rawn sem ta a, tichuan lo vannei hmel deuh bik an awm phei chuan kan damdawi kha hman loha awmin Central Medical Store-ah te leh CMO te leh hetah MO te khan an rawn let leh a, heng Civil Hospital-ah te emaw, hmun dangah te khan kan dah let leh thin a, chungte chu kan hman dan a ni a. Tin, hei han sawi chakawm em em chu kan damdawi sem hi a tha tawh em em mai a, company tha ber ber, international company hawlh tlang ngat kan rawn hmang ta a, a thawktute pawh hi an lawm hlein ka hria a, tunah chuan damdawi thawk ho te ei tlak kan dawng ta e, an ti a. Heng ang Cipla company tih te, Ranbaxy tih te, Ceraby tih te, Alanbig tih te Glaxo leh Sando tih te Elken tih te an ni tlangpui a, a lawm pawh kan lawm khawp mai tih kha ka sawi duh a.

Tin, zawhbelhna pakhat Tender-te koh a ni em ? tih kha. Tender te koh thin a ni a, a theih chin chinah, amaherawhchu damdawite hi lo zawh thut te hi a awm thin a. Tin, Pu Speaker, damdawiin hrang hrangah leh PHC leh CHC ah te, District Hospital-ah te hian RKS an ti a, Ruki Kalyan Samiti Society an ti a, chungah chuan heng ang damdawiin PHC-ah hian cheng nuai khat hi kan dah thin a, RKS ah, tichuan a building siam a nih chuan sing nga te thlengin kan belh a, khang atangte khan an lo lei leh bawk a. Tin, damdawiinah hian Health Care kan han tihah phei chuan RKS an tam ta riau mai a, chu chu keimahni va control theih kha a ni lova, V.C tin khan Chairman an nei a, chu chuan V.C hoin uluk takin kan Medical Superintendent hoin need base-in an pe thin a. Hei kan indaih lo a ni a, state-in pawisa a neih loh avangin. Nitin mai bed 300 Aizawl Civil Hospital ringawtah pawh sawn a khat put reng mai a ni a, khang zawng zawng han chawmna kha chu a daih bik lova, chuvangin state dangah pawh hian a ni ve tho mai a, damdawi hi chu kan inleitir thin a. Amaherawhchu, medicine han tih hian a ken hi a awm teuh mai a, hemi a thuina tih te, a material tih te hi a tel teuh mai a, heng erawh hi chu leitir chang a awm a, leitir loh chang a awm a, kan doctor-te hian khawngaihthlak deuh hlek te phei chu an mahni pocket money atangte hian han leisak nawk nawk te pawh a awm a, chu chu kan tihdan a ni a.

Tin, Budget a awm em tih kha chu, supply material-ah hian .....hi a awm ve a, kan budget pekah khan, chuta tang chuan a ni tlangpui a, tin, chumiin a daih loh, a beitham em avangin, hei budget-ah kan hmu a, kan sawi ang khan RKS atang te khan RKS hi an hausa hrep mai a, Health Care atangin kan chhunglut zel a, chu chuan mirethei leh engemaw mangang zualte hi a han puhruk deuh a ni. Hei hi ka chhan theih tawh a ni e, ka lawm e.

\* Speech not corrected

**S P E A K E R** : Zawhbelhna Pu Lalduhoma kan la ang. Pu Rama chu kan la theilo phawt ang.

**Pu LALDUHOMA** : Pu Speaker, Zemabawka TB Hospital saw, Cancer Institute-a leh tum a nih tak avangin, TB damlo ho kha tunah hian chhuahtir an niin ka hria a, Falkawnah insawna turah awmna tur an la nei bawk si lo a, an awmna tura an tih sawn bang pawh ala neilo a, DOT plus an tihte chauh awmna tur a awm a. Tichuan mahni in lamah te an

vak darh ta ringawt mai a, tichuan TB hi kan inkai darh zo ang tih pawh a hlauhawm a, DOT plus patient-te chuah nilovin vei pangai te, hetiangha thlahthlam ngawt lova tih dan hi a awm lawm ni, sawrkarin he harsatna hi engtiangin nge sutkian a tum tih ka zawt duh a.

Pahnihnaah chuan kan Minister zahawmtak hi hman deuh khan Sairangah lo kalin kan damdawiin minrawn en sak a, kan lawm hle a, a building leh quarter chhiat zia te minrawn hmuh sak a kan lawm hle a, tunah hian ka fund atangtein kan repair a, a reh rei ta viau mai a, engtikah nge khung kan building chhe tawh te khu min thuam that theih ang tih ka'n zawt bawke.

**S P E A K E R** : A chhang turin a changtu Minister ilo ko ang.

**Pu LALRINLIANA SAILO, MINISTER** : Pu Speaker, Zemabawka TB Hospital kha, zawttu zahawmtakin a zawh ang khan, Falkawna sawn tura ruahman a ni a, hei kan vannei a, cancer hi Mizoramah a tam em avangin, cancer beih nan central-in pawisa te minrawn pe a, tunah pawh crore 6 dawn lai chu minrawn pe dawn, minrawn pe a ni a. Tin, matching share pawh hetah Planning leh kan Forest te pawn min lo pe tawh a. Tin, Pu Speaker, TB hi India ramah tuna a kal danah chuan Hospitalise theih tur a ni lova, Hospitalise hi damdawiin anga awm te hi an titawp tawh a, tichuan DOT Plus saw Central specification siam ang thlapin Falkawna sawn kan va siam a, nuai 7 dawnin. Tiang chuan hmeichhia leh mipa awmna turin anmahnin an tih ang thlap khan kan va siam ta a. Tichuan tunah sawn kan luah tawh a. Tin, TB Hospitalah khan a tlangpuiin mihring theuh kan ni nachungin Mizo dik tak, helai ram chhung ami hi chu a tlem zawk an ni fo a, Myanmar lama kan unaute an ni tlangpui a, amaherawhchu dim takin hun rei ber ata tawh kha hei kan insawn dawn a tiin an dam dan a zirin a dam hmasa kha chu kan chhuah zel a, zawi te tein kan chhuah dep dep a. Tichuan chhuak thei dinhmuna ding vek an nih tak avang khan an chhuak ta a. Amaherawhchu TB lo vei tawhte hi chu an taksa chu a lo chaklo hle mai a, khawimaw laia hna han thawk zui thei rum rum tur chu an ni lo mai thei a. Tiang chuan uluk takin Sorkarin a ngaihtuah a. Tunah sawn Falkawna sawn kan va dah pheida a. Tin, an in prescribe danah chuan Mizo deuhin sawi ta ila, a hlauhawm deuh tur chi ho hi ni 7 chhung chauh an awm ang a, a bak chu damdawia treat that thlap chuan dam vek tura ngaih an ni a. Chuvangin ni 7 chhung an awm ang a, khami chhung khan kan dah diat diat ang a, an chhuak leh zel ang a, chutiang chu TB kan enkawl dan tur leh rampumin a rawn kalpui dan thar a nih tak avangin kan kal lo thei lova, chu chu India ram pumpuiin kal dan tura a ruahman a ni.

Tin, nikum khan Sairangah khan kan zuk kal a, kan lo ngai thla tawh thin a. Sairang damdawiin khu kum 100 a ni dawn ta a, a bul vel pawh a chhe khawp mai a. Kawlkulhah hmannah ka han kal a, kan Finance Minister zahawmtak kutah a file a la tangin ka hria a, repair turin National Rural Health Mission atangin kan ti a, amaherawhchu a hmuna ka han kal khan a chhe lulai lutuk a, Kel pawh a riak duh dawn e maw ni le tih khawp khan a chhia a, a repair hi dah tha deuh ang u khai, NRHM atangin pawisa tlem kan nei, Central atangin kan ti a. Chuvangin tunah hianin Quarter 9 kha sak kan rawt ta a, Finance-ah tunah hian a inchiah mek a ni. Kan han ti chho zel a, entirnan, chhimlamah sawn infant mortality rate-te, maternal mortality rate te a chhiat em avangin kan hnam min timualpho a, sawlam atangin teh ang kan ti a, sawlam atangin kan rawn khuh pheida zel a. Lawngtlai pheida chu hei Lawngtlai West bialtu pheida chuan lawmthu a sawi ve ka ring a, a la sawi turah te pawh kan ngai a, tiang khan Clinic Centre-te kan hawng chur chur mai a, a intahtawl pheida a, tunah pawh Kawlkulhah nasa takin kan tih lai mekin tuna member zahawm

takin a sawi ang khan engatinge thu maia chhia Sairang kan luh loh a, ka ti a ka rilruah chuan a awm vawng vawng a, amaherawhchu chu tuna 13<sup>th</sup> Finance Commission lo kal leh turah hian tih kan lo tum ang e.

\* Speech not corrected.

**S P E A K E R** : Le, tunah zawhna No. 22-na zawt turin member zahawm tak Pu B. Lalthenglina i lo ko ang.

**Pu B. LALTHLENGLIANA** : Pu Speaker, ka Starred Question No. 22-na PWD Minister zahawm tak chhan atan :

- a) National Highway 54 Aizawl-Tuipang via Serchhip & Hnahthial hi chei that tumna a awm em?
- b) Awm ta se Tender chhuah a ni em ?
- c) Contractor thlanfel a ni tawh em?
- d) Tunge ?
- e) Estimate engzatnge
- f) Engtikah nge hna tan anih dawn ? tih ka zawt e.

**S P E A K E R** : Chhang turin a enkawltu Chief Minister zahawm tak Pu Lal Thanhawla i lo sawm ang.

**Pu LAL THANHAWLA, CHIEF MINISTER** : Member zahawmtak Pu Thlenga zawhna chhanna kha hetiang hi a ni e – a) National Highway 54 Aizawl – Tuipang via Serchhip & Hnahthial hi chei that tumna a awm em ? tih a ni a, Awm e, thawh mek a ni. Kum 2008 daih tawh atang khan cheithat tum alo ni tawh nghe nghe a. b) Awm ta se, tender chhuah a ni em ? Ni e, Tuirial – Serchhip leh Zero - Tuipang tih loh chu tender chhuah vek a ni tawh. c) Contractor thlanfel a ni tawh em ? Tuirial-Serchip leh Zero-Tuipang atan tih loh chu contractor thlan fel vek a ni tawh. d) Tunge ? Contractor hrang hrang hnenah pek a ni, chungte chu – 1) Aizawl – Tuirial (selected stretches) : M/S Tantia Construction Company. 2) Sailiamkawn – Leite – Hrangchalkawn : M/S Sunshine Overseas Pvt. Ltd. 3) Lunglei – Lawngtlai – Zero Point : M/S Bengal Prakalpa Nirman Pvt., Ltd., Kolkata. e) Estimate engzatnge ? Estimate zat chu hetiang hi a ni : 1) Aizawl – Tuirial (selected stretches ) : Sanction amount = 11.39 crores. 2) Sailiamkawn (Serchhip) – Leite – Hrangchalkawn : sanction amount = 23.99 crores. 3) Lunglei – Lawngtlai – Zero Point : sanction amount = 18.08 crores. f) Engtikah nge hna tan a nih dawn ? Tuirial – Serchhip leh Zero – Tuipang tih loh chu tan vek tawh a ni.

**S P E A K E R** : I ding ringawt mai, zawhbelhna Pu B. Lalthenglina.

**Pu B. LALTHLENGLIANA** : Pu Speaker, PWD changtu Minister, House Leader ni bawkin ka zawhna min rawn chhang a, amaherawhchu Tuirial atanga Serchhip la tih loh kha enge a chhan ? Engtikah nge tih theih a nih ang ? Hei hi kum rei tak, chhim leh hmar, inkalpawhna leh chhim lam life line a ni a. Helai, Aizawl-Lunglei via Thenzawl lam kawng a tlang tak avangin engemaw chen hlam chhiah

angin a kal a, a chhe em em mai a. Sumo tlan vel pawh thal lai chuan Thenzawl, Sialsuk lamah lo tlanin engemaw chen chu a kal theih a. Fur a lo nihin helama tlan mai theih loh chang a lo awm a, khilalah a tlan loh theih lova. Khilai kawng khi engtikah nge siam that a nih ang tih ka'n zawt duh a.

Tin, Lawngtlai-Zero point kha kan Minister zahawmtak chhanna kha ka man chiah lova, Tuipang ka zawhna lam kha chhan tel loh niin ka hria a. Tuipang lam kha engtikah nge tih a nih ve ang tih zawhbelhna ka'n zawt bawk a ni.

**S P E A K E R** : Pu C. Ramhluna, a dawtah Pu P.P. Thawla, tawi te khan han zawt ula.

**Pu C. RAMHLUNA** : Pu Speaker, ka lawm e. Lunglei to Lawngtlai hi a bik takin ka zawh duh chu, kha Contractor kan hria a, Bengal Prakalpa Nirman Pvt. Ltd. tih kha a ni a. Hei hi engtik huna thawk zo tura tih nge a nih a, eng chen nge an thawh tawh? Hei aia chak deuh hian an thawh tir theih em? Hmanni lawkah ka va kal a Pu Speaker, a thawktu mumal pawh hi ka hmu lo tlat mai a. Chuvang chuan hei aia chak deuh hian hma lak tir dante a awm thei em tih kha ka'n zawt duh a ni e.

**Pu P.P. THAWLA** : Pu Speaker, Pu Thlenga zawhbelhna atang khan ka zawhbelh ang e. Lawngtlai – Zero tih hi Zero hi Maubawk leh Saiha inkar zero point kan tih thin kha ni turah ka ngai a. Zero leh Tuipang inkar contractor tur kha kan Chief Minister zahawmtak rawn sawiah khan kan lo hre hman lova, hemi inkar contractor tur kha tunge ni tih kha ka rawn zawhbelh a ni e.

**S P E A K E R** : A chhang turin a changtu Chief Minister ilo ko ang.

**Pu LAL THANHAWLA, CHIEF MINISTER** : Pu Speaker, Aizawl to Tuirial (selected stretches) tih kha March 2012 a zawh tur a ni a, Sailiamkawn to Leite 140 km. – 185 km hi May 2012 a zawh tum a ni. Tin, Leite to Hrangchalkawn hi 1085-2025 Kms hi March 2012-a zawh tum a ni. Lunglei-Lawngtlai hi 78 kms a ni a, December 2012-a zawh tum a ni a, tuna member zahawm tak Pu Ramhluna zawhna kha an thawk chak lo khawp mai a. Kei pawh hman deuha ka kalin a thawktute kan melh deuh a, khawiah emaw chuan an lo awm ve let let a, kan ko a kan zawt vel a, chak tur chuan kan innawr ve a, chutiang chu a ni a. Thil buaithlak deuh chu tender hi helaia kan float pawh nise, khu lama an float pawh nise, Mizoram awmna pawh hre tha mang loten an rawn chhang lo thei lova, chu chu harsatna pakhat a ni. Tin, Lawngtlai to Zero point hi Tuipang peng zero point kha a ni a, December 2012-a zawh tum a ni. Tin, Zero to Tuipang hi Annual Plan-a khung tum mek a ni a, thawktu tunah chuan an awm rih lo a ni.

Tin, hmabak dang kan la neih chu Aizawl to Serchhip chei thatna tur estimates thehluh a ni tawh a, sanction nghah mek a ni a, tunah hian Chief Engineer-in a awm chilh a, kumin financial year chhung hian sanction hmuh kan inbeisei a, an awm chilh ngar ngar a ni. Tin, Zero to Tuipang chei that tur hi kum thar 2012-2013 hian Annual Plan-a khung ngei tura hmalak mek a ni a, chu chu anih phung tlangpui a ni. Tin, hna hi muang tak a ni a, hei Tuirial

to Serchhip te hi vawi hnih vawi thum an tender tawh a, a chhangtute hian above SLR ten an chhang thin a, tihngaihna a awm lova, estimates pawh hi vawi tam tak an siam tawh nghe nghe a, tunah hian a hnukung ber hi cheng vaibelchhe 34.41 a ni a, hei hi Ministry of Road Transport and Highways-ah thehluh niin sanction nghah mek a ni a, Chief Engineer-ten an awm chilh a, khu lai kan staff-te nen chu chu anih dan tlangpui a ni. Tin, Tuirial to Tlungvel, Tlungvel to Chhiahtlang hi tunah hian sum awmdan chu crore 17.85 a ni a, Tuirial to Tlungvel, Tlungvel to Chhiahtlang crore 16.5 a ni. Tin Chhiahtlang to Sailiamkawn hi nuai 10 ruahman a ni a, member zahawm tak Pu Thawla zawhna ka chhang tawhin ka hria a. Tin ,zero point to Tuipang kha crore 25 dah tawh a ni a, tin, Lunglei to Tuipang hi contractor hi chak lo keini pawhin kan ti a, tunah hian thil dangdaih sawi ila, contractor then khat hi han cancel ngawt dawn ila an hlawk zawk tawh dawn si a, kan innawr kan innawr mai a ni a, a buaithlak khawp mai. Amaherawhchu Department lampangten nasa takin tan an la a, Sailiamkawn to Leite, Hrangchalkawn angte hi chu an thawhna chin hmanni lawk khan ka va kal a, an thawh chinah pawh an thawk tha viauin ka hria a. Mahse sawisel tur hi kan zawng nasa a, Mizo kohhran mite hi kan phunchiar angrenga, a pan lutuk lo ti ve ringawt, tlawh ve miah lo te an awm a, engpawh niselang theihpatawp chhuah mek a ni.

**S P E A K E R** : Zawhna 23-naah kan kal ang a, member zahawm tak Pu R.L. Pianmawia ilo sawm ang.

**Pu R.L.PIANMAWIA** : Pu Speaker Starred Question No 23-na zawhna Animal Husbandry & Vety Minister zahawm tak chhan atan :- Sakawrdaiah Veterinary dispensary dah theih dan a awm em ? tih a ni e.

**SPEAKER** : A chhang turin a changtu Minister zahawm tak Pu Nihar Kanti ilo sawm ang.

**Pu NIHAR KANTI, MINISTER** : Pu Speaker, member zahawm tak Pu R.L.Pianmawia zawhna chhanna chu Sakawrdaiah Veterinary Dispensary dah theih dan a awm rih lo a ni.

**S P E A K E R** : A lawmawm e, zawhbelhna Pu R.L Pianmawia'n a zawt ang a, a dawtah Pu K.Liantlinga.

**Pu R.L. PIANMAWIA** : Pu Speaker, kan Minister hi a fakawm hlein ka hria a, Vety Department a enkawl hnu hian hmasawna tam tak hmuh tur a awm a, hetiang Minister chak a nih baw si avang hian hei hi a dah theih ngei kan ring a, ka han zawt a ni. Tin, midangin an la tichhuah loh tam tak hi tunah hian a tichhuak tawh a, heng ka'n sawi bak hi Zohmunah te pawh Rural Animal Health Centre tih te dah turin kan han beisei a, a department mite pawh rawn entir vek tawh te kha a ni a, thu a zep thei lutuk emaw ni aw ka ti thin a, chuvangin, a sawi awm chin kha chu han sawi law law sela tih kha ka duh dan a ni a. Tin, hmun thenkhatah Rural Animal Health Centre-te hawn a ni a, staff-te pawh dah a ni a, tah chuan building sak tur hi an ruahman tawhin ka ring a, khawi khawiah nge Rural Animal Health Centre hi hawn thar a, building sak thar anihna turte min hrih thei se a lawmawm hle ang.

**S P E A K E R** : Tunah Pu K.Liantlinga zawhbelhna.

**Pu K.LIANTLINGA** : Pu Speaker, ka lawm e, Vety Department-ah hian ka zawhna hi a kal tawh a. Tun tum phei chu zawhna ka pelut chiah lova kei chuan, amaherawhchu, zawhbelhna hi zawh ngai viauin ka'n hria a. Mizote hi sa ei nasa mi kan ni a, a tihpunna lampang tur pawh hmalaknate chu a awmin hriat a ni a. Amaherawhchu, staff indaih lohna hi a nasa a, a hmaa kan zawh tawh ang khan Veterinary Health Centre vela hnathawktu indaihlo min chhannaah khan VFA leh staff te kha post 42 lai mai hnawh khah theih lohvin a awm a, chu chu DP & AR leh Finance-ah proposal move niin ka hria a, nikumah tawh khan, kha kha pek an ni ta em? Pek ngei theih a ni em ? A pawimawhna hriain helai hi a dinhmun chiah kan Minister hian min hrilhfiat thei se a lawmawm hle ang.

**S P E A K E R** : Awle, a chhang turin a changtu Minister ilo ko ang.

**Pu NIHAR KANTI, MINISTER** : Pu Speaker, Pu R.L.Pianmawia zawhna kha chu a dik khawp mai a. Sakawrdai chungchang hi ngaihtuah chuan Sakawrdai hi chu Civil Sub-Division Headquarter a nih bakah Chhinlung Hills Development headquarter anih angin Vety dispensary hi dah awm tak chu a ni a. Amaherawhchu, dispensary dah tur chuan a hmasaah a hmun turte ngaihtuah hmasakte a ngai a, building sak tharte a ngai bawk a, Doctor, SVFA, VFA leh IV Grade pali post dah a ngai dawn a, Mahse, tun dinhmunah erawh chuan sum hi a harsa rih a, churang chuan kan la dah thei lo a ni a, remchang hmasa berah kan ngaihtuah dawn a ni. Tichuan a zawttu bial pawh hi ngaihtuah hmasak kan tum dawn a ni.

Pu K. Liantlinga zawhna chhanna kha a dik khawp mai a, ani hian kan Department lam hi a ngaihtuah khawp mai a, staff-te pawh kan indaih lo nasa a, mahse, tunah DP & AR kaltlangin staff dah belhna tur hi kan dil mek a, amaherawhchu tunah hian Financial Concurrence an la hmuh theih loh avangin ala hmuh theih loh a ni. Chu zawng chu ka chhan theih dan ni mai se. Ka lawm e.

**S P E A K E R** : Pu R.L.Pianmawia khan RHS sak belh tur kha i nei nual a, a sawi kha i neih leh neih loh kha i chhang tel lo a.

**Pu NIHAR KANTI, MINISTER** : RHS sak tur chu kan la nei hrih lova Pu Speaker, amaherawhchu Vety Dispensary Darlawnah sak tum mek a ni.

**Pu NIRUPAM CHAKMA** : Pu Speaker zawhbelhna, Chawngte Sub-Division-ah dispensary pakhatmah a awm lo, Lai Council-ah pakhat min sak sak a, enge a awmzia.

\* Speech not corrected.

**Pu NIHAR KANTI, MINISTER** : A awmzia chu harsatna avangin Chawngte bialah kan sa zawk a ni e.

**Dr. R. LALTHANGLIANA** : Pu Speaker, PHE Minister zahawm tak chhan atan. Buarpui leh a chhehvela tui harsatna sutkian nan hian sorkar hian hmalakna thar a nei em ? tih ka zawt e.

**Pu S.HIATO, MINISTER** : Pu Speaker, member zahawm tak Dr. R.Lalthangliana zawhna chhanna chu - Nei e. Buarpui khaw tui harsatna sutkian nan hian PHE Department chuan hma a la mek a, nikum 2010-2011 chhung khan leihnuai tui submersible pump 9 (pakua) hmangin laksak an ni.

Hemi bakah hian Lungphun Lui tui pump chhohna turin hmalak mek a ni tih hi ka chhanna a ni.

\* Speech not corrected.

**Dr. R. LALTHANGLIANA** : Pu Speaker, Minister zahawm tak khan submersible pump a tih kha a chhe reng mai a, thal chhung tui mamawh laiin rei tak a chhia a, ka va kal a kei pawh, siam a ni tawh em tih kha ka zawt duh a, YMA Sub-Headquarter Conference lai a ni a, a buaithlak khawp mai. Khalai kha min chhan theih chuan a lawmawm hle ang.

Kha Project siam Lui tui lak tur kha engzatnge estimate tih ka zawt duh a. Tin, a fund kha engtikah nge hmuh kan in beisei tih kha min hrilh theih chuan a lawmawm ngawt ang. Tin, tuna harsat zualpui lai tak tak sawn submersible pump a function that loh lai sawn alternative dang motor emaw thal chhung hian kan ngaihtuah sak thei em tih kha ka'n zawtbelh leh duh a ni.

**DEPUTY SPEAKER** : Pu Speaker, i veilama thu ka ni ve thova ka'n zawtbelh ve teh ang. Ka bial Dampuih khuan tui lakna turin engkim peih fel a ni tawh a, pipe te, electric te, tanky te pawh an thlung thla vek tawh a, tui pump khawl kha Pune atangin kan chah a, a lokal mek an ti a, khawi hmun nge a rawn thlen tawh, engtikahnge min pump sak theih ang tih kha ka zawhbelh duh a.

Tin, Lengpui tui lak nan chuan kan Chief Minister zahawmtak khan DoNER-ah khan vbc 4 chuang zet kha min sawi chhuah sak a, kha kha engtinngge hmalak zel anih a, engtikah nge bul tan a nih ang tih kha Pu Speaker, ka zawhbelh e.

**Pu LALDUHOMA** : Pu Speaker, tunhma PTC kan tih thin, tuna 5<sup>th</sup> IR awmna nitaah khuan tui hi an harsa em em mai a, Police Department hian motor lian tein an phur thin a, chu chu police family tan lo chuan a chan ve theih silova, civil in 40 vel lai an awm ve a, an buai hle mai a, Greater Water Supply Scheme-in a huam ve silova. Khulai harsatna khu Home Department hian tanky-te an han dah ringawt a, eng tehchiam an ti lova. A titu bik tur pawh kan hrethiam lova. P.H.E hian min han hma sak thei angem? Nuai nga lek pawh min pe ta sela, a tui lak tur kan lo survey ang a. Khang zawng zawng kha kan ti thei vek a. Tichuan manpower kha an ngah a. A hna pawh kha thui tak kan thawk thei dawn a. Rs. Nuai 5 emaw vel lek hi min lo ruahman sak sela. Tui lak tur tha kan hmuh hunah min tih sak thei angem tih hi ka'n zawt a.

Tin, a pahnihnaah chuan submersible kan tih ang chi hi tun ai hian a uar theih lo'm ni? Keimahni Assembly compound-ah ngei pawh hian khulai a mawngah khuan tui tha deuh a awm a. House Committee-in i pump chhuak teh ang kan ti a. Tui a tam em em mai a. Khatiang kha veng hrang hrangah hian a awm thluah dawn a. Heng hi han pump chhuak ve ta ila. A veng Local Council kutah te pawh hian han dah tah ila, P.H.E nasa takin a chhawk theih ka ring a. Khatiang hmun kha identify a, tihdan te hi zawn chi a ni dawn lo'm ni tih ka'n zawt ve duh a ni.

**Pu S.HIATO, MINISTER** : Pu Speaker, Pu Thangtea kha kum 10 chhung an sorkar lai kha chuan Minister thu dim ve pawl tak ni khan ka hria a. A bial khatiang khawpa tui harsaa a kal san mai kha a pawl ka ti khawp mai a. Mahse keini chuan theih tawpin tan kan la ania, a bial tan hian. Mizoram pumpui a enkawl ve si a. I bial a ni ang tih i hriat loh avangin i ngaihthah deuh a ni maithei. Engpawh nise, Buarpui khua hi Lungphun lui tui hi kum 30 awm leh tur thlengin 40 LPCD pe thei tura ruahman a ni a. He Water Supply Scheme atan hian Rs. Nuai 600 senna tur proposal pawh Planning Department-ah ALCPR hnuaiah priority list a telh turin Nov, 2011 khan thehluh tawh a ni a. Amaherawhchu, he ruahmanna hian a chhehvel khaw dang a kep thei rih dawn lo a ni. Buarpui chhehvel khaw pahnih Kawlhawk leh South Lungdarah te hian Financial Year kal lai mekah hian tuizem lian 3 ve ve siam sak mek an ni a. Tin, nichina Department hmalakna hian helai khaw bawr vela tui harsatna hi a sutkian ngei hi kan beisei pui a ni.

Tin, submersible pump hi, ni e, khawl a ni a. A chhiat chang hi a awm lo thei lova. Thalah an hmang rim nasa mai si a. Chuvang chuan, a chhiat chang chuan Village Water Committee te an awm a, VC te an awm a, kan mi te an awm a, report zung zung a, repair zung zung hi kan duh a. Theih ang tawk chuan an repair a ni. Tunah hian a chhia an repair em tih zawhna chu ka chhang thei mai lova. A chhiat chuan repair sak thuai pawh kan tum a. Tin, Buarpui South pawh ni lo, thingtlang khaw tam tak, tui harsatna bik zual te chu thal chhung hi chuan truck hmang te hian tui kan supply ve thin a ni. Tah chuan a harsa zual engngemawzat chu kan khuh mek a ni tih hi min hriat sak ka duh a.

Tin, Pu John Rotluangliana zawhna Dampui khua kha, ni e, tun tum kan sorkar chhung hian tui kan pek that pawl tak bial niin ka hria, khaw engngemawzat kan khuh sak tawh a, ani pawh a lawm viauin ka hria a. Mahse khawngge an thlen tawh tih kha chu chhan harsa ka ti rih, ka zawh phawt a ngai ang. Kalkawngah hian engnge harsatna an tawh tih te kan hre lova. Mizorama khaw lian deuha kan khawl hman te hi Poona atanga lak vek a nih avangin harsatna kan tawk viau thin a. A chang chuan kalna te a lo thui a, a chang chuan a hmunah kan Engineer-te ngeiin an zu verify thlap hi a ngai thin a, a lo tlai thin a. Engpawh ni sela, a tam thei ang bera Dampui hi tui an hmuh theihna turin tan kan la zui zel dawn a ni.

Tin, Lengpui kha, ni e, kan Chief Minister zahawm takin theihtawpin tan a la a. Tunah sanction kan nei tawh a, tender chhuah turin kan inpuahchah mek a ni. Reiloteah tender kan chhuah ang a, kan thawk thuai ang tih ka'n hrih duh a ni.

Tin, Pu Duhoma zawhna kha khulai biala pump chhia kha kan hotuten an lo hre lova. Mahse, an zuk en tha a, March Ni 7 ah khan an repair tawh a. Jail Venga pump-na tura tih pawh kha SIPMIU-ah kan thlen a. SIPMIU atanga sanction lo kal velah kan thawh sak theih kan inring a ni.

Tin, submersible pump hi a tangkai viau kan ti a. Mahse, duh angin hetah hian pawisa kan hmu tam thei lova. Theih nise chuan hei aia chaka thawh hi mipui tan pawh a chhawr na awm hle dawnin kan hria a tan kan la a ni tih he House hi ka'n hrilh duh a.

\* Speech not corrected.

**Pu LALDUHOMA** : A bialtuten ziaka kan thlen tawh Local Council ten vawi duai lo anmahni pawh kala an han nawr ang te, House-a “engmah kan hre lo” tih tlat reng mai hi, a hnathawktute hi a Minister hian lo hrilh chiang deuh se ka duh a. Kan official-te hian bialtu MLA ten lehkha kan ziah hi chhan pawh min tum lova, hei hi an tih tur ni pawhin ka hre lo.

**S P E A K E R** : Ani Minister chauh lo pawhin lo bengvar tlang ila thain ka hria a. Hon'ble member-ten an ngaih pawimawh thil an rawn tih kha theih dan emaw, theih loh dan emaw inchhan let dan kha tum tlang hram ila a tha ang e. Han chhan zawm rawh le.

**Pu S. HIATO, MINISTER** : A pawimawh ka ti khawp mai. Vawiinah kan officer-te pawhin an ngaithla a. Khatiang kha repeat tawh lo turin kan inchah ngun leh ang a. A awm tawh lo turin beisei ila. Amaherawhchu, thil lo thleng thut te hi hriat zung zung a har ve khawp a, a Minister beng a lo thlen pheh hi chuan a tlai ve rawih tawh thin a. Chuvangin, an sawi ang khan direct-a Minister-te hriattir thin hi ti zel ila tih ka'n ngen duh a.

Tin, 5<sup>th</sup> Battalion IR awmna hlui Lungverh leh Sahuan vela chengte tan hian PHE atang chuan Water Scheme hi ruahmanna siam a ni chiah lova. Sorkarin tul leh tha a tih chuan kan bawhzui mai ang a. Tin, Lungverh centre-ah hian 1989 khan Belkhai Lui lak a ni a, reservoir pahnih 7,000 ltrs capacity leh 25,000 ltrs capacity a siam a ni. Public point pahnih awmin Primary leh Middle School te tui pek an ni bawk a. Officer-te chuan pipe connection an nei a. Tui hna hi duh thu a sam lova, tunah hian 12 APCB chauh a hmu thei a ni. Tui lak theihna hnaivai a awm loh avangin kan harsa a. Sawi ang khan Home Deptt-te nen tangtlang a, a hnar tha zawkte pump tur tha zawk te a awm chuan kan inkawhmmuh tlan a thain ka hria. Ka lawm e.

\* Speech not corrected.

**S P E A K E R** : Zawhna 25-na zawt turin member zahawm tak Pu P.P. Thawla i lo sawm ang.

**Pu P.P. THAWLA** : Pu Speaker, Education Minister zahawm tak chhan atan ka Starred Question No. 25-na chu –

- a) Mizoram state Sorkarin Post-Matric Scholarship a pek theihte hi kumkhat chhunga chhungkaw sum lakluh engzat chin te nge ni ?
- b) Kum khat chhunga sum lakluh zat tuk hi tihdanglam/tihsan theih a ni em tih a ni e.

**S P E A K E R** : Chhang turin a changtu Minister zahawm tak Pu Lalsawta i lo sawm ang.

**Pu LALSAWTA, MINISTER** : Pu Speaker, member zahawm tak Pu P.P. Thawla zawhna chhanna chu Mizoram sorkarin Post-Matric Scholarship a pek theih te kumkhat chhunga chhungkaw sum lakluh zat chu :- 1) Post Matric Scholarship, hei hi tribal leh minority kan nih avanga scheme hnuai kumkhat chhunga annual income cheng nuai 2 tling lo chin hnenah pek theih a ni. 2) Post Matric Scholarship, hei hi merit kan ti a, minority zinga mi scheme hnuai kumkhat chhunga annual family income cheng nuai 2.5 lalut tlinglo te hnenah pek theih a ni. Tin, (b) na kumkhat chhunga sum lakluh zat, tuk zat hi tihdanglam emaw tihsan emaw theih a ni em tih zawhna chhanna chu : Kumkhat chhunga sum lak luh income ceiling hi tihdanglam emaw tihsan emaw hi Central sorkar kut a ni a, state sorkarin thu a nei lo tih a ni.

**S P E A K E R** : Zawhbelhna Pu P.P.Thawla i lo sawm ang.

**Pu P.P.THAWLA** : Pu Speaker, zawhbelhna, Post Matric Scholarship lak/pek turte an kumkhat income tuk awm hi Mizorama zirlai tamtak awm tan hi chuan a buaithlak angreng viau a. A tuk zat han awm hian zirlai tamtak dawt sawi a chawh sa nghalin a lang a, churang chuan Mizorama mi cheng, tribal ni bawk si tan chuan a zat tuk awmlo hian Mizoram chhunga tribal an nih phawt chuan lak theih ni mai sela, a tha mai lawm ni tih kha zawhbelhna pakhat a ni a. Nuai 2.5 aia tam lo tih te pawh hi nuai 3 nuai 4 kumkhat income te pawh hian an dawng tho niin a lang a, churang chuan tuk chin awm tlat hian dawt sawi a titam mai mai lo maw, tuk kha awmlo thei a ni em ? tih kha ka zawhbelhna ni leh sela. Pahnihnaah chuan kum dangah December leh January bawr velah hetiang scholarship hi zirlai naupangten an la deuh vek tawh thin niin a lang a. Kumin bikah hian tun March thla thleng pawh hian scholarship la hmu lo hi an awm niin hriat a ni a. Hei hi enge ni a chhan ? Sorkar mualphona a ni thei mai angem ?

**S P E A K E R** : A chhang tur hian a changtu Minister i lo sawm ang.

**Pu LALSAWTA, MINISTER** : Pu Speaker, member zahawm tak Pu P.P.Thawla rawn zawhbelhna kha hemi scholarship hi miretheite tan, chhungkaw harsate tan tih a ni hrim hrim a, scholarship chi ho hi. Stipend-te hi chu Technical studies atan a nih avang hian income ceiling a awm ve lova. Scholarship-te hi chu India ramin a remruatnaah hian income ceiling awm a ni a, chu chu tuna kan dinhmun a ni a. Tin, scholarship tih chungchangah khan Christmas hmaa pek thin a ni a. Tunthleng pawha pek loh tih kha Post Matric Scholarship, Matric pass tawh chinte an scholarship hi chu nikum Christmas hma te, tun kumah pawh January, February te khan kan pe vek a. Pre-Matric, Matric la thleng pha lo ho erawh hi chu vawiin thleng hian kan pe thei lova. He House-a kan sawi thin ang khan hei hi sum harsat vanga kan pek theihloh a ni.

**S P E A K E R** : Awle, zawhna 26-naah kan kal ang a, zawt turin member zahawm tak Pu C. Ramhluna i lo ko ang.

**Pu C.RAMHLUNA** : Pu Speaker, Transport Department Minister zahawm tak chhan atan, ka question chu hei hi a ni :-

- (a) Aizawl khawpui chhungah Taxi service lai engzat nge awm ?
- (b) Kum 2010-2011 leh 2011 leh 2012 chhungin Aizawl-ah taxi register thar engzatnge awm ?
- (c) Kum 2011 leh 2012 chhung hian Aizawl khawpui atan City Bus permit engzat nge pekchhuah thar a nih ?

**S P E A K E R** : Chhang turin a changtu Minister Pu P.C. Zoram Sangliana ilo sawm ang.

**Pu P.C. ZORAM SANGLIANA, MINISTER** : Pu Speaker, Member zahawm tak Pu C. Ramhluna zawhna :

- a) Aizawl khawpui chhungah taxi service lai engzatnge awm tih chhanna chu Record-a a lan danin Aizawl khawpui chhungah Taxi service lai 3683.
- b) Kum 2010, 2011-2012 chhungin Aizawl-ah taxi thar engzatnge awm tih chhanna chu 2010-2011 chhungin Aizawl-ah taxi register thar replacement 381 a awm a, 2011-2012 Feb. thleng hian 318 a awm. Kum 2010, 2011 leh kum 2011-2012 chhung hian Aizawl khawpui atan City Bus permit engzatnge pekchhuah thar a nih tih chhanna chu 2010, 2011 te 2011-2012 chhung hian Aizawl khawpui atan City Bus permit pek chhuah thar a awm lo.

**S P E A K E R** : Zawhbelhna Pu C. Ramhluna ilo sawm ang.

**Pu C. RAMHLUNA** : Pu Speaker, ka'n zawhbelh duhna chu 2010-11; 2011-2012 replacement atan khan Taxi 318 lai a awm kha a ni a. Pu Speaker, hei an permit hi Taxi an leia permit kha an hmu a, Taxi kha a chhiat tawh kha write off zel ni ta se a tha zawk angem aw? tih kha ka ngaihtuah ve mai mai a. A chhan chu hei hi engemaw zatin anmahni khan hmang leh tawh silo khan midang hnenah khan an hralh chhawng a, cheng engemaw zat hmu khan an in hralh chhawng leh thin a, kha kha practice diklo tak niin a lang a, chuang chuan replacement a lang si khan midang khan kha Taxi permit kha lein cheng sing tam tak khan an in hralh chhawng leh thin kha tihtawp theih a ni ang tih ka beisei deuh hlek a, an Taxi chhiat rual rual khan permit kha thi ve mai sela, tichuan a permit thar kha issue leh ta mai sela a tha zawk lawm ni tih kha Pu Speaker, ka zawh chhan a ni a.

Tin, a pahnihnaah chuan Taxi tunhmaa intlanchhawk thin, ni khat dana intlanchhawk thin kha tunah chuan ni 2 danah a awm ta a, hei hi engtik atang khan nge an lo tih thar tak, Taxi owner ho tan hian kar khata ni hnih off hi a tam lutuk deuh lo maw?tih ka rilruah a awm a, chu chu Taxi Owner interest-in ka'n zawt a. Nikhat kha chu a hriatthiam awm a, ni hnih em em kha chu a nilo thei deuh lo maw tih Pu Speaker, ka'n zawt a ni e.

**S P E A K E R** : Chhang turin a changtu Minister ilo ko ang.

**Pu P.C. ZORAM SANGLIANA, MINISTER** : Pu Speaker, Member zahawm tak zawhbelhna chu tiang hian sawi ta ila thain ka ring. Motor Vehicle Act 1988 leh Zoram Motor Vehicle Rules 1995-in a phal angin Taxi hlui tawh, Taxi anga service tlak tawh lo, eizawn nana Taxi la hmang zel duhte tan leh accident avanga Taxi anga hman tlak tawh lote tan motor hlui chu motor thara thlak, replace phal sak an ni a, chutiang behchhan khan replace a tam a ni. Tuna member zahawm takin a rawn rawtna ang kha tih theih chu nise a tha ngawt ang. Hei kum 3 a hmingin Transport Minister ka ni ve tawh a. Aizawl khawpui chhungah tumah Taxi permit pekchhuah theih loh tih hi pek ve theihna chance an ni dawn a, a tha ngawt ang, keipawn ka duhtusam chu a ni a, mahse dan anga kal tur hi kan ni a, kan dante hi kan tidanglam a nih siloh chuan tuna kan dinhmun hi kan tawng tur a ni reng a. Chutiang chuan an rawn zawt tel lo na a, information atan Pu Speaker, a pawimawh a, khatiing zul zui tho khan Aizawl City Bus permit pawh hi pakhatmah kan pe lo kan tih laiin a thar a awm si tih a awm thei a, replacement hi mi 19 hnenah pek an ni e.

Tin an zawhbelhna, intlanchhawk chungchang hi sorkarin uluk takin a ngaihtuah a, intlanchhawk miah lo a, a huhoa tlan tir leh turte thleng pawn kan ngaihtuah thut thut a. Nichina a zawttuin a sawi ang khan owner interest atangin. Amaherawhchu kan Aizawl khawpui hi chenna tlaka ti tur chuan kawng engkimah sorkarin thil chi hrang hrang a ngaihtuah a, a tih a ngai a. Hei tunah pawh kan han enchhin a kan practice a, kan han tihchhin kha a lo tha lo a nih chuan tha tur zawk atan kan sorkar chu a in hawng reng a. Chuta tan chuan Owner-te leh Driver Association hote nen pawh kan inbe fo thin a ni tih House ka han hriattir duh nghal bawk a ni e.

**S P E A K E R** : Ni e, taxi permit thar in pek theihloh thu hi Selesiha kan hotu pakhat hian a ngaimawh khawp a, Minister hnenah hian kan han dilpui thin a, waviin thleng hian min la pe thei lo reng reng mai a. Selesih atangin zana damlo han inphurh ngai te hi a awm ve thin si a, permit thar in pek theih loh ringawt mai hi chu a hrehawm khawp mai. In replace zel bawk si a, ka buai tak tak a ni kei ber pawh hi.

Le, zawhna han zawt zung zung selangin. 27-na zawt turin Pu Lalduhoma ilo ko ang.

**Pu LALDUHOMA** : Pu Speaker, Transport Minister zahawm tak chhan atan. Ka zawhna (a) na - Zoram Drivers Union-te tan hian Department of, (hei hi Ministry of, tih tur a ni zawk maithei e,) Road Transport and Highway, Government of India-ah Crane leh Ambulance dilsak hi Sorkarin tha a ti em? (b) na - Road Safety Week hmanna atan hian Zoram Drivers Union (ZDU) hnenah sum engzatnge pek a nih thin?

Pu Speaker, zawhbelhna kha ka zawt hman tawh awm silo a. (Speaker : Rawn zawt nghal mai rawh) Ka lawm e.

ZDU te hian social activity an ngah em em a, Damna In te an nei a, Missionary-te engemaw zat an thawn chhuak a; tin Aids Control Society hnuaiiah pawh hian project an nei a, kan ram a NGO tha tak an ni a. Crane leh Ambulance hi an nei a, tunhma khan Ministry of Road Transport atangin an lo pe a, an chhawr tangkai em em a, hengte hi mipui pawhin kan chhawr a, tunah hian a chhe tawh ve

ve a ni mai a, a hman tlak tawh loh a. Kan Sorkar hian theih ang tawkin zuk dilpui leh ta sela an lo pek leh mai a beisei awm a, chungah te chuan tan an lakpui thei em tih kha ka'n zawt duh a.

Tin (b)-naa ka zawhbelh duh hi, Road Safety Week kumtin kan hmang a, kut ke atan ZDU te kan hmang thin a, engmah hlawkna an nei lova, an chawi belh mah mah zawk a. Road Safety Week atan hian sum engzat nge kan neih thin a, engtia hman nge ni thin? ZDU atan khan kumin khan tlem pek ve a ni a, a dangah pek a ni ngai lovin ka hria a. Kum dangah khan ZDU pawl te hi pek angin alo lang ve palh mai em? Chutiang a nih pheih chuan a diklo a, chhui a ngai dawn tihna a ni mai a. Keiniah chuan eng pawh chu lo ni se hemi Road Safety Week kan hmanna atana kan kut ke ber ZDU te tan hian fund thahnem tawh tak pek ve theih dan a awm angem tih ka'n zawt belh nghal ni rawh se.

**S P E A K E R** : Le, kan zawhna hun a tawp chiah a, mahse zawhna kha a awm a, chhan loha han tih ringawt chu min chhang ngam lo tih te pawh awm thei a ni a, a chhang turin Minister zahawmtak ilo ko ang.

**Pu P.C. ZORAM SANGLIANA, MINISTER** : Pu Speaker, member zahawm tak Pu Lalduhoma zawhna - Zoram Driver Union-te tan hian Ministry of Road Transport (ti mai ila a dik ang a a rawn sawi ang khan,) and Highway, Government of India-ah Crane leh Ambulance dil sak Sorkarin tha a ti em tih hi, Tha ti e. (b)-na zawhna chhanna, Road Safety Week hmanna atan hian Zoram Drivers Union (ZDU) hnenah sum pek a ni ngai lo tih kha a chhanna a ni a. A rawn zawhbelhna atang khan han sawi ta ila. Sorkar Department leh Association Road Safety chungchanga hmala thinte pualin motor hnuhchhuahna tur Crane-te leh Recovery Van-te leh Ambulance-te pek theihna dan hi Central Sorkarin Scheme a nei a, chumi zar chu Zoram pawh hian alo zo ve tawh a. Central Sorkarah Department tan te, ZDU tan te, Transport Department te, chungte tan chuan kan dilsak tawh thin a. Kan ngaihtlak tawh ang khan hmuh pawh hi hmuh tawh a ni. Tin, chutih rual chuan tunah pawh khatiang atana NGO tangkaia hman atante hian dilna an rawn tih chuan department-in kan lo forward sak vat thin a. Tunhnai lawkah pawh Truck Owners Association-te Kolasib dilna pawh kan forward sak a ni, ZDU mai pawh ni lovin mi dang khatiang atana tangkai thin atan pawh.

Tin, he Road Safety Week hman chungchangah hian Central sorkarin state tinte leh Union Territory tinte hnenah hriattirna a tichhuak thin a. Chutihrual chuan, hemi hmanna tur atan hian Central sorkar atangin sum hmuh a ni ngai lova, State sorkarin a theih ang angin a ngaihtuah thin a, keini pawhin Mizoram-ah hetiang atan hian kan sum neih ang angte kan lo hmang ve thin a. Tin, sum harsatna avangin ZDU te emaw midang pawh nisela lirthei chungchanga association dangte chu sawi loh District 8 ah hrim hrim pawh hian a rualin kumtin kan sum neih sa atanga kan pek theih kha a tlem avangin kan hmang thei thin lova, kan in hman chhawk tir thin a ni. A changin District thenkhat an awl a, NGO pakhatat khatiang khan sum va hman ngawt kha chu a la hla hle a, chutiang chuan District level-ah pawh hian a chhawk kan ti thin a. Aizawl erawh chu State Capital a nihna angin kumtin a uar thei ang berin ZDU a ni emaw NGO hrang hrangte nen driver tha thlan te, Traffic Police tha thlan thlengin chutiang chuan kan hmang thin a, chungachte chuan

lawmmante siam a ni thin a. Chutiangah chuan ZDU chang nilovin association dangte hi hman tangkai a ni thin a. Road Safety chungchang bikah hian Mizoram-a lirthei neitute leh a khalhtute association hrang hrangte hian an ngaih pawimawh em em avang hian State Level Road Safety Council kaihhruaina hnuaiah kawng hrang hrangin nichina kan han sawi ang khan hmalak a ni thin a ni. Nichinah member zahawm takin a rawn sawi ang khan a bikin ZDU hnenah phei chuan kum 2004 kum khan Road Transport Ministry atangin cheng nuai khat sanction hmuh sak an ni a, first installment Rs. 50,000/- pek an ni a, hemi hi Record-ah kan hmu zui ta lova, chutiang chuan heng tanpui theih tur ang chiah miin Central scheme zulzui-a an rawn tih phawt chuan kan department chu tanpui thei turin kan inhuam reng a ni tih ka sawi duh a ni e.

**S P E A K E R** : Awle, kan zawhna leh chhanna hun a lo tawp a. Vawiih hian kan member absent hi Pu Lalthansanga a ni a, tin, Pu Hmingdailova te hi Games lamah an pawimawh a, a rawn awm tuan thei lo bawk a. Khatiang kha tunlai chu kan awm deuh zeuh zeuh a ni, kan inhriatthiam pawh a tul, keimahni pawimawhna bik te ang anih loh chuan Game pawimawh kan thlen avang hian mawhphurhna bik nei chu kan chhuah veleh zeuh hi a ngai thin a ni. Tichuan, Pu Lalthansanga hi damlohna avanga lo kal thei lo kan neih chu a ni e.

Financial Business-ah kan kal ang a, nimin lamah khan Supplementary Demand leh Vote on Account kha kan Minister khan Financial Statement-te pe khan a rawn ti a. Amaherawhchu, House-ah hian 2010-2011 Additional Grant Demand No. 1 – 48 leh tuna Vote on Account-a demand ho hi demand No. 1 – 48 te hi House-ah a rawn move a ngai a ni, move turin i lo kovang Minister zahawmtak.

**Pu H. LIANSILOVA, MINISTER** : Mr. Speaker Sir, on the recommendation of the Government of Mizoram and with your permission Sir, I move the Additional Grant for Demand No. 1 – 48 for rupees 697 crore, 51 lakh, 22 thousand only for meeting expenses during 2011 – 2012 in respect of the following departments. Legislative Assembly, Council of Minister, Law & Judicial, Vigilance, Land Revenue Reforms, Excise & Narcotics, Taxation, Finance, Secretariat Administration, Parliamentary Affairs, Personnel & Administrative Reforms, Planning & Programme Implementations, General Administration Deptt, Home, Food Civil Supplies & Consumer Affairs, Printing & Stationeries, Local Administration Deptt, School Education, Higher & Technical Education, Sport & Youth Services, Art & Culture, Medical & Public Health Services, Water Supplies & Sanitation, Information & Public Relations, Distric Councils, Labour & Employment, Social Welfare, Disaster Management & Rehabilitation, Agriculture, Horticulture, Soil & Water Conservation, Animal Husbandry, Fisheries, Environment & Forest, Cooperation, Rural Development, Power, Industry, Sericulture, Transport, Tourism, Trade & Commerce, Public Works, Urban Development & Poverty Allevation, Minor Irrigation, Information & Communication Technology.

Sir, on the recommendation of the Governor of Mizoram and with your permission Sir, I move the Demand No.1 to 48 for rupees one thousand five hundred forty two crore, thirty nine lakh, seventeen thousand only for meeting expences during April to July 2012 in respect of the following departments : Legislative Assembly, Governor, Council of Minister, Law & Judicial Vigilance, Land Revenue Reforms, Excise & Narcotics Taxation,

Finance, Secretariat Administration, Parliamentary Affairs, Personnel & Administratives Reforms, Planning & Programme Implementations, General Administration Deptt, Home, Food Civil Supplies & Consumer Affairs, Printing & Stationnaries, Local Administration Deptt, School Education, Higher & Technical Education, Sport & Youth Services, Art & Culture, Medical & Public Health Services, Water Supplies & Sanitation, Information & Public Relations, District Councils, Labour & Employment, Social Welfare, Disaster Management & Rehabilitation, Agriculture, Horticulture, Soil & Water Conservation, Animal Husbandry Fisheries, Environment & Forest, Cooperation, Rural Development, Power, Industry, Sericulture, Transport, Tourism, Trade & Commence, Public Works, Urban Development & Poverty Allevation, Minor Irrigation, Information & Communication Technology. Thank You Sir,

**S P E A K E R** : Khai le, tikhan Minister khan House-ah a rawn chhawp chhuak ta a, Department hrang hrangte Additional Demand leh tuna Vote on Account atana sum ruahman te. Hei hi kan han sawiho ang a, mahse Vote on Account leh Supplementary Demand te hi sawiho theih loh chu an ni lova, mahse han sawiho a boruak han tih hot vak hleih theih loh chi hi a ni a. Pass mai theih te pawh hi a hahdam thlak mah mah a. Chu chu Parliament-a an practice dan deuh pawh a ni a, Vote on Account hi April atanga July 2012 kha a ni a, kum hmasa size kha an han then tawp a khatiang deuh kha a ni mai a. Chutiang baw chuan Supplementaty Demand pawh hi kan ei zawh tawh lam pang kha a ni a, mahse member-te ngaihdan kha a pawimawh ta ber a ni, he chair atanga ruling neih chi a ni lo va, member hoten kan sawiho tur a lawm ti a, chianglo te kha a awm thei a, inzawh te pawh kan duh a, sawi paha inzawh te pawh kan duh a in ti thei a. Engtingge member-te sawihona hun kan nei dawn em? Nge ti hian kan ngawi liam mai dawn em ni ?

**Pu LALDUHOMA** : Pu Speaker, thla khat lek chhung sum pawh nise sawiho chu a phu a ni lawm ni.

**S P E A K E R** : A nih sawihona hun i nei ang u aw, tichuan mipakhat tan sawihona hun engzatnge kan hman ang, minute khat in tih pawn House thu thu a ni a, darkar chanve in tih pawn kei chuan ka pawh ti lo reng reng a.

**Dr. R. LALTHANGLIANA** : Pu Speaker, phung deuh hi kan nei ve a, sawi dawn chuan sawi tur tam tak chu kan nei vek ang a, amaherawhchu, a lutuk kha a awm ve thei baw a, a tlangpuiin hengah hi chuan minutes 10 vel hi a ni a, 10 minutes vel te hi ti ve leh mai ila a tha lo maw, hmang zo lo an awm leh a tha a, hmang zo turah te pawh inngai ta ila, kan kal chhan ber kha a ni ve a tun session-ah hian, chuvangin reilo lutuk kha chu a fel lo ve. Minutes 10 inpe ta ila a tuah bik kha chu inpekbelh i huam tho kha maw.

**S P E A K E R** : Keinin aih kan tih tlat chuan kan officer-ten cheng khat pawh an hman theih loh kha hman kumah khan. A nih leh 10 minutes te pawh han inpe ila, hman zawh kher tur pawh a ni lo va, tin, khat hle leh ngaihnawmtakte a awm kha chuan chair lam kha min hrethiam u lang ka lo pe sei deuh dawn a nih pawhin, min rawn hau kher lo ula, kan Chair in ngaihnawm a ti deuh a, a pawhfan sak ve a ni maw, concession a pe a ni maw lo ti ve thei ula ; tichuan 10 minutes hun han inpe ila. Tunge han sawi hmasa dawn le,

chawhnu lama chhuah ka duh si a ti a han sawi hmasa duh deuh te in awm em? Inkhel ka en ngei a tul si ti te.

**Pu K.LIANTLINGA** : Pu Speaker ka lawm e, chhuah duhna te pawh kan nei bawk a, min phal sak ka ring a, chuvang chuan sawi hmasaah kan tang mai anga, sawi tur tam tak awm mah se, rei tak sawi theih a ni lo anga, ka lo sawi ngaihnaawm deuh a nih leh min pe rei deuh a ni ang chu.

Kan Governor khan kan House kha a zahawm khawp tih thu te kha a sawi a, mahse, nimimpiah lawk kha chuan kan han inbauh lek lek mai a, vai zia kan lalut ve lek lek maiin ka hria a, zahawm deuh leh tha taka tih zel pawh a tul viauin ka hria a. Kan Budget hi vote on account chauh a ni a, kan sawi duh chu, kan budget-te a lo lapse thin avang leh 72 crores a lo lapse te, dawhkan 46 lai paltlang a ngaih thute kan sawi a, tum 5 tum 6 lai House-ah kan sawi tawh a, nikum 2011-2012 khan kan Finance Minister budget speech-ah khan kan simplified ang tih kha a ni a. Delegation of Financial Power to Officers Under Govt. of Mizoram tih rules a rawn chhuak ta a, tlem chuan tihdanglam chu a ni ngei mai a, Amaherawhchu tihdanglamna hi a tha ber em aw tih kha kan ngaihtuah a, kan Minister-te pawh hian power nei ve tawh se tih te kan sawi a, tunah hian kan Minister-te hian power a nei ta chiah em ? engtingge ni ka hre lo va. He Rules-a Notification No.3-naah hi chuan “The financial powers so delegated to the Heads of Administrative departments shall be exercised also in conjunction with Rules 8 and 20 of the Government of Mizoram (Transaction of Business) Rules, 1987” tih a ni a, tah hian Minister-te mawhphurhna a nih dan te chu a rawn sawi lang chho va, khatiang khan an kal ta chiah em tih erawh chu ka hre chiah lova, kan Minister-ten an hre zawk ang a, financial power hi kan Minister-te hian an nei ta em ? Notification-a an tarlan ang hian kan Ministerte hian power an nei chiah em ? Nakinah kan Finance Minister hian min sawifiah sak sela. Chutih lain Full Financial Power kha withdrawn sak an awm a, MPC Chairman tih te, Chief Justice of High Court, Aizawl Bench tih te, State Election Commission tih te, Chief Information Commissioner tih te kha withdraw sak an ni a, kan Speaker kha a tel na a mahse resumed leh vat niin ka hria a. A thente hi chu financial power kha lak sak an ni zawk mah mah a ni an, lak sak tam mah mah emaw ni aw tih turin a kal deuhin ka hria a. Development Department-ah te phei chuan Director-in a sanction theih chin sang mahse limit a awm tlat a, Secretary khan 5 lakhs a neih a ceiling-ah khan 25 lakhs a ni a. Atira an sanction theih chu tlemin tisang chho mahse a ceiling kha an tihnam leh si a. Director-te pawh hi nuai 2-ah an tichho va, mahse a maximum kha 5 lakhs-ah a ni leh tho mai a ni. Khami a nih chuan engmah hna a thawk thei chuang awm lo mang e, tih te ka rilruah a awm a. Aizawl khawpui chhungah te hian Devepolment leh monsoon damaged-ah te hian 30 lakhs-te an lo neih khan cheng singthum vela an sanction khan an hmang zo ve mai a (Hna hrang hrangah khan). Amaherawhchu tunah chuan maximum of 5 lakhs ceiling a ni a, an power kha an tihnam sak zawk niin ka hria a, helai hi a ennawn leh theih lawm maw ni aw ? tih kha ka lo thlir ve dan a ni a.

Tin, a pahnihnaah chuan Assembly-in Bill a pass-te hi Finance hian a lo tidanglam thei em ni ? The Mizoram Salaries and Allowances, Pension of the Members of the Mizoram Legislative, Assembly Amendment, 2011 kan passed khan Housing Loan la Ex-MLA te chungchangah khan an thih chuan write off theih nise tih kha House-in a passed a, Governor-in a assent tawh a. Chumi hnuah Rules siamna turah Finance-in a lo dang niin ka hria a, ka hriat sual loh chuan Pu Speaker. Finance Department hian dan theihna dan a nei em ni ? tih kha ka zawt duh a. Chungte chu ngun takin kan thlir a tul niin ka hria a. House-in

a passed tawh si, Act-a awm tawh si, Rules siamna tura an dang thei anih chuan a va mak awm ve ? Kan Finance Minister hian min hrilhfiah thei a ngem ?

Tin, Education chungchang hi ka sawi duh a, hei tunah hian Budget kan han en hian a tlem leh mai thei a ni, Consultative Committee Member-ah kan awm a , a buaithlak angreng khawp mai a, 63 crore-in kan daih lova, 2 crore chauh kan nei tih te kha a ni a. Confidential emaw ka tih laiin thenkhatin press statement-te an lo pe leh lawi si a. MLA te member kan nihnaah hi chuan Confidential-in kan vawn theih a tul hlein ka hria a. Committee-naah kan han inzawt chiang a, Non-Plan-ah hian kumtinin Crore 24 te, 26 te, 28 te, nikum kum hmasa lam khan an lo surrender tho mai si. He laiah Plan-ah Vaibelchhe 63 a kan indaihloh laiin, kum tin crore sawm tel an lo surrender si chuan Non-Plan-ah hian lut mai se tih te sawi a ni a. Cabinet Meeting khan an lo pass tawh ni thuthang ka hriat dan a ni a. Planning Commission lamten an lo dang leh ni te pawhin ka hria a. dinglama thute hian, kan Chief Minister chak tak an tih ang deuh khan, a chak ta rau rau a nih chuan Planning Commission-ah te zuk nawrchhuak sela. Hei hi a nawr chhuak a nih chuan, kan zirtirtute hlawh indaihlohna zawng zawng hi a phuhruk dawn a ni. Hei pawh hi 63 crore hi kum 3 vel, indaih lohna a ni a. Cheng vaibelchhe 28 vel te, Non-Plan a lo lapse te, lapse ni lovin nimina inhniaalna a ni a, ka tawngkam ka tihsual palh ang tih ka hlau deuhva, an surrender thin kha theihtawpin Planning Commission Chairman leh Vice Chairman-ah te nawr sela, chu chu ka'n sawi duh a.

Tin, a pakhat leha chuan hei Corporation pangate chungchang hi a ni. Kuminah hian COPU, House Committee-ah hian ka awm ve a, ka awm vawikhatna a ni a, ka'n zirchiang deuh a. An company hi fail lo chi a ni lo, engvangin nge a fail loh ang ti ta ila a dik zawk mah mahin ka ring a. A chhan chu MAMCO hi kum 19 a ding tawh a. An pawisa pek chu kum tin cheng nuai sawmhni ang vel a ni, a vaiin nuai 373. MIFCO hi kum 23 a ding tawh a, Staff 90 vel a nei a, kum tin nuai 80 vel an pe a ni.

Tin, ZENICS pawh hi kum 21 a ding tawh a, staff 44 an nei a, kumtin nuai 30 vel an pe a. ZIDCO hi kum 34 a ding tawh a, nuai 54 vel an pe a, kum tinin, a average-in. ZOHANCO hi kum 24 a ding tawh a, kum tin nuai 30 vel an pe thin a ni. Nuai 30 vel inpe hian hetiang company lian hi a ding chhuak dawn lo hrim hrim a ni. Chanchinbuah kan hmu a, heng Corporation-te hi tihtawp a ni ang tih te, vaibelchhe 55.63 an hmang an ti a. Heng hi kum 15/20 chhung chuan dinchhuahna chi a ni lo. Chuvang chuan kan Financial Institution leh Corporation te hi kan budget speech-ah te khan lo lang sela, engtianga siamthat tur nge tih te, engtianga hmasawn tur nge ? tih te hi lang sela tha tur a ni a. Amaherawhchu, engmah tihlan a awm lem lova. 'The Mizoram Ceiling on Government Quarantee Act, 2011' kan nei a ni. Hei pawh hi siamtha sela, khatah khan government te, public sector te, tin societies te hnenah loan pek theih a ni ang a ti a, heng atangte hian 10 crores te, 15 crore vel kan hotute hian ngaihtuah sela, puk tir sela, 70% te chu corpus fund-ah te pawh lo dah sela, engvangin nge an din chhuah loh vang ? Tin, khatiang khan lo ti dawn ta sela, staff hi reduce a ngai a ni. Over staff vek an ni a. Tuna 50% hian hna an thawk thei a, heti lai hi han sawi chian lawk ka duh chu, Pu Speaker, Corporation te reng reng hi Politic a lungphun lo leh seat chang lo tihlungawi nan, Chairman Board member hna an inpe a, chungte chu expert an nih loh avangin, charge an va lak khan an duh sak zawng leh an chhungte peon emaw, chowkidar emaw, staff emaw appointment an pe a. Anmahni facilities neih nan an hmang ringawt a. Kan Corporation leh kan Company-te hi hetiang hman chi a ni lo. Chuvangin kan kalpui dan hi a dik lova, kan Corporation-te hi kum 20 chhung a kal dik tawh loh avangin heng hi

siamthat a ngai em em a ni. Chutiang anih avang chuan hengte hi siamtha tur chuan theihtawpa hma lak a ngai a ni.

Tin, Pu Speaker, a tawp berah Budget discussion kan neih leh pawn lamah indem bel a tam em em mai a, chulaiah chuan hetilaia kan Finance Minister-in an sawilan Outstanding Public Debt tih chungchang hi sawi lawk ka'n duh a, a tawp nan. Helaiah hian Pu Zoramthanga chuan sorkar hmasaah chuan Finance Minister a ni a, a thiam, financial management a thiam tih an sawi a. Tin, tunah chuan kan House Leader zahawm tak Pu Lal Thanhawla, Finance Minister a ni a, a thiam lo tein inpuhmawhna a awm a. Mipui hian an hriat chian a ngaiin ka hria. Chutah chuan tunge thiam tunge thiam lo tih chu tan lam neia sawi pawh a ngai lova. Hei hi Assembly-a ka zawhna min chhanna a ni a. Hetah hian a hmasain tawngkam hnihkhat lek, Fiscal Budget chungchang thua hianin kan Party khan 2006 kum khan Financial Management a that tawh loh avang khan Fiscal Responsibility and Budget Management Bill Pu Andrew Lallerliana ZNP MLA in a pulut a, ruling party khan hnawl sak a ni a. Hetiang hian an budget kalpui dan chu han sawi ta ila. Kum 10 chhung kha kan dil chhuak a, min pe a. Kum 1999 velah kha chuan crore 1000 vel bak hi deficit a awm lo a ni. Chuan 2000 atanga 2001-ah chuan crore 1330.19 deficit a ni a, a kum lehah hian crore 1574.75 a ni a, crore 244 in deficit a pung a. A punna ringawt hi ka sawi rih mai ang. 2003-ah crore 257 in a pung a, 2004-ah crore 211-in deficit a pung a, 2005-ah crore 244 in a pung a, 2006-ah crore 253 in a pung a, 2007-ah crore 268 in a pung a, 2008-ah crore 252 in a pung a, chuan a belhkhawm chu crore 3062 ah alo kai ta a ni. 1000 ni thin kha kum 9 chhung khan sangthum leh tihah alo kai a, 2008-2009 kha tuna ministry-in a lak kha a ni a, tah chuan 3259 crore a ni a. Amaherawhchu, kum 1 a kal hma khan crore 197 ah a tla thla a, chuan a kum lehah chuan crore 95 hi a minus ta zawk a ni, a hniam ta zawk a, crore 3163 ah a tla thla ta a. Anihnaah chuan tun kum 3 chhung hian hetia han belhkhawm hian crore 150.39 in deficit hi a pung a ni. Chuvangin, kum 3 chhung hian a punna hi a hniam a, sorkar kum 10 kal tawh chhung khan crore 2500 a pun chhung hian, tun kum 3 chhung hian crore 150 velin deficit a pung a ni.

He Statement hi hei Finance Department-in min pek a ni a, chuvangin, Pu Speaker, i dinglama thute khan an sawichhuak lo em a, mipui hian thudik hria se a thain ka hria. Chuvangchuan, Financial Management-ah chuan tunge thiam zawk chu ka sawi dawn lo, amaherawhchu, khata tang khan mipuiin lo buk ve mai sela, lo en sela a dik leh dik loh chu a chiangin ka hria. Chuvangchuan, tuna kan budget kal chhoah pawh hian helaiah pawh hian a ziaka crore 3259.81 atang khan reduce a ni a, crore 3163 ah a tla thla a ni, kan Finance Minister-in a tih hi a tha a. Chuvangchuan Fiscal Management-ah hian uluk taka sorkar a kal hi a thain ka hria a. Helai chungchangah hian kan budget hi kal chho zel tur pawh ni sela, kan thlawp ve a, pass ngei pawh a tha e tih ka sawi ve a ni e. Pu Speaker, ka lawm e.

**S P E A K E R** : Awle, tunge sawi leh dawn le? Kan nam liam tawh mai dawn em ni ? Pu C.Ramhluna.

**Pu C.RAMHLUNA** : Pu Speaker, ka lawm e. Vawiinah Vote on Account-ah hian crore 1662.11 kha an rawn chhawpchoh a ni a. Non-plan leh Plan kha thliar hranna a lang vak lova. hei hi kan hmuh danin 25 percent vel niin ka hria a, total allocation atang khan nikum level-a chhut a nih avang khan Items of expenditure hi a lang vak lova, chuvangchuan, sawithiam a harsa a, enge an thawh dawn thla 4 chhung hian tih kha a lang lova, a chhan chu demand for grant-ah khan a vai khan nikum levelah khan 1700 crores plan-ah khan a rawn

siam si a. Khatih chhung khan thawh tur kha a lang tlat lova, chuvangchuan, khatiang lampang kha chu sawi a harsain ka hria a. Nimahse, ngaihpawimawh deuh deuh ka nei a. Hmanni khan ka sawi tawh a, Governor speech-ah khan District Council hotute, MDC hote hlawh pun chungchang thu kha chhan mumal kha ka la ni ta lova. Vote on Account kan sawi dawn tho va, chhan ala ni ang chu tih kha min thlah dan kha a ni a, kha kha a dinhmun hriat chian a chakawm hlein ka hria a. Pu Speaker, wawiinah hian enge a dinhmun tak ? Anmahni khan an rawn pass ve a, dan ang thlapin an rawn pass ve kha a ni a. Governor approval rawn lak mai tur kha a ni a, thlap hian an passed ve kha a ni a, Governor approval lak tur kha a ni reng a. Chuvang chuan kha kha tihhma theih a ni ve lawm ni tih te kha ka rilruah a awm a. Tin, Demand-ah te khan a lang em tih te pawh kha ka hre chiah lova, chuvang chuan khang hote kha min chhan theih chuan ka lawm hle ang.

Tin, Health-ah hian sawi lawk ka duh a, Pu Speaker. Nichinah khan Health Minister zahawm tak khan ka bial chhungah hna tam tak a thawk a ni tih kha a sawi a, ka lawm khawp a. Health Sub-Centre-te min sak sak a, chubakah chuan Hospital-te pawh min cheimawi sak a, ka lawm khawp a, a chungah lawmthu ka sawi a. Chumi rual chuan Health Centre a sak ho hi a building mai khi awmlo sela, sak zawh rual rual khan mihringte pawh min post sak sela tih kha tukinah hian kan ngen duh bawk a ni. Chumi rual chuan min chhinchhiah sak sela ka duh chu Vathuampui-ah Sub-Centre building a chhe tawh khawp mai, kumin thlipui hi chuan a nuaichhe tawh ngeiin ka ring, damdawi pawh an dah ngam tawh lo a ni a, chuvang chuan a repair-na kha pek tam deuh a ngaiin ka ring, khang kha min hriatsak se thain ka hria a. Hmanniah ka va kal a, a chhe viau a ni.

Tin, Health Care-ah hian harsatna an nei tam riauin ka hria a, hei hi min hriatsak se ka duh a ni. RSBY-ah Rs. 30,000/- thleng an hmang thei a; mahse, awareness hi a tha tawh lo em em a, ka bial mipuite thil hrelo hi an tam khawp mai a, hei hi zau zawka hriattir theih nise thain ka hria a. RSBY hi BPL chhungkua an ni tur a ni a, Sub-Centre-ah enrollment a ngai a, thlalak a tul a; tin, a hun hi Sub-Centre atanga ngaihven a ngai bawk si a, an awmna a hla hlawm si a, Sub-Centre-a awmte kha pahnih/khat lek an lo ni si a, an kal vek seng si lova. Tin, finger print a lo ngai a, inenkawl dawnah pawh finger print petu ngei khan a kalpui a ngai bawk si a. Tin, chubakah chuan RSBY-ah khan chhungkaw member 5 chauh kha a tih theih si a, miin fa 4 nei sela pakhat kha a tih theih loh tawp kha a ni ta zel a, nu leh pa an la dam si kha chuan khatiang kha a ni a Rs. 30/- pek a lo ngai bawk nen. Ka bial chhungah khuan thlalatu kha 15<sup>th</sup> December khan a kal thla ve thei chauh a, mahse vanduai thil thuah a laptop kha a titla a, tuih a lak tawh sa kha a chhe vek a. Chuvang chuan wawiin thleng hian Vathuampui leh a chhehvel saw thlalak pawh la neilo khan an awm a, smart card issue theih loh kha a ni ta a, chuvang chuan an buai hle a ni tih kha khawngaih takin min hriatpui sela a thain ka hria a. Tin, chubakah chuan RSBY atanga Mizoram Health Care Scheme a an luh dawn khan pawisa pek ngai tawhlo awm a kan hriat kha Rs. 50/- pek a ngai a ni an ti a, cancer patient pakhat phei chu enkawl hleih theih loh khan a awm tlat mai a. Khatiangte pawh kha a dinhmun dik tak min hriattir thei se thain ka hria a. Tin, chubakah chuan Health Care Scheme an hman dawn khan damdawi kha inleichawp a ngai ta tlat mai a, BPL family-te chu khatiang damdawi mahni inleichawp ngailo khan tihdan kawng a awm thei lawm ni ? Medical hotute pawh kan han dawr a, khawngaih takin poor fund atangte khan lo ngaihtuah sak mai teh u te ka ti a, min han tihsak te pawh a awm nual a, kha kha kan dinhmun a ni a. Helaiia kan harsatna hi Pu Speaker, min hriatsak turin ka han ngen bawk che a ni.

Pu Speaker, ka'n sawi leh duh chu Taxation chungchang thuah hian a ni a, Value Added Tax hi Mizoramah hian 1<sup>st</sup> April, 2005 atang khan kan hmang tawh kha a ni a, he VAT hi items of property, materials kha part hrang hrangah khan an then ta a, schedule-I, II, III in an then ta a schedule-I a bungruate hi chu VAT lak ngailo a ni a, schedule-II hi Part, A, B, C, D ah an then ta a, Schedule-III hi chu construction work lampang a ni a Schedule-II a Part-A hi chu VAT lak a ni miah lova, a chhan chu export items an ni a, incentive pekna atana an tih kha a ni tlangpui a. Schedule-II a Part-B hi VAT 1% lak a ni a, Rangkachak-te, Silver-te an ni hlawm a. Scheduled-II, part 'C' ho atang hian 2005 ah khan 4% VAT an la a, hemiah hian item hrang hrang 110 lai a awm a. A tam berte hi agriculture products te niin, bricks-te, thing lampangte, papers-te an ni hlawm a. Schedule-II Part 'D' atang hian VAT hi 12.5% an la a, heath hian item 154 lai mai a awm ta a. Cement-te, Glass-te, Bullozer-te, Escalator-te, Constructural goods te, Floor, Wall, Tile khatiang ho kha an ni a. Chulo pawh chu item tam tak a awm tih kan hria a. Tichuan ni 26<sup>th</sup> February, 2008-ah khan GoM khan order tichhuakin schedule-II part 'D' a item thenkhat kha, chu chu 12.5% VAT an lakna ho kha part 'E' ah khan an dah pheh ta a. Khangho kha mipui harsatna chhawk zangkhai tura tih an ni tlangpui a. Nimahsela, Mr. Arvind Kumar, Under Secretary, Govt. of India, Ministry of Finance, Department of Revenue khawih tu khan April 11, 2011 atang khan VAT hi state hrang hrangah 1% a lo tipung turin state sorkar kha a hriattir ta a. Chumi zulzui chuan December 9, 2011 atang khan Mizoramah pawh hian tihpun alo ni ve ta a, 4% thin kha 5% ah ti pungin 12.5 ni thin kha 13.5 ah an lo tipung ta a. Hengte hi state revenue pass atanga an lak vek a nih avangin indirect tax niin mipuite hian harsatna nasa tak kan tawh ta tih kha kan hriat atan a thain ka hria a.

Chutih rual chuan 2008 a MNF Ministry-in mipuite mamawh em em anih avanga part 'B' item thenkhat kha part 'C' a an sawn tak kha, hemi an tihsan rual hian part 'C' a an sawn kha part 'B' ah an sawn leh ta a. Tichuan, a increase-na kha 5% ni ta lo khan 13.5% ah khan alo pung chho ta kha alo ni a, 4% ami ho kha. Heng ho te hi a punna kha item No. 156 te, 157 te, 158 te 46 leh 48 te hi 1% a pung ta lo khan, a punna tak chu 237.5% in a pung chho ta vek mai a, part 'C' atanga part 'D' a an dah chhoh tak avang khan, a punna kha a sang ta riau bik a. Hei hi mipuiten an mamawh em em mai kha a ni a, essential commodities ang deuhthawa ngaih kha a ni a, glass te, tiles te, chi hrang hrang te a ni a. Hemi avang hian mipui hian kan tuar ta a ni tih hi kan hriat reng atan a tha a.

Tin, hei hi Council of Ministers pawh khan December 9, 2011 a an thutkhawm khan VAT hi 1% chauh pung turin thutlukna kha an lo siam tawh a, chanchinbu lamah te pawh tihchhuah a ni tawh bawh a. Chumi zulzui chuan Commissioner of Taxes, Mizoram khan December 9, 2011 ah khan tarlangin VAT rate hi 4% ni thin kha 5% ah pungin 12.5% kha 13.5% ah a pung a ni tih kha Chanchinbuah te pawh alo chhuah a. Hei hi sumdawng hote pawhin lo hrethiam rawh u, zawm tlang ang u tiin thuchhuah kha alo siam tawh bawh a. Chuvang chuan Pu Speaker, item thenkhat 1% a a pun laia, item thenkhat 23% 5% a alo pung ta daih mai hi kan sorkar hian min hriatsak ve sela. Chumi anih theihna tur atan chuan part 'D' schedule-II ami part-'C' a Ministry hmasain an lo sawn kha a ngai khan la awm ta thap sela chuan harsatna awm miah lo tur a ni a. Heta part 'C' kha alo awmna sa part 'B' ah an sawn leh tak avang khan harsatna kha alo awm ta bik a ni a. Hei hi khawngaih takin kan sorkarin hrethiamin a ngai ang khan 2008 a a list ang khan awm tir leh se a thain ka hria a. Tin, chubakah chuan Constructional works item reng reng kha 1% a VAT pung tura tih si lai khan all kinds of construction work kha 13.5 % ah an tipung ta daih a ni. Hei hian contractor-ho profit a effect ta tlat a ni. 5% ni mai tur kha a ni a, 13.5% ah engati nge Govt. of India pawhin 1% in tipung rawh u a tih si lai khan 13.5% ah a tihpun tak daih? Khami kha

contractor-hovin nasa takin an tuar ta a, an hlawkna kha nasa deuhvin a tlahniam dawn ta a. Helai hi Pu Speaker, khawngaih takin, kan sorkar hian lo en tha leh sela a thain ka hria a. Govt. of India guideline ang khan a kalpui leh theih lawm ni tiin Pu Speaker, ka han ngen a ni e. Ka lawm e.

**S P E A K E R** : Tunge han sawi leh dawn le? Pu Nirupam Chakma.

**Pu NIRUPAM CHAKMA** : Pu Speaker, ka lawm e. Hei, Net Supplementary leh Vote on Account 2012-2013 ah hian sawi tur tam tak ka nei a, mahse, hun kan nei thei dawn lova. Pu Speaker, hun min pek avangin a hmasa berin lawmthu ka sawi duh a.

Finance Minister Budget Speech conclusion-ah sorkar achievement leh problem hi a lang ta a ni, “.....it may also be pertinent to mention that commendable achievement of this state is always negatively impacted by the incessant provision of mass subsidy on the purchase of food grains and power.” a ti a. “Besides, any endeavour of state Government towards generation of own resource revenue in terms of tax and non-tax has not received support from the public which has opposed it on account of dependency syndrome.” a ti a ni. Hetah hian Finance Minister frustration kha a lang ta a ni. Tax kha a duh si a, revenue kan duh si a, mahse, public-in an support si lova. ‘Dependency syndrome’ tih kha chu universal truth a ni mai Mizoramah chuan.

Pu Speaker, he Budget hi mipui huap Budget a ni a tih theih a. Budget-a kan hmuh chhuah chu sorkar hnathawkte hlawn, administrative cost sang em em, main component hi a ni ber mai a. Tin, mipui chan tur sorkar hmasaa awm vak thin lo kha tun tumah kan Budget pharh apianga a awm ziah hi lawmawm ka ti a. Entirman, NLUP hi 45,000 families tan a ni. He Budget hi kan hmang ang a, 45,000 families NLUP dawng tur kan thlang a, pawisa kan pe zung zung a. Chumi bakah, 45,000 nikumah pawisa kan pe tawh. Khami chhonzawm nan, anmahni installment chhonzawm nan Budget-ah a tel bawk a. Budget hi mipui tan a ni.

Hemi category piahlahmah pawh subsidy buhfai leh power subsidy hmangin family zawng zawng hi kan benefit a ni. Pu Speaker, I think Mizoram is the only state perhaps in India where every family is benefited from the budget. Buhfai subsidy, power subsidy. Hmanniah Karnataka-ah ka zin a, MLA Free Travel hmangin. Buhfai man Mizoram House-ah ka zawt a, Rs. 25 man chu a ei theih, eitlak an ti a, Rs. 22, 21 te chu chuti vakin Rs. 21 te chu chuti vakin below 20 te chu chuti vakin a ei tlak lo tih a ni a, keini super fine rice pawh Rs 10 in kan nei a ni a, Sorkarin engzatnge a senso Rs 24 te Rs 25 te a ni. Sorkar hnathawkte pawhin subsidy rice an ei thova, ..... Subsidy kan hmang a keini MLA te pawh, Chief Minister te pawh, mirethei pawh, mi zawng zawngin he budget hi kan ring a. Chuta government expenditure tam tak chu subsidy-ah a kal avangin kan budget kha a buai thei lova. Lehlamah the source of revenue sorkarin theihtawp a chhuah avangin kuminah pawh revenue kha chu surplus in kan nei ta a ni a, budget estimate aiin R.E. ah kan hmu tam a ni. Chu chu Finance Minister te, department hrang hrangte thawh rah a ni,

Pu Speaker, churang chuan tunah a hun a thleng tawhin ka hria, kan sorkar kalphungah income neih loh chuan expenditure pawh neilo a ni mai. Income kan neih chuan capital expenditure ah kan hmang thei a ni, India ram state hrang hrang Gujarat te, Maharashtra te, state hmasa kan tihah khan capital expenditure tam tak kum tin an hmang thei

a, engvang nge kan tih chuan revenue an nei alawm. Keini chuan revenue kan pe duh silo, sorkarah contribute kan duh silo, mahse kan expectation kha a sang si a. Pu Speaker, Finance Minister speech-ah pawh kha thu kha chu a lang ve a ni. It is high time that necessary generation resources of the Government is in calculated in the popular mind set. As the Government resources are restricted and subject to multiplying demands, kan demand chu state a nilo multiply zeal, kalkawng tha kan mamawh a ni. Mahse India sorkarin pawisa min pek miah loh chuan engmah kan ti thei lo, chutah quality of works a pawimawh a.

Pu Speaker, sawibelh nghal ila, MNF sorkar lai khan Lungsen to Chawngte kawng an siam a, World Bank Scheme atangin Tarmac Company hmangin an siam a ni. 2006-2007, 2007-2008 kumah khan a zo daih tawh a, mahse kum thum pawh a daih lo, black topping kha a chhe vek tawh, tunah black topping hmuh tur pawh a awm vak tawh lo, portion tam takah chuan. Pu Thangtea Chawngte a kal chuan a hmu ngei ngei ang, lokal rawh se, kan sawm che a ni. MNF President pawh kan sawm e, in sorkar tihdan hi inbihchiang teh ang. Hei looking glass a hmuh theih ang chiah hian a hmuh theih ang, chuvang chuan pawisa tam tak kan seng tawh a, mahse quality of works chhiat vangin, hei World Bank kalkawng pawh en ta che, kum sawm chhungin kan zo thei lova, kan sorkarah kan zo hram a ni, chuti chungin back pages kha tam tak a chhuak tawh a, lehlamah pawisa kan nei silo, lehlamah quality of works tha kan nei thei silova, hei hi a ni a manganthlakna chu Pu Speaker. Chuvangin engpawh nise, MNF hunlaia thawh that loh kan tuar chu tha ka ti lova, kan sorkarin khulai Chawngte kha a rang thei ang bera siam dan ngaihtuah sela, chutilo chuan Phuraah te chuan Pu Ramhluna te, Pu S.Dinga pawh, bialtu pathum kan nei a, Chawngte hian, kan buai a, buhfai kan nei lo a, chaw kan nghei ang. Chuvangchuan khawngaihtakin hei hi a rang thei ang bera pawisa ngaihtuahin duh leh loan te pawh ngaihtuahin, NABARD loan te pawh ngaihtuahin min siamsak ula ka duh a.

Tin, kan Law College leh Kamalanagar College hi, nikumah pawh ka sawi tawh, College pahnih chiah hi Deficit a awm, hei hi sawrkarin provincialize dan ngaihtuah sela, pawisa chu a awm lo ka hria, mahse College pahnih chauh provincialize lo a min dah hi tha ka ti lo. Chuvangchuan, kumin ngeiah provincialize dan ngaihtuah sela. Tin, Pu Speaker, kan hriat dan chuan Kamalanagar College-a hnathawkte hi 6<sup>th</sup> Pay arrear la loin an sawi a, hei hi budget-ah kan dah em? Minister-in min hrilh thei sela ka lawm viau ang, one crore 72 lakhs emaw ni an mamawh a. Tin, SSA hi Pu Speaker, ka sawi hi facts and figure hmanga sawi ka nih avangin time pawh min extend sak ula, nichina i tiam ang khan. Pu Speaker, SSA chungchangah sawi neuh neuh a tam a, ka hriat thiam loh chu kan sawrkar hian enga ti nge, intihfel a tum emaw ni aw ? We want to be very very clean, MNF sawrkar ang khan ti sela. Interview mumal lo ten an lak thin kha, enga ti nge kan ti thei lo em ni ? Hei lehkha pakhat zingah min pe a, member zahawmtak Pu C. Ramhluna bial ami a ni a. Chawngte 'P' atangin an hriat theih chinah mi 4, SSA interview turin ni 30 tun March thla khan Lawngtlaiah an kal a, mahse an interview hleithei lova, an interview tur kha Chawngteah a ni daih a ni. Hun a awm tawh lo a, an kal thei lo a, an interview theilo a ni. Chutianga mumal lo deuha programme siam chu tha ka ti lo. Tin, Lawngtlai atangin diltu pawh an tam a, anni ho pawh chuan an thei chuang lo. Tichuan, Chawngte sub – division tan chuan Chawngteah ti sela chuan a tha a, an ti nghe nghe a, mahse Chawngte 'P' kha Lawngtlaiah an ti a, an kal a, interview theilo chu an mangang a ni. Chuvangin, hetiang hi chu thleng tawh lo se ka duh a.

Tin, School sak chungchangah pawh, RMSA chu supervisor kan siam a, tuna school building sak tur Project Director atangin, tender chhuah te chu policy mumal loh thlak ka ti Pu Speaker. A changin supervisor kan siam a, a changin tender hmangin sak kan tum a,

a lehpekah eng nge niang aw ka ti, chutianga policy mumal lo a SSA Mission kalpui hi chu tha ka ti lo.

Pu Speaker, thu inchuh, pakhat doctor background a ni a, pakhatin ukil background a nei a, layman angin ka'n sawi ang e. uniform Lapse an ti a, uniform pawisa pakhatin a ti a, pakhatin lapse a ti a ni. Press statement hei hmannah House dawhkanah Chair min pek a nih avangin, tawi te paragraph pahnih khat chu ka'n chhiar teh ang Pu Speaker, i phalnain. Thudik pakhatin a ti a, SSA sum spin over theilo chi, uniform grant te hi a hunah 2010-2011 hman anih loh chuan a lapse lo thei lova. Uniform grant 743.60 lakhs chu nikum 2010-2011 khan a lapse vek a ni. Hei hi a dik ngei a ni tih finfiahna Mizoram SSA Audited Account 2010-2011 abstract copy Sl. No. 15 hi han en chiang ila. Annexure-I hi kan han en a, Sl.No. 15 uniform chu an ziaa, 743 lakhs 15 thousand 6 hundred figure pawh a dik vek a, expenditure incurred chu savings 743 lakhs 15 thousand 6 hundred saving clause audited statement a awm a ni. Saving chu lapse a ni thei dawn em ni? Hei hi audit statement a ni, Dr. Thangte-a Press Conference-ah sem a ni hei hi. Hmanniah House dawhkanah kan pe a, saving column-a dah dan hi hei hman tawh kha chu zero-ah savingah khan dah a, hman loh kha chu entir nan Block Resource Centre 34 lakhs 3 thousand pawisa hman zat chu 19 lakhs 8 hundred 45, 14 lakhs vel hman ban a nia. Kha kha saving-ah an dah a, chuang chuan Pu Speaker, cash in hand ah 2 thousand 9 hundred ten crore 59 lakhs one thousand 229, cash in bank 21 crore bawr vel te a ni. Chuang chuan Pu Speaker, .....

\* Speech not corrected

**S P E A K E R** : Duh tawh tawh mai rawh, khalai chungchang kha chu i sawi ang khan Doctor-in a sawi tawh a, pakhat Ukil-in a sawi tawh a, nang layman lamin i sawi a, mahse BL i zir mek baw si a.

**Pu NIRUPAM CHAKMA** : Pu Speaker, hei hi fake document kan Minister-in a sawina a ni, pakhatin a tha a ti a. Mahse kha document-a lapse wording lang kha, figure lang kha chu tumah an authenticate lo, member pawh an authenticate lo a ni. Official document a ni lo a nih hi. Chuang chuan khatiang document hmanga sorkar tihmualpho tum kha chu a thalo a ni. Tin, official document-a lang chu saving-ah a lang a ni. Pu Speaker, ka lawm e.

\* Speech not corrected

**S P E A K E R** : Pu John Siamkunga.

**Pu JOHN SIAMKUNGA** : Pu Speaker, ka lawm e. Hei kan budget hi budget tha tak niin ka hria a, Finance Minister speech atangtea kan en hian eng eng emaw sawi ve awm niin ka hria a, tlema zawng sawi ve ka duh a. Tlema kan naupan deuh lai khan vai ramah chuan budget an pharh hian pheikhawk siam tak ngial pawh hian budget speech hi an ngaithla thin a, budget kha eng hawi zawngin nge an phar dawn tih hi a mi tlangpui hian an bengvar thin tih hi kan hre thin a ni. Tak tak a ni nge nilo chu ka hre lova, amaherawhchu sumdawng emaw, inhlawhfa mi an ni emaw, pheikhawk siam an ni emaw an lo bengvar thin kha awm tak niin ka hria a. Budget-ah hian siai man enganginng a kal dawn tihte an ngaithla thin tihte kan hria a. Vawiinah hian Mizoram mipuiten he Budget discussion hi an ngaithlain ka ring a, term danga la awm ngai reng reng lo kut hnathawktu Mizo mipui 70% budget tur hrawl taka a lo lang hi an lo thlir ve ngeiin ka ring a. Khangte pawh kha han sawi chhoh ka

duh a, chumi hma chuan hei kan budget-a receipt budget bik hi ngun deuha ka'n thlir hian a then thenah hi chuan hmasawn lohna a awm nual a. Excise & Narcotics lamah hian nikum khan sum hmuh beisei budget estimate-ah 3.08 crore niin kuminah hian budget estimate-ah hian 1.8 crore a ni a, kan tlahniam zawmah niin a lang a, hei hi chu tan kan ngai deuh emawni chu aw, a tlahniam zawnga kal hi chu a fuh lo mang e ka ti deuh a.

Tin, Land Revenue chungchangah sum hmuh tur budget estimate hi nikum lamah khan 9.90 crore anih laiin kuminah hian 3.26 crore sum hmuh beiseina budget estimate-ah a rawn lang a, hei pawh hi kan tlahniam leh a.

Tin, Forestry and Wildlife hnuaiia hmuh tura kan beisei 2.50 crore a nih laiin nikum budget estimate kha a sang hreta, kumin hian a hniam leh deuh a.

Tin, Tourism hi kan thang viau tura ka ngaih laiin kan sum hmuh kan beiseiah hian 1.60 crore budget estimate-ah a lo lang a.

Tin, Labour & Employment-ah hian nikum lampang budget estimate te, revised estimate te hi 5 crore vek a ni a, kuminah pawh hian Labour & Employment hnuaiiah hian thanna a lang vak dawn lo niin a lang a. Hengte pawh hi hmalam pana kan kal theihna tur hi ngaihtuah a ngai mang e aw tih te ka han ngaihtuah deuh a.

Tin, kan Finance Minister Budget Speech-a lo langah hian USA economics dinhmun lo tlakhniam avangte leh Europe-a ba buaia an buai avanga bain a tihbuai nasat avanga thanna lam pan lova an kal zelna avanga nghawng, India ram thleng pawha a lo awm dante a bul lamah khan kan hmu a, hei hi a dik viauin ka hria a. Global Economics Crisis avang hian kan tuar nasa a ni, India erawh hi chu a rawn thleng thlai deuh a, mahse a rawn thlen hnu pawhin kan tuar hle a ni.

USA-ah khuan Forbes Magazine-in a sawi dan chuan mihausa kan tih hi 60% an awm a, khung mite khuanin khawvel sumdawnna hi an khuahkhirh tlat a ni an ti thin a. Chumi anih avang chuan thil man to zel pawh kha economics-a USA lo tlahniam zel khan a rawn nghawng thui zel a ni an ti a. BBC en thinte chuan kan hria a, Correspondents special report-te kan han en khan hmun hran hrana dollar 1 man te, dollar 2 a alo pun te, dollar 5 man dollar sawm chuang chuanga alo punte kha kan en thin a ni. Keipawhin ka thlir ve reng thin a, chungah chuan thil man hi India ramah pawh a rawn sang a, Europe ramah pawh a sang a, Mizoram-ah pawh chu chuan a rawn nawr sang tho a ni.

Chuvangin, thil man lo sang chho hi keimahni duh vang renga tihsan nilovin, kan thlai thar man pawh tel khat cheng nga ni thin kha tunah pawh cheng sawmhnih a lo kai chho ta a ni.

Hmanni ni 20-a kawng zawhten kan MNF unauten thil man sang ta hi state sorkar mawhpurhna-a ngaia, state sorkar hian thil man a tisang thin tia paw ti tak maia an han au te kha, economics chungchanga ram hrang hrangte kan inpawh nghawng chhoh vel dan hi hre chungah an ti anih phei chuan thil zahthlak takah ka ngai. Chuvangin, kan thil tih tur hi politician-te pawhin kan hriatchian a ngai a, kan thil tih tur hi thil dik tak a ni em, thil tha tak a ni em. Tin, a nghawng lo chhuahna hi khawi atangin nge alo kal tih te pawh hi kan chhut thin a pawimawh a. Chumi ni

lova tute emaw dem tum vang hrim hrim a thil man sang avanga han au leh ringawt mai thin te hi, kan au chhan kha a fuh ber em tih chhut loh hi chuan thil tih chi niin kei chuan ka hrelo a ni.

Tin, kan Finance Minister speech atang tho hian helaiah kan unau thenkhatten chhiah chungchangah a tihniam zawnga an sawi leh hengah hian chhiah kan khawn na lutuk lo maw an tih hi kei ka mimal ngaihdanah chuan tha ka ti lova. Spoon feeding ringawt maia nun reng kan tum hi chuan hma a sawn theih loh a ni. Mizoramin hmasawn kan tum chuan contribution mipui hian kan neih ve a ngai tlat. Tuna kan chhiah hrang hrang lakkhawmna kan han en hian tax revenue leh non-tax revenue atang hian kan sorkar sum leh pai dinhmun titha tur hi chuan mitinin contribution kan neih a ngai tih a lang chiang hle a. Amaherawhchu kan Finance Minister speech-a lo lang ta helaiah pawh chiang deuha a tihlan chu dependency syndrome a rawn ti hial a ni. Mite thawhchhuahsa emaw mite thawh khawm sa a inngah reng kan tum chuan ram hi a thang dawn lo tih hi kan Finance Minister hian a speech- atang hian a hre chiang hle niin ka hria a, chuvangin tuna Union Budget pharh takah khan cheng nuai hnih lalut chin kha chuan 18% sawrkarah an peve tawh dawn a ni, chumi awmzia chu cheng nuai hnih lalut khan sawrkarah cheng singthum vel an contri ve tawh dawn a ni. Chutiang a nih chuan India ram hi a ropui tawlh tawlh dawn. Mahse keini ramah ve thung chuan a pek lampang kan hreh a, a dawn lam pang tumna hi a lian tlat a ni. Chumi avang chuan tun budget speech-ah pawh chung chu thui tak a rawn lang a, kan insiam thatna tur atana tha zawk chu hemi state atanga chhiah hmuh ho tax revenue a ni emaw, non- tax revenue a ni emaw, a san dan kawng zia hi kan ngaih tuah zawk tur a ni. Chu chuanin ram thanna a kaww dawn tih chu ka sawi duh a.

Tin, a dang lehah chuan mirethei budget kan han pharh hi a lawmawm a, kuminah pawh hian vaibelchhe za tel a rawn lang leh dawn a ni. Chuvangin kut hnathawktu mi tam takte chuan kan budget session hi hmuhdawm tiin an thlir ve a, an chan tur lo telve hi lawmawm an ti a ni.

Tin, a dang leha ka'n sawi leh duh chu ka bial chhungah thil ropui tak he sawrkar hian min tihsakin ram than dan tur nia a ngaih angin theihtawpin hma a la zela, kan chief Minister chaktak hmalakna zarah tunhma atanga Tlumtea nghah taka an lo nghah Darzokai lei chu tunah sawn dawh a lo ni dawn ta a, tunah sawn BRTF lamin an survey mek a; tin, chubakah NLCTR atangin cheng vaibelchhe hnih leh nuai sawmhnih panga tunah hian kan Pu hmalaknain sanction kan hmu leh tawh a, a lawmawm hle a ni. Khangkha ka'n sawi duh bakah ka bial chhungah hian Health Department-in nasa takin hma min lakpui a, Cherhlu damdawiin te, Thingsai damdawiin te kan sa dawn a, chu bakah chuan Hnahthialah pawh kan sa dawn a ni. Tin, chubakah chuan khatianga anga kan bialah nasa taka hma min laksak lai hian Aithurah te, South Lunglengah te, Sub- Center New Ngharchhipah te thlengin min dahsak turin kan ngen a, min lo tihhlawhtlinsak ngei turah ka ngai a, ka lawm takmeuh a. A tawp bera ka sawi duh chu kan state sum hi hei aia a lo ngel ngheh choh deuh deuhna tur leh Finance chungchanga a enkawltuten thiam zawka an thawh theihna tur chuan chhiah kan pek that a ngai, sawrkar hmasaah khan sum enkawl dan an lo thiam loh avangin cheng vaibelchhe sang thum chuang kha kan over draft-a. Tunah erawh chuan inrenchem takin sawrkar a kal a, tun kum thum chung hian vaibelchhe za sawmthum chuang hret kan ba ve chauh a ni. Khami atang khan sum enkawl hi chu kan hotuten an thiam, amaherawhchu alo luhna lampang hi kan ngaihtuah chian leh deuh chu a ngaiin ka hria a, khalam panga hma kan sawn leh chuan kan sawrkar chak tak hian MLA bial zawng zawnga hmathar a lak hi chhunzawmin Zoram mipuite hi state dang hmaah uang theiin min la siam ang tih kha ka ring nghet tlat a ni. Ka lawm e.

**Pu H.ZOTHANGLIANA** : Pu Speaker, ka lawm e. A hmasaa ka sawilan ve zawk duh chu Public Debt. chungchangah tuna kan hotute hi an thiam a ni tih kha ka hmaah khan member zahawm tak tak pahnihte khan an han sawi lang tawh a; mahse lo hre Chiang Hman lo an awm takin ka sawi nawn duh a. Kum 1999 MNF a sawrkar tantirh chhoh khan nichina thusawitu hmasa sawi atanga ka lo hriat danin sorkar leiba an chhawm kha cheng vaibelchhe za chuang erh awrh a ni a, nimahsela kum sawm chhung vel ro an rel a, nasa taka lal chhungkuate an invur vangte pawh a ni mai thei, tin, fiscal management an thiam tawh loh vangte pawh a ni mai thei, a chhan chu eng vang pawh nise cheng vaibelchhe sangthum leh zahnih bawr velah public debt. hi an hlangkai ta dawrh a ni tih kha ka'n sawi nawn duh a. Kum thum chhung sorkar thar (Congress Sorkar) in Zoram a enkawl chhung hi chuan tunlai pawisa hlutna nasa taka tlahniam leh thil man sang chak em em karah hian kan public debt punna hi vaibelchhe za sawmnga erh awrh chauh a ni tih hian kan hotuteah hian a tu hi nge rintlak a, rintlak tawh loh deuh tih a tichiingin ka hria a, khalai kha ka'n sawi hmasa zawk duh a ni.

A pahnihaah chuan he ministry hian sum enkawl dan leh hma thlir kawngah hian sorkar hmasa kha chu a khum a ni tih a lanna pakhat awm ve leh ni a ka hriat chu "Guarantee Redemption Fund" sorkar thar hian a buatsaih a. Kan hriat theuh angin kum 2010-11 chhung khan bul tan nan nuai sawmnga he fund-ah hian chhun luh a ni a, 2011-12 chhung atan nuai za dah belh a ni a, 2012-13 chhung hian nuai za sawmnga chhun luh belh leh tum a ni. Hei hi kawng hrang hrangin a tangkai em em dawn a, kan sum enkawl leh hman han vei virna velah nasa takin Zoram tan a tangkai dawn a ni tih chu mithiamten an hmuh dan leh an pawm dan a ni a. Entirnan, Budget buatsaih lai vela lang sa lem lo, nimahsela, kan hotu hrang hrangte thahnemngaihna avanga central fund eng eng emaw pawhluh theih awm thin a state matching share tura kan buai thin avanga nuai sawmnhniah khat lek kan pek a, a nuai sawm tel lo luh theihna tur ang chi a buaina lo awm fo thin te kha he "Guarantee Redemption Fund" hmang hian nasa takin harsatna sutkian a ni thei thin dawn a ni.

Ka ngaihpawimawh em em mai pakhat chu 'Dependency syndrome' tih kha a ni. Sorkarin engkim mai hi min tihsak rawh se ti a awm hmun pawh ni mai lo, thut hmun pawh ni mai lo, mut hmuna sorkar lo nghah hi Zoram mipui zia a ni chho tak tak ang tih hi a hlauh thawn awm niin ka hria a ni. Sorkar laipui thatna a zarah ni za inhlawhna kan tih angte a lo chhuak zel a, thu lawmawm tak anih laiin a hman dan kan thiam loh avangin hmun tam takah chuan kan 'moral' tichhe vektu a ni chho mek a ni tih hi mi tam ber leh mithiam zawkten an hmuh dan leh an hriat dan a ni tih kan hriat hian a pawh hlein ka hria a. Hemi kawngah hian Zoram mipuite pawh kan inbih chian thar a pawimawhin ka hria a ni. Kan Tax base a ni emaw, Non-tax base a ni emaw sorkarin kan tih ve tur, central sorkar a kan chhun luh ve tur ang chin tlin ve hleithei der lo mai, sorkarin ruahmanna thar a han siam pawha a awm em, awm lo em, a reasonable em tih lam ngaihtuah lek lova opposition party nih vang ringawt mai a, a thawk a phita dodal a, mipui fuihpawrh tlat tum mai hi a fello a ni. Hei hi mipui hmangaihna leh ram hmangaihna tak tak zia in a ken tel miah loh a ni tih hi Zoram mipui hriatah ka han sawi tel ve leh duh bawh a ni.

Thildang daih ka'n sawi tel leh duh chu 'Entrustment of functions to the Autonomous District Councils' tih hi a ni. Nikum lamp daih tawh kha a niin ka hria a, a hun chu ka hrechiang tawh chiah lova, Gazette-ah te pawh chhuah a ni a, District Council-te tihchak lehzualna tur a nih mai bakah duplicity of undertakings pumpelh a nih theihna turin hmalak inthuah ang chite tihbo a nih theih nan a pawimawh a ni.

Autonomous District Council-te hi power pek belh ni rawh se ti a sorkar pawhin notification a chhuah tawh kha vawiin thleng hian a tak taka tihhlawhtlin ala ni lo hi a pawl ka ti a, hemi kawngah hian kan hotuten chak lehzualin hma an lak theih chuan kan zavai atan a tha ang tih ka beisei a ni.

Kan police lamte fakawm/chhuanawm zia kan ngaitla tawh a, chumi rual chuan thil pakhat ka sawi duh chu police outpost emaw police station han tih te hmun hrang hrangah kan mamawhna a sang em em mai a. Ramdang nen kan intlawhpawhna kawngpui hawn belh zel a ni mek bawk a, chumi rual chuan police outpost emaw station emaw kan mamawh tel a ni. Police awmsa ten an enkawl theih reng dawn lain station thar alo nih chuan a hming chauh tala post create thar a lo ngai a ni awm a. Chu chu finance lam hian thil thui tak an ngaihtuahin rem an lo ti lo thin a nih ka ring a. Engpawh ni sela, kan mamawhna lam min hriat thiampuia a tak taka mithar lak ngai chuang lo a nihna lai kha hriain, inhawng zau deuh hleka ngaihtuah thar leh dante a awm lawm ni tih kha ka'n sawi duh a. Ka bial chhung Vawmbuk te khi Burma nen kan inramrina hnai vai tak a ni a, kan mamawh em em a. Bualpui (kan khawpui ber ve a ni a) Saiha nen an inngheng deuh reng a, mahse administrative district hrang kan nih ve avangin Bualpui atangin Sangauah emaw, Lawngtlaiah emaw police-in thil an buaipui a ngai a, a buaithlak em em a ni. Chuvangin a hminga police station han dah theih nise kan mamawh si a tih kha ka'n sawi lang duh bawk a. RMSA, SSA te Health lama kan hmalak tam tak te, kan hotute tan lakna hmel thar kan hmuh tam takte kan sawi vek seng lova. Hengte avang hian lawmthu ka'n sawi ve leh duh hrim hrim a ni.

Pu Speaker, Bial vengah hian RMSA leh SSA hmalakna zar hi kan zo nasa em em a, chutih rual chuan Cheural-ah RMSA secondary school an tih ang hi kan mamawh khawp mai a, chu chu kan Minister hnenah pawh ka sawi tawh nachungin hun remchangah hian min hriat nawn sak leh thei se tih kha ka'n sawi duh a ni e, ka lawm e.

**S P E A K E R** : Sawi tur kan awm tawh loh chuan House duh danin kan chawl tawh rih ang a, dar 2:00 PM ah kan chhonzawm leh dawn nia, lo chawl rih ang u.

2:00 P.M.

**S P E A K E R** : Sawihona kan chhonzawm ang a. Tunah Pu T.T.Zothansanga i lo ko ang.

**Pu T.T.ZOTHANSANGA** : Pu Speaker, ka lawm e. Hei, a thu a kan luh hmain Unstarred question 15na kha, keimahin ka dil kha a ni a, PWD chungchang kha a ni. Khatah khan academic qualification te kha dah tel ni sela, ka'n tih lai tak kha, an rawn tarlang lo vek mai a. Kan Engineer-te zingah hian tute nge Master han ni tih te kha hriat ve kan chak a. Hei, a Document hlui angreng deuh kha an rawn theh lut deuh teuh mai a, hei hi a kim lo ka ti a. Academic qualification kha, a then chu M.E te an lo ni a. Khang kha tarlan theih ni sela chu a tha viau tur a ni a, tih te ka'n ngaihtuah a.

Kan Budget, kan Finance Minister zahawm takin a rawn tih hi ka'n en ka'n en a. Han sawi ve pawh ka'n chak viau a. Amaherawhchu, hei ka'n hawi ka'n hawi a. A hre tak tak hlir mai, kei aia hre tur deuh vek in nih avangin ka rilru thildangah han hman deuh hlek ka duh a, min hriatthiam ka duh a.

Hei Central-ah Term hmasa khan BJP kha an lal a. Tichuan, BJP kha an han lal tirh khan an sorkar thei ang em? sorkar lo ang em? tih kha zawhna a ni a, tichuan buk an han ngai ta a. Khatia buk an han ngaih tak khan Mizorama kan Christian pachal, kan MP te pawh khan an han phar kha a ni a. BJP an han pui a, BJP lamah te pawh TV ah an thla kan lo hmu thin a ni. Tichuan, BJP an lo sorkar khan Mizorama kan sorkar, MNF te kha an duhsak khawp mai a. Duhsakna hleihluak kan ti mai a. Kan Chief Minister hmasa pheih kha chuan 'beng muka liam zawih zawih hi kan dawng a ni' a ti mai a ni. 'Peace Bonus' te kan dawng a. Peace Bonus kha ka'n sawitel duh chu, khutah meetingna hmunah India Hmarchhak State tin te kan kal khawm a. Chuta an kalkhawmnaah chuan state dangte khan mumal takin Plan fel tak kha an rawn keng vek mai si a. Mizoram khan pakhat mah kha kan lo kengthla ve lo kha a ni a. Chumi avang chuan, 'kut lawnga haw tir em em zawng,' tiin, Peace Bonus kha Central-in min lo pe ve kha a ni a, tih ka rilruah a rawn awm a. Tin, tuma thal ve theih loh tuikhur te, Switzerland of the East, Contractor sing chuang tih ang chi, khatiang khan 'Malsawm Period' ah khan kan sorkar hmasa kha a lo awm tawh a ni. Central-in a duhsakna chhan kha chu tisa thil nasa takin a duhsak a. Amaherawhchu, rilruah tum kha an lo nei ve a.

Hei kan rama kan hriat ngai loh, 'Ram Krishna Mission' tih te kha kan hre lar ta hle kha a ni a. India rama BJP sorkar khalh kaltu RSS te, VHP kan han tih te khan target neiin India hmarchhakah anmahni Missionary, an thawktu mi 400 rual vel lai an ruahman han tih te; tin, Mizo thalai tam tak pawisain an thlem a, Hindu-ah an inlet a ni, tia sawi te kha a'n awm a. Kohhrante pawh khan a dik chiah chuan ralkhel dar kha kan vua a ni. Hnam, sakhua anga kan lo ngaih kan Kristianna lungphum kha a nghing a. Chutih lai chuan khawvel lam thilah chuan nasa taka duhsak kha kan ni thung si a ni. Kan kohhranah zing tawngtai nei thin hnam kan ni a. Zing tawngtai hian Pathian ram a lo zauh nan nasa takin kan tawngtai thin a. Kan ram te, kan hruaitute tan kan tawngtai thin a. Amaherawhchu, BJP an han sorkar a, an lalna an han tihhran deuh tak tak hnuah kha chuan ram zauh nan pawh kan tawngtai thei tawh lova. Kan mite, hmun tina kan Lal hnathawktu, kan missionary-te kha an him nan kan tawngtai ta zawk a ni. Hmun tinah an him lova, India ram level-ah pawh, Graham Staines-a te pafa pawh halhlum an nih hial kha. Kan Central Sorkar lah khan a uksak tha duh mang baw si lova. Harsatna chitin rengin min hual vel a nih kha. Hetianga Zoram mipuiten Hindu ral lo lian zel tur mut mawh hnar mawha kan neih lai hian hmun hrang hrangah Hindu Temple te pawh kha hmuh tur a awm ta nawlh nawlh mai a. Tin, kan la hmuh ngai loh vai puithiam kawr eng ha te pawh kha hmun kilkhawr tak takah te pawh kan hmu thin a ni. Tichuan kum 2003 a lo ni a, chutah chuan Congress-in Bhavan kan hawng a. Chuta kan Bhavan hawnnaah chuan kan Party President chuan khatih laia Chief Minister, MNF kha, 'Chief Minister-in Mizoramah Temple sak a remti,' tih kha a sawi a. Tin, 'chubakah Temple 50 pawh a pawm tawh nia hriat a ni,' a ti baw a. Chu chu Aizawl Thupuan, Jan ni 8, 2003 ah khan a lang a ni. Chumi kan party President-in a rawn sawi chhang let chuan MNFY thalai khan Press Release an siam nghal a. Hindu Temple Mizorama sak chungchangah khan Press Release hi hei hi Pu Speaker, i phalnain tlar hnih lek hi ka'n chhiar lawk ang a. "Ex Chief Minister meuhin sakhua hmanga politics khelh a tum hi Mizo mipuite leh a Party a hmusit ziaah MNYF Hqtr. chuan a ngai tiin" Press Release kha an siam a ni. Chu chu Aizawl Thupuan January Ni 10, 2003 ah khan a lang a. Sakhua hmanga politics khelh an duh lo hle a ni. Khatia an duh loh hle lai khan tunah hian 2003 a an duh loh em em ang sakhua ngei

hmangin politics hi an han khel ve leh ta a ni a. Kan Zoramah Lal Krista Kross tih hla phuaktu khan a kross a pu awn ta em ni ka'n ti deuh a ni.

March Ni 20, 2012 khan MNF ten Mizoramah Chhanchhuahna kawngzawh an nei a. Chutah chuan Pu Speaker, Chanchinbua lo lang hi i rem tihnain tlemte hi ka'n chhiar lawk ang e, min lo hrethiam la. "Mizoramah kangmei, pawngsual, sarthihna, lirtheia chetsualna, mahni intihlum leh thih dan mak pui pui hriat tur awm fo chu ram hruaitute coconut sawh keh leh vai pathian hmaa an puja vang nia a hriat thu sawiin, Sorkar hotute chu inenlet nachang hre tura an duh thute an tarlang bawk" tih kha a rawn ni ta a ni. Kha lai kha a pawl khawp mai a. Pu Speaker, helai hi chu a dik em em dawn emaw ni le ka'n ti deuh a ni. Mizorama chhiatna thleng zawng zawng mai coconut sawhkeh avang anih hi anni hian an ring tak tak em aw ! tih ka ngaihtuah a. Lo ni ta sela, MNF hun chhunga chhiatna zawng zawngte kha kan Chief Minister zahawm tak ni thin Pu Laldenga, Sikh Temple Gurudwaraa diar khim a, pangpar thi a awrh avangte kha a ni ve thei angem tih kha ka rilruah a lo lut a. A thlalak pawl Pu Speaker, helai hian ka kawl a, i phalnain House property-ah ka pe ang e. Lelte Weekly 1990, April chawlhkar li-na supplement-ah khan Sikh Gurudwara chhungah kan Chief Minister lo ni tawh thin Pu Laldenga diar nen, parthi te nen, thusawina te, tin, a ngunhnam kenna kha ka lo hmu zo lo ta hlauh mai a. Hei hi House property-ah ka'n pe phawt mai ang e.

MNF hun lai khan lungngaihna chi tin rengin Mizo mipuite min hmuak ve a, Khatla a lungrem chim kan tih te, silai tawlh ruk kan tih te, inrawkna te, inrukna te, vaibelchhe thum an demand-na ang chi te, Hnam Run kawta inthahna ang chi te, tampui mitthi leh thingzung laia mi an awmna te, Josefa buhzem kan han tih ang chi zawng zawngte leh Pastor, a in luma a thihna ang chi zawng zawng te kha, khu mi Gurudwara-a khatih laia kan Chief Minister-in in tawngtaina a lo hlan vangah khan keini chuan kan ngai chuang lova, hei hi chu thil thleng ve hrim hrim a ni a. Sakhuana hi politics-ah kan hmang duh lo tak tak anih chuan sawi nawn sawi nawn lo turin MNF unaute ka rawn duh a ni.

Tin, Pu Speaker, lawmawm deuh mai chu Champhai North Bial kan ni a. Tun kan sorkarah hian nasa takin hma kan sawn a, kan lawm khawp mai a. Kan Chief Minister zahawm tak hmalaknain Champhai, hmanlai atanga kan Chief Minister hmasain a lo tiam tawh a tihhlawhtlin theih loh Keilung laih lui khuahna tur Cheng vaibelchhe sawmhnih leh nuai sawmruk pali tunah hian sanction a ni chho mek mai a, khi khi kan lawm khawp mai a, Champhai in lo kal chuan Champhai leh Hmunhmeltha inkarah khian kan khuap ang a, Rihdil khi kan sawn dawn a ni kan ti a ni. Tin, chu mai bakah Pu Speaker, sorkar hmasa kum 10 chhung khan, term 2 chhung khan Champhai College khian a hranpain sum kan hmu lo reng reng a ni. College hrang hrangah vaibelchhe khat leh a chanve te, vaibelchhe hnih te an hmu a. Khami avang khan kum 20 chhung khilaia kan hruaitu lo ni tawh kan Chief Minister zahawm tak lo ni thin khan hma a lak duh loh avang khan Champhai College khi kan ro vawng vawng a. Tun sorkar hmel kan lo hmu a, kan Chief Minister zahawm tak tanpuina leh hmalaknain tunah hian vaibelchhe 9.51 zet tender kan ti ut mai a. Tunah hian tender te pawh an ti zo tawh a, sa mai turin kan inbuatsaih chho mek a ni a, chu chu ka'n sawi duh a.

Tin, tunah hian Nursing School pawh sa turin kan inbuatsaih chho mek a. Champhai atangin Nurse kan siam chhuak ve thei dawn tawh a ni tih kha ka'n sawi tel duh a ni. High School-te pawh tunah hian hmun nga laiah min sak sak a, an zo mek tawh hlawm a, hawn theih mai tur tam tak kan nei a. Tin, chubakah khilalah Polytechnic te pawh an sa mup mup mek a ni. Khatiang khan Champhai khian hmasawna hmuh theihin tun sorkarah hian hma kan sawn a ni a, chu chu kan sorkar chungah hian lawmthu ka sawi duh a.

Tin, RMSA School pahnih Champhai lamah kan han nei ve a, an zirtirtu lak dan a fair khawp mai a, kan Minister lawmthu ka'n hrilh duh a. Tuna kan zirtirtute khi Mizoram level-ah pawh a tha ber berte an ni an ti tawp mai a, churang chuan kan Education Minister chungah pawh lawmthu kan sawi duh a ni. Pu Speaker, tuna kan lawm leh duhna em em chu Project thehluh leh siam lai mek tam tak kan nei a, kan Chief Minister zahawm takin "lo inthlahrung reng reng suh u" a ti a, tunah hian hmalakna hmachhawp tam tak kan nei a, chungah chuan kan Party hruaituten sorkar hmasa lo ang takin inthlahrung miah lova min siam avangin lawmthu ka sawi duh a. Vawiinah hian sawi tur chu a tam khawp mai a, Champhai Master Plan te pawh tunah hian buatsaih chho mek a ni a, Tluanga ar vulh ang maiin kan thang lai hi kan hmu a ni deuh ber mai. Tin, chubakah Champhai Hospital te pawh tunah hian kan sa mup mup a, vaibelchhe 19 velin, 90% zawh tawh te a ni a, kan Minister zahawm takin a hmunahrawn kalin arawn enfiah thin a, a viak a tha khawp mai a, a Post tur dik takah alo awm a nih hi te kan ti a, a lawmawm kan ti a, kan Minister chungah pawh lawmthu kan sawi duh a ni. Vawiinah kan Finance Minister zahawm takin hetiang Budget arawn pharh thei hi a lawmawm ka ti khawp mai a, kan Finance Minister hi a buai viau em aw ka ti a, a buai viau chuan ka ring a, tunhma te kha chuan kan Finance Minister-te kha chuan Gas lain an intlar ve thin a ni. Khang te kha ka rilruin an hre chhuak mai mai a, churang chuan hetia hmanlo chung chung felfai taka Budget Speech arawn siam hi lawmawm ka ti a, ka thlawp a ni. Ka lawm e.

**S P E A K E R** : Tunge phar lawk kha ? Pu Chawngtinthanga.

**Pu CHAWNGTINTHANGA** : Pu Speaker a ngaihnaawm hle mai a, kan dang a nal hlei awm hlein ka hria, zaih zaih mai ana, muangchangin ka han sawi ve ang a. Kan kalphung hrim hrim hi ka mangan rukna a awm thin a, kan Zoram politic kalphung hi. Hetiang tak hian kan Congress sorkar, kan Chief Minister hruaina hnuaiyah hian kum 3 kan han hmang chhova, kan Zoram khaw eng kan hmuh nasat zia hi tumahin kan hai lo. Thingtlang khaw hrang hrang hi han kal vel ila hmasawna chi hrang hrang nen hmel alo danglam tawh a, hmuh tur leh sawi turin a khat vek mai a. Helai kan Aizawl khawppuiah pawh tunah hian kan Sports Minister chak tak hmalakna avang leh kan Chief Minister hmalakna avangin Aizawl khawpuiin ala tawn ngai reng reng loh North East Games kan han thleng a. Hengte hian kan ram leh kan hnam a chawimawi em em a ni tih te hi ngaihtuah chang lova, mikhual tha kan neih lai a, a mawilo zawng, a chhuanchhe zawnga kawng lo zawh organize ngawt mai hi chu a ropui lovin a lungchhiat thlak hlein ka hre nghe nghe a ni.

Tichuan, kawng hrang hrang hmasawna kan ramin a nei a, Department tin mai hi han thlir ila, lawmthu sawilohna tur hi a awm lova. Aizawl Grater Water Supply Scheme Phase-II pawh hi complete chhoh mek a ni a, tunah hian tui hmu thei ngai reng reng lo, boruak tha leh a hmun tha a kan ngaih, Durtlang lam pawh, Sihphir thlengin tui pek mai tura hmachhawp a ni te pawh hi a ropui a, hetiang a lawmawm lampang hi ngaihtuah lova a chhuanchhe zawnga thil tereuh te te kher zawnga kan kal fo mai hi chu a ram hmangaihtu thinlung put dan tur niin a langlo hlein ka hria a.

Vawiinah hian kan Chief Minister duh tak pawh mi tam takin sawichhiat an han tum thin a, "corruption kan phoro ang inti a, inva phoro har ve", tih zawng te a sawi te an awm thin. Kei ka lo ngaimawh deuh thin a, Corruption hi engtianga lo awm nge a nih? Kan Mizo hnam hi hnam rinawm leh ruk ruk ching ngailo kan in ti a, kan pi leh pute hunah pheichuan in kan chhuah san dawn pawhin thingfakin kan do mai kan ti.

Amaherawhchu hun a lokal zel a, khawvel hmasawnnain min rawn nangching chho va, chutih rual chuan khawvel hmasawna chi hrang hrang avangin kan rilrute hi a kal soal chho mek ang tihte pawh a rinawm rualin chung zinga corruptiona min hruai luttu nasa ber, factor lian tak ni a ka ngaih thin chu politics ngaihtuah سوالنا avangin India ram kan do a. Kan ram hi India sorkar hneh a independence tir kan tum a, chumi avangin loh theih loh avangin India sorkarin min rawn tuk daih a ngai a. Sipai hnuai nasa takin kan tuar a, eizawna kawngah kan kal thei lova, zirna kan ramah a thuanthu vek a, education pawh kan nei thei lo. Kan ril a tam a, khawlum kan hria a, thlasik kan hre bawk si a, inthum lumna kan duh bawk si a, engemaw talin kan neih theih hram hram nan tiin a dik leh dik loh pawh ngaihtuah lovin kan nun chhuah nan, kan eitur leh kan khawsakna kan dap a ngai a ni. Kan rilru thate pawh kha alo thianglim lo zo a, sipai lane/run-ah te pawh mawi lo taka kutdawh a kan kal chang te pawh a awm niin a lang a. Tin, chumi hnuah kan hotuten thahnemngai takin Remna leh Muanna an siam hnu khan kan MNF unaute an lo lut a, engnge an rawn inzirtir aw! tih hi ka ngaihtuah thin. A tira cheng 1 pawh neilo a an mahni tawngkam takin he Zoram kan khawpuia lokir leh te khan an Lal-na hnuai min han enkawl tak tak mai a. Anni chuan Babel In sang an sa a, an nupui-fanau te nuamtawlin an awm a, car tha tha an nei a, in hmun leh lo ram tam tak an nei a, keini kan rethei a. Nimin lai lawkah khatiang taka pachhia an ni tih mipuiten kan hriat avangin hetiang hi a nih dawn chuan keini te pawhin hetiang kan tih ve mai lohin tiin corruption mipuite an zirtir a, Chu corruption chu thuk takin mipuite thinlungah hian zung kaihin a lo awm tawh a, hemi phawi chhuak turin thla 3 chhung, kum 3 chhungah phawichhuah a phoro mai hi thil harsa tak a ni, mihring thinlunga lo inkaih nghet tawh a nih avangin. Chuvangin eng tiang zawngin nge corruption hi kan tihreh ang tih kan hotuten uluk deuhin an ngaihtuah a, a chunglam atanga thil tha tih phawt hi a tul a ni an ti a, mahni inphoro ngamin, hlemhletna leh hlawkna um miah lovin kan Chief Minister leh Minister ho zawng zawngten hma an hruai mek a. Tichuan, hnuai lama officer-ah, a hnuai zelah clerk level-ah mipuia luang thla turin. Hermon daifim Aron-a khabe hmula luang chhuak lo luang thla kha a kawrfual hmawr thlenga luang ang khan mipuia luan thlak tir tumin tunah hian effective takin Minister-te hian hna an thawk mek a ni tih hi Zoram mipuite hian kan hriat a pawimawh em emin ka hria tih kha ka han sawi duh a.

A dawt lehah chuan kan thianten an lo sawi tawh kha hei kan Finance Minister-in Budget Speech a rawn pek hi a mawi hlein ka hria a, ka han chhiar thuk thuk a, a tawp lampanga kan thian member zahawm takten an rawn sawi tawh 'Dependency Syndrome' an tih kha a nasain ka hria. He House-ah ngei pawh hian ka sawi tawh nghe nghein ka hria a. Sorkar alo din hian amahin sum a nei a ni mai lo, sorkar hnathawk tur chuan mipuite hian sum leh pai kan siam sak a ngai a ni tih hi kan hriat a pawimawh a. Amaherawhchu, chutiang taka sorkar leh ram tana rawngbawl tura hna thawk tura sum leh pai Tax Revenue han siam tura kan hotuten huaisen tak leh ngaihtuahna fim tak nena tax thenkhat te, non-tax revenue te, tax revenue te pawh han tihsan an tum reng reng hian mipui support a hlawh ngai lo. Mipui support a hlawh ngai loh nachhan nia lang chu politician-ten a siamtu ruling party-te mipui thinlunga an tlak nat loh nan leh an laka vui tura kan zirtir thin vangte pawh niin a ngaih theih a, chung zawng zawng atang chuan politician-te hian wawinah chuan kan tih tur hi hre chhuak thar ila. Kan Finance Minister-in a rawn sawi angin tun hi sum leh pai dinhmun siam tha tura kan zavaia kan thawhchhuah hun a ni, theih tawpa kan thawh hun a ni a tih hi a dik ngawt a ni tih hi ka sawi nawn leh duh a.

Tin, financial management chungchanghian kan Chief Minister-te, kan Finance Minister-te hian an tihthat nasat zia te hi thui tak an rawn sawi tawh a, kawng dangin han sawi ta ila thain ka hria. Sorkarin beihpui nasa taka a thlak avangin GSDP growth rate kha 2011 leh 2012 inkarah khan 10.09% in a sang chho deuh dawr a. 13<sup>th</sup> Finance Commission-in state GSDP than chhoh dan tur a ruahman dan chuan 2010 leh 2011 inkarah khan 9.7, 2011 leh 2012 inkarah 10%, a hnu zelah 10.3% a pung turin a ti a ni a. 13<sup>th</sup> Finance Commission report-in a hmuh angin tuna 10.09% growth kan neih hi keini ang ram rethei, revenue khawna tur nei lo tan chuan a tha takzet a, a pawmawm takzet a ni tih hi an hmu Chiang a. Hengte hi hetiang taka kan GSDP growth rate a lo thatna chhan a ni. Kan hotuten financial management uluk tak leh austerity measure, inrenchemna uluk tak leh huaisen taka an kenkawh vang a ni tih a Chiang em em. A chhan dang lehah chuan production a lo pung hret hret a, he production lo pung thei tur hian thingtlang lamah kan NLUP programme hian mipui an cover a, kan thlai leh kan thil tharte a lo tam chhoh avang a ni. Hetah pawh hian kan NLUP impact nasa takin a lo lang bawh a ni a, a lawmawm takzetin ka hria. Chuvangin, kan sorkar hruaitute hnenah hian lawmthu sawi mai tur niin ka in hria.

Tin, ka bial bikah pawh khian lawmthu sawi tur ka ngah mai, Health Department-in nasa takin min rawn tuam sak a, an hnenah lawmthu ka sawi duh a, PWD Department pawhin kum 10 chhunga MNF in an rawn hawlh tlang theih loh kha tunah hian hawlh tlang mai turin lei harsa tak mai an dawh mup mup mai a ni tih te pawh kan hria a. Tin, chu mai a ni lo, Khanpui leh Tualbung inkarah kawngpui siam turin tender km 5 cover turin an chhuah mek. Hei hi an la chhunzawm zel turah kan ngai a. Tin, chu mai bakah Zawngin leh Suangpuilawn inkara PWD kawng chhe zet tawh khi siam tha turin hma an la mek a. Chuvangin department zawng zawng chungah hian lawmthu sawi pahin he kan budget hi, kan Vote on Account leh kan supplementary budget-te hi ka support thu ka han sawi a ni e. Ka lawm e.

**S P E A K E R** : Tunge kha phar leh kha, an awm tawh lo em ni, chuti chu wind up turin Minister kan ko tawh mai dawn em ni? Pu B. Lalthlengliana.

**Pu B. LALTHLENGLIANA** : Pu Speaker, kan Finance Minister-in Vote on Account a rawn pharh hi tukina a rawn move khan a hma nia ka lo hriat dan nen a figure kha a in mil lo deuh hlek lai kha engngeni a chhan tih kha nakinah min la react sela. A rawn move-naah khan cheng vaibelchhe 154, 154339.17 ang khan a rawn ti a, nimin lama kan hriat danah khan cheng vaibelchhia 1663 niin ka hria a, khalai kha a figure inang lo lai kha nakinah min rawn hrilhfhah sela ka duh a.

Pu Speaker, kan Vote on Account hi enthiam a har angreng khawp mai a, Budget pui angin hnathawh dan tur chi hrang hrang lang a awm si lova. Engpawh nise, thla li chhung atana tih a nih avangin a thaah ngai ila, Budget puiah kha chuan Plan leh Non Plan te a lang a, a chhungah material leina tur te, hlawh te, Minor Works/Major Works te a lo lang a. Work schedule awm lo mahse khata tang khan hna thawh dan tlangpui a hriat theih a. Vote on Account-ah erawh hi chuan kha kha a lan loh avangin engtingge Department-ten an Department chan atang khan hna an thawh ang tih kha kan zu hriatpui si se thei lova. Engpawhnise, Vote on Account in kan kal tam tawh a an hre turah ngai ila.

Pu Speaker, a hmasabera ka zawh duh chu chawhma lama ka zawhnaah khan Aizawl atanga Tuipang kawng ka zawh khan zawhbelh hram ka duh a, amaherawhchu a inpersan a ka hriat avangin ka zawt tel ta lo va. Kan bial Champhai atanga Khawbung, Khawbung atanga Tuipui, Biate, khawthlang lam te, tin Dungtlang – Farkawn kawng chhe ta lutuk te Session apiang hian ka sawilang ve thin a, amaherawh chu vawiin thleng hian ngaihsak a la hlawh lo va, amaherawhchu kan hriat loh piah lamah a siamna tur pawisate dah that a nih chuan a lawmawm khawp ang a. Tunah khian security thil a nih ka ring a BRTF in Farkawn-Thekte kawng an lai a, metre 18 a zauin an lai a. PMGSY kawng khan MNF Ministry khan laih zawh vek tawh a ni a, mahse khilai te chauh khi tunah khian an hma a, metre 18 a zaua a hmawr tawp a laih khi keini lo ngaih ruat danah chuan indo thleng thutah helicopter tum zung zung theihna turin an ruahman ni te pawhin an sawi kan hria a. Chutiangte a nih avang chuan a hmawra kawngpui lian arh hluai mai awm a, a panna kawng thalo deuh mai awm hi a thain ka hrelo va, chu chu kan Chief Minister zahawm tak PWD changtu hi khilai kawng siamthatna tur ka'n ngen ni sela. Hmanni lawkah khan chanchinbuah te kan hria a, YMA Khawbung Branch an hnatlang a, hnatlan chhunzawm zel te pawh an tum niin a lang a. Hei hi sorkar tihmualphona leh elsenna pawh nilovin a hmangtuten kawng a that loh em avanga mahni ta an lo siam ve a ni mai a, nikum lamah te pawh Group YMA te pawh an hnatlang tawh a, kha kha sorkar elsenna lam a ni lo a ni tih kan sorkar hian min hriat sak sela thain ka hria a.

Tin chuloah chuan, hmanni khan ka sawi tawh tho va, kan bial khi Farkawn atanga Tiau, Burma kawng chhun kawngpui a tlang chho tawh a, kan RD Minister zahawm tak hian a han kal tum khan Tiau lei dawhna tur a pe a, tunah khian dawh mek a ni a, an zo tep tawh ang a, Vaphai khua atangin a tlang chho tawh bawk a. Chutia kawngpui pahnih tlangchho anih avangin khawchhak lam misual ti mai ang, Bike te, Motor hrang hrang ruk chungchangah te, awlsam taka tlan ruk chhoh theihna a nih avangin Dungtlang hmuna police station dah kan sawi fo, Home Minister zahawm tak pawhin a term chhunga tihpuitlin ngei a tum ni a hriat a ni nghe nghe a, lawm pawh kan lawm viau a. Hei hi an term chhung ngeia min tihpuitlin sak theih chuan a lawmawm khawp ang. Hman ni lawkah pawh Bike 2/3 vel Lungdar leh Khawbung ram velah an lo man sak a, khatiang kha a ni a, kawng pengthuam lai tak Dungtlang khi a nih avangin khi laiah ngei khian dah turin ka ngen a ni. Kawngpui leh police station bik hi chu tun session chhung pawh hian bial chhung atang pawhin an ngaihpawimawih thu telephone-in min rawn chah nasa hle. Amaherawhchu, kan Minister-te hnenah wavi engemawzat ka lo sawi tawh avangin tun hi chu in remind-na ang ni sela.

Pu Speaker, ka'n sawi leh duh chu nimin piah lawka ka sawi NREGS ni 100 inhlawh chungchanga ni 14 kimloa sanction Tlangnuam RD Block hnuaiyah awm anga sawi hi engnge a chhan ? Ni 14 hi engvanga sanction loh nge tih lai hi hmanni khan kan House Leader khan mi a rawn react lo va, ni 100 atana central-in a sanction a nih chuan ni 100 atana sanction mai tur a nih lai a, ni 14 sanction tel loh a nih lai kha engatan nge hman a nih dawn tih lai kha ka'n sawi lang duh a. Corruption a fihlim anga kan insawi fo lai hian MLA te, Minister thenkhat te, tu tu te emaw hminga contract hnathawkte, tute hming emawa ram zau pui pui lei te leh JCB leh Bulldozer lei te pawh hi an awm ve deuh nuala hriatna kan nei a ni. Amaherawhchu, la hun lo deuha kan hriat avangin kan sawi chhuak lem lo. Chuvang chuan a pawng a puia rulling MLA kan member zahawm tak takten in au tam lutuk hi chu in sim a tha ang, engzatnge in thil tih dik loh kan hriat tawh tih hi ngaihtuah tel ve ula a thain ka ring a, fel ber, thianghlim ber ang a mipuiin min thlir tih avanga sawifo hi chu nakinah in mawng kan la rawn hlim ve hun a awm ang tih hi lo hria ula a tha ang, tawite ka sawilan duh ni sela.

Tin, lottery-ah pawh hian nikum March thla khan tender chhuah a ni a, a chhang hniam ber pek duh loh avangin 2011- 2012 in kha kha ti zu zi angin a kal a, nikum December-ah retender leh a ni a, kumin February-ah kha tender kha hawn a ni a, 2011- 2012 inkara lottery-a sum lak luh pakhat mah neih loh kha, a contractor duhsak zawng a nih loh avanga lak theih loh a tikhawtlai avanga kum khat chuang lottery atanga sum hmuh miah lohte pawh kha a nihna dik takah chuan corruption thil vang a ni. Chuvang chuan corruption-a clean, thianghlim ang taka in sawi fo hi supply te leh contract hna kan inpek dan atang pawh hian thil tamtak hi a zir chian theih a, a hmuh theih a ni tih hi kan hriat chian a thain ka ring a.

Tichuan, Pu Speaker, nitin mamawh entirnan, buhfai te, K.oil te, Tui te, Electric, Gas leh Chini harsa ta em em mai te, kar khata puitling tan buhfai Kg 2 han inpekte hi chu kuthnathawktute tan chuan a tihngaihna a awmlo a ni, chhun chaw ei hnam kan ni a, chhun chaw nen, zing leh tlaia ei tur chuan Kg 2 hian engtikawng mahin min daihlo, chuvang chuan buhfai a tam, kan hnianghnar tih te hi chu a awihawm loh a ni.

Gas chungchangah pawh kan Minister zahawmtakin kan sorkar hnu hian sing chuang kan hmuh belh tawh a ni a tih hi a dikin ka ring a, mihring kan pung a, a mamawhtu kan pung a, a pung tur a ni. Amaherawhchu, engzat pawhin pung sela a distribution system hi a dikloh avangin a harsat dan hi a pangngai reng a ni, keini pawh January chawlh kar hmasa bera kan lak kha niminpiyah khan a bur hnihna kan la chhunzawm thei tawh a ni, chu chu a chhan chu connection 10 kan nei a, connection 10 neih khan awmzia pakhat mah a neilo va, veng chhunga a lo thlenin, card pakhat chauh min pek avangin vawi khat bak kan la thei chuang si lova, hengte hi a diklo lai khawiah emaw chuan a awm a ni, agent-ah nge diklo awm anga a distribution-ah hian? Hengte pawh hi kan sorkar hian ngaihven ran a thain ka hria a, kan House Leader hi inrawlh viau se a thain ka hria. Chutihlai chuan Rs.800/- atanga Rs.1000/- hian engtiklai pawhin lei tur a awm deuh reng, khumi Kawnpui atanga Sairang inkarah pheih chuan chan peih pheih chuan engtiklai pawhin a awm a ni an ti a. Chutianga black-a lei tur a awm reng lai a, chhungkua khat Gas bur khat ni 10 vela kan hman zawh thin laia thla thum pawha bur khat kan la theilo a nih chuan Gas hi a harsa kan ti lo thei lova, chu chu a nih phung a ni. Chuvang chuan kan sorkar hi tun ai hian inrawlh na deuh ula a thain ka ring a. Hemi road delivery pawh hi 1993-ah kan House Leader zahawmtak kaihhruaina hnuaiah khan ti turin opposition kan nihnaah khan kan nawr thin a, khatih hun laia Minister khan a theih loh a ni a ti a, amaherawhchu, a ti theitu kan han sorkar meuh chuan road delivery kan han ti a, tun thleng hian a hlim thla ang deuh hi chuan a la kal a, hei pawh hi Gas Agent-te tuala intlara tlaivar ai kha chuan a ziaawm hrim hrim a ni.

Pu Speaker, ka'n sawi leh zawk duh chu Education Department-ah pawisa lapse leh lapse lo tih chungchangah niminpiyah lawkah helaiah khan kan inhnia a. He pawisa hi 2010 -2011 ah khan cheng nuai 743.16 a lo thleng a, chu chu School naupang 185787 tan a ni, hemi kum hian he pawisa hi hman a ni lova, chu chu hman a nih loh avangin a lapse kan ti a, hman a nih loh a he pawisa hi hmuh leh a nih loh chuan a lapse tih tawngkam kha SSA ah hian hman theih loh language a awmlo ti mahsela he pawisa hi nikum chhunga hman a nih loh avangin he kum chhunga sikul naupang 185787 saruak-in he sorkar hian a kal tir tihna a ni. Kuminah pawh hian Rs 500089.624 a awm a. Chu pawh he laia kan sawilan avangin hman turin ruahmanna a kal chauhva. Ni 10 pawh a awm tawh mang lova, chutih chhung chuan he pawisa hi hman a ni angem ? A uniform a pek theih a nih dawn loh avangin a pawisain tunah hian an sem mek a ni tih kan hria a. Tin, Right to Education Act 2009-a Fundamental Right of Children, naupangin an right liau liau a ni. Chuvang chuan, he pawisa hi hman a nih loh chuan a lapse tih kha he sorkar pawhin pawm ve mai ula, chu chu a thain

ka hria a. Ka zo tawh a mi Pu Speaker ? (SPEAKER : Aw zo tawh). A va zo hma thin ve maw le (SPEAKER : A hma pawh khan nimin lamah pawh khan mite thik thamin i sawi rei tawh a.) A nih leh ka lawm e.

**S P E A K E R** : Tunge sawi leh dawn le ? Kan windup tir tawh mai dawn em ni , awm tawh rih lo maw ? A nih leh Pu Liansailova kan ko tawh mai dawn em ni ? Pu Lalduhoma.

**Pu LALDUHOMA** : Pu Speaker, Budget discussion kan han neih hian a tam lam emaw, a tlem lam emaw aiin, dik taka hman a pawimawhna lam hi kan rilruah awm sela . Tin, wawiina kan pass tur aia tam daih hi central atangin scheme hrang hrangah kan hman tur tho a lo kal leh dawn a. Chungte pawh chu dik taka kan hman hi a pawimawh ber chu a ni mai a. Nimin lawkah pawh sorkar hna zuar, man te pawh an awm a, chutiang midang pawh chu engemaw zat an lo awm a ni mai thei a. MR post pakhat fill up tur pawhin Finance Department phalna lak a ngai tawh a, a har tehlu nen, kan sorkarah hian corruption hian vung a chhuah thar ta emaw tih mai turin thil alo awm leh ta a, level sang taka thuneitute lo chuan heng hna hi an pe thei lo tih a chiang a. Chumi avang chuan hna zuar an man kha tawp mai lo sela , khami avang khan anmahni kal tlanga a tak taka hlawhtling hma hmu engzatnge awm tih hi sorkar hian mipui hriatah puang ngei se ka duh a. Ka hriatah pawh engemaw zat an awm a, Home Department-ah an tam ber a ni. Chuvangin, thuneitu sang tak hriatpuina atanga lo awm pawh a ni mai thei a, an man ti ringawta a zuzi chuan a rinhlelh awm ngawt ang. Tute nge lo hmuh sak, tute kal tlangin nge, eng Department-ah nge tih hi sorkarin mipuite min hrih ngei turin ka phut a. Tin, he kan Budget discussion-a tel lo central atanga Department-a direct-a sum transfer hi a tam em em a. Hei hian Finance Department a kal tlang loh avangin ven ngun leh en ngun a ngai zual a ni. Technical mission kan tih te , SSA kan tih ang chi tam tak Finance Department kal tlang lova direct-a Department-a lut ho ang chi hi kan ven ngun loh chuan kan mualphona tur a ni tih a chiang reng mai a.

Chung zingah chuan SSA kha nasa takin inhnial nan kan hmang tawh a, uniform chungchanga Pu Speaker, ka zuk sawi thar leh dawn a ni lova, amaherawh chu he lai, kan House ngeiah, kan Education Minister zahawm takin kan MLA document neih chu, ‘fabricated’ ‘siam chawp’ a ni a ti a, aniin ‘a ni lo’ a ti a. Hetah hian thu chiang kan hriat ngei ngei ka duh a ni. Fabricated alo nih chuan kan MLA zahawm tak hi bang ngam sela ka duh a, a lo nilo a nih chuan a puhtu Minister zahawm tak hi bang ngam sela ka duh baw a. He laiah hian thuthangah chuan fabricated a ni a, he document siamtu pawh hi hriatchhuah a ni tawh a, tih te a awm a. Tin, tuna kan Cabinet Minister senior zing atang pawh hian amah chhan duh an awm mai thei tih te pawh a awm a ni, min an sawi a ni. Chuvangin, wawiinah hian Pu Speaker, inquiry ka demand a ni. A dik leh dik loh hriat loh in ti hian i tawp lovang u. He inquiry-ah hian ruling lam emaw, kan MNF unau lamte hi an telve a remchang pawhin ka hre lo, Member dang Pu Liantlinga te leh Pu Chatea te leh keini te hi min dah lang in. Tichuan thudik chu kan puang chhuak ang, fabricated a nih leh nih loh hi helaiah kan inhnial hian a rehin ka ring lova, kan sawifelin ka ring lova, inquiry ka demand a ni. Chu chu khawngaih taka tihhlawhtlin ka duh a.

Tin, engpawh nise, 2010 leh 2011 chhung kha chuan uniform grant hi pekchhuah a ni ta lo hrim hrim hi a paw lai a ni a. Saving-ah a lut tih lai kha lo dik pawh nisela a kum leha hetiang a uniform man tur atana dah hi a aia tlem nuai 589 vel lek hi a lo ni leh ta si a, saving-ah a kal anih chuan a ngai kha la awm awm tak

leh kumthar ami nen tam viau tawh awm anih laiin hengte pawh hi chiang deuh hleka inhrihfhiah chu a thain ka hria. Pu Speaker, minute khat chiah ka la hmangin ka hria. Pu Speaker, khang lai vel pawh kha sawi chian chu a ngaiin ka hria a.

Tin, SSA-ah bawh hian Training Fund BRC leh CRC level-a training atan hian nikum March 22-ah te September 1-ah te, kumin January 5-ah te hian pawisa sanction a ni a, a vai hian nuai 82,34,890/- a ni. A danah hi chuan in-service training hi wawi sawm ve ve neih tur a ni a, Block level leh Cluster level ve veah hian. Tin, zirtirtu hi kum khatah wawi sawmhnih vel tal training neih tur a ni a. Hei hi an neiin a lang lova, Rs. 82 lakh lai mai hman mang loh leh engemaw tia riral ang hian a ngaih theih a. Hei pawh hi chhuichian a thain ka hria a. BRC a hrangin, CRC a hrangin neih tur a nih laiin, hmun thenkhatah chuan an chawhpawlh mai mai a ni tih kan hria a, hetiang zat hi training an nei lovin a lang. Chuvangin, sum heti zat hi a tam si a, Finance Department hian a zu control em em si lova, helaiiah hian kan tan deuh chu a ngai dawn a ni tih a chiangin ka hria.

Tin, hmannah kan member zahawm tak Pu K.Liantlinga'n technical mission, direct a kal chi bawh, leitha WIN A CROP Club an tih, hei hi herbal a ni a, quintal nga supply thu a sawi a, chiang lehzuala han sawi ka duh a. India hmarchhakah hian he leitha supply theitu tur hi pakhat chiah a awm a ni. Chu chu Tilak Aakriti Services (TAS) Calcutta hi a ni a. Chumite hnenah chuan July ni 1 2010-ah khan quintal 5 kg khat Rs 3450 zelin order pek a lo ni a, tichuan nuai 17 man vel a supply a, quintal 5 nuai 17 man vel a ni a, kg khat Rs. 3450 a ni, a to hle mai. Hei hi B Organic farming a pek tura tih a ni. Quintal nga hi eng anga daihzai nge a nih ka hre lova, khawi khawiah nge an sem tak ? tih te pawh hi a chipchiara kan hriat a tha ka ti a. Tichuan, 2010 August ni 12-ah khan pawisa hi pek kim a ni tawh a. Chumi hnuah chuan M/S Shree Biotech, Bhubaneswar hnenah chutiang leitha tho chu kumin January ni 14 khan supply order pek a ni leh a. A to ta em em mai a, kg-ah Rs. 6500/- in supply order hi pek a ni a. Quintal nga tho an supply a, nuai 32 leh singnga a man hi an pe a ni, Ni 20 chhungin an pe fel vek a ni. Gram 200 hi Rs. 1300 a ni a, Kg. khat chu Rs. 6500/- a ni. Tichuan, quintal 5 man chu nuai 32 leh singnga a ni a. Hei hi supply order an pek atanga ni 20 chhungin an inpe tla vek a ni. DPAB hian a lo approve ve tlat mai bawh a, kan DPAB leh SPAB te hi formal mai mai a thute pawh hi an ang tain ka hria a, a pawi khawp mai. Tichuan, TAS Secretary Horticulture hnenah ziakin an rawn complaint-a, hei ka nei a, a lekhka pawh, "India ramah hetiang supply theitu awmchhun kan ni a, Shree Biotech te hi marketing right nei an ni lova, dealer emaw sub-dealer pawh an nilo hrim hrim a, eng manufacturer atang mahin dealership certificate pawh an nei bawh lova, hetiang thil an rawn supply hi duplicate a nih kan ring a, lo nei miten an thatpui pawh kan ringlo" an rawn ti a, chutiang chuan Secretary hnenah lekhka an rawn zia k a, Secretary hnena complaint lo lut chu Minister hian, "a hrelo", a tih tlat theih thu pawh awmin ka hre tawh lo reng reng a ni. Hetiang thu kan sawi avang hian a zanah khan he pa, a supply-tu vaipa leh tu tu emaw chu a zan la la khan an inhmu khawm a, "chhan a tul a nih pawhin high quality a ni a, a man hi a sang em a ni tia sawi ni mai rawh se" te pawh an ti a ni awm e, a fello hle a ni hei hi. Chuvangin, he quintal 5 hi khawiahnge an dah? Khawiah nge an sem? Engzatin nge an sem? He a supplier te hi chutiang supply tlak an ni em tih hi kan hre tur a ni. Chuvangchuan, tihfel a ngai khawp mai. E khai! Hun ava kal chak ve, Pu Speaker.

**S P E A K E R** : Ka pek belh nual tawh zawk che a, Leader i nih avangin chuvangchuan, ka pek belh nual tawh zawk che.

**Pu LALDUHOMA** : NLUP hi ka'n sawi hram ang e. Cabinet Committee on Economic Affairs te, Planning Commission-ten hemi scheme an khalh chhoh dan leh an lo pawm dan te, kan hmu ve nial nual a, a lawmawm kan ti a, beiseina sang taka kan thlir a ni. Tichuan, a sum tur, a source an rawn siamte pawh hi a tha kan ti a. CCS convergence atana vaibelchhe 1000 lai mai dah te pawh hi a tha ka ti a, amaherawhchu, mipui hnena an inzawrhna leh khulam central lam atanga rawn campaign puitute ngei pawhin an rawn sawi angin, kan budget chhung ami nilovin, a bikin Prime Minister special package atanga min pek tur anga hrih kan nih avangin, chutiang tur chuan kan lo beisei a ni. Mahse, hei budget session wawi-4 kan nei ta a, NLUP sum tur hi kan plan ami a ni a, heta kan pass ziah a ngai a, kan plan sum a ni. Chu chu ACA, SPA atangin tunah rih chuan a lokal ta a. Zawhna, Pu Liantlinga'n nikum March ni 25 khan a zawt a, a changtu, a Nodal Minister zahawm takin, "Prime Minister package atanga pek a nilo, ACS atangin min pe a ni", tiin chiang takin a chhang tawh a, a fiah tawh hle a ni, kha kha thudik niin ka hria. Kan proceeding pheik 108-naah khan a chuang a. A Minister berin hei hi Prime Minister package a nilo tiin he House hi a hrih tawh a, thudik tak a sawi a ni. Prime Minister package-te chu Arunachal te pawh an pe a, West Bengal te pawh vaibelchhe sangtel an pe a, kan hre vek. An budget-ah an discuss ngailo, an pass hek lo. An budget chunglamah a lo kal mai a ni. Chu chu a ni a, thudik tak hi engatinge kan sawi mai loh, ACA te chu NLUP awm hma pawhin a lo kal reng, thildangah kan hmang mai a ni. Tunah erawh chuan NLUP-ah an bawh ta vek a, kan chan thin pangngai bakah khan min rawn pek belh ang a, kan plan sumah a lut a nih pawhin a pawilo, kan plan size a lian ang a ka ti thin a ni. Mahse, kha kha kan budget pangngai piah lama min pek chunise a lawmawm a. Engpawhnise, kut hnathawktute pual awmlo thin ai chuan kan plan sum a dah pawh hi kei chuan ka welcome hrim hrim a. Amaherawhchu, tun thlenga Prime Minister Special Package anga House chhungah leh pawnah sawina la awm hi chu chin tawh loh a tha ka ti, thudik tak hi engatinge kan sawi mai loh? A Minister changtuin dik taka a sawi ang khan hei hi kan sawidan tur ni tawh rawh se. Kan budget hi 90% central min pek alawm, hei hi central ta a ni kan ti dawn a nih chuan chu chu inhnialna buluk a ni tawh. Khami chunglam 90% grant kan hmuh chunglamah khan over and above our budget-in, special package hi chu a awm thin a ni. Chu chu a nilo tih hi kan chiang vek a, tunah pawh kan budget buah a chuang vek a, kan pass leh dawn a ni. Chuvangin, hei hi kan sawi dan hi dik tawh se ka duh a.

Tin, 1990 Congress sorkar hmasak a NLUP an sem, Block-14 chauha kum 10 chhunga an sem hman kha in kawkipa sem anga in sawi thinte pawh hi a dik lova. Khatiang kha kan lo hriat tawh hnu a ni a, MNF hunah MIP-ah an han ti leh a, sing 5 an tiam laiin sangbi te tein an sem a, semkim lovin an term an hmang tawp leh a. khatiang hrim hrim a mipui, "kan pe ang che u", in tih a, inpek hman loha term in raltir ziah mai hi thleng tawh lo se ka duh khawp mai bawh a ni.

Tin, tunlai hian Sawhthing hralhna a vang a, market a awmlo tih a ni a Sawhthing market kan tizalen tih hi a tawh lo market-ah up a awm thei, down a awm thei, chumi veng tura sorkarin rate a neih loh chuan kan farmer-te hetiang dinhmunah hian an awm mai dawn a. Internet atangin Sawhthing rate hmun hrang hrang ami ka rawn la khawm a, ni 20 ni ami kha a ni, a wholesale rate hi Guwahati-ah Rs. 18/- a ni, Karnataka Rs. 42/- Kerela ah Rs. 90/- chu chu tuna India rama Sawhthing rate a ni. Helai Vairengte-a Bagha vai hovin duhtawka min rek bung ringawt a, market a awm lo tia mipui hnenah kan sawi thin hi a diklo a ni.

Tin, international rate pawh ka la vek a, New York-ah chuan kg.-ah Rs. 193/- a ni a Chinese ho chin pheih chu Rs. 215/- a ni. Aieng pheih chu Rs. 281/- a ni

kg.-ah. Hetiang hi a nih avangin tuna kan mipuite mangang puhruk nan hian NLUP-ah te pawh sum a awm teuh thova sorkar hian support price Rs. 10/- tal a pe thei lawm ni ? Tichuan, rate-te pawh sorkarin nei sela chumi aia sanga mimalin lei duh an awm chuan lei vek rawh se. Vaiin hetiang duh tawka min negotiate a, an tangruala, kan ching hnem ta maw tih veleh kan rate an tichhe ziah hi dang turin sorkar hian tihtur a nei ve a ni. Hei hi vawiinah hian ka phut bawka a.

Ka Unstarred Question No. 3, Planning & Programme Implementation Department atanga ka zawh hi, chhiarpui neih kum leh mihring awm zat leh khami kum theuh a Lusei, Hmar, Pawi leh Lakher awm zat ka zawt a, chu chu 2001 chhiarpui kum a mi chauh hi min rawn hrilh a. Ka zawh ang hi min pe kim lova, khawngaitakin hei hi min rawn pe kim leh se ka duh. Chhiarpui hrang hranga Lusei, Hmar, Pawi, Lakher zat hi a hmuh theih ka ring a. Hei hian kan Politics dinhmun, kan hnam integration a chhiat leh that a tilang a. Politics avanga Hmar inti, inti leh lo, inti thar leh tam tak kan insiamna te pawh hi a ni a. Pawi-te pawh, Ralte-te pawh a ni vek mai. Chulai chu ka hriat duh a ni a, a kim lova min pek avangin hei hi min lo hriatpui turin ka duh che a ni. Ka lawm e.

**S P E A K E R** : Chhiarpui lampang kha ka hre vak lova, hman kumah kan MLA lai khan Delhi-ah pawh khan kan zuk zawng vak tawh mai a, a hmunpuiah khuan. Hemi chhiarpui an tih dan leh khami thliah thliah kha an lo tidang an lo tidang mai a. Chuvang chuan a kumah khan 1931, 1941, 1951, 1961 tih angah te khan han chhan harsa a awm te pawh a ni mai thei a. Mahse, Member zahawm takin a zawhna hria khan chutiang khatiang chu a nia ti talin chhang se chu a tha khawpin ka ring a, Mizo ti ang tak pheih hi chu 1901-ah pawh khan a awm ka ringlo zawk nghe nghe a, khatiang kha a ni a. Chuvangin a harsatna pawh inhrihfhiah nise a tha khawp zawkin ka hria chhan pah khan.

Tunah hian discussion ang deuh hlek hian kan kal ta chu a ni ber mai a. Budget General Discussion ang khan a demand mal erawh chu kan ti dawn lo ang lek kha a ni a, rin aiin kan inti free angreng a, 10 minutes kan han ti naa 10 minutes aia hniam sawi tak tak hi chu kan awm lo reng reng a. A sawi duh tur khan ban han phar ta ulangin.

**Pu R. LALZIRLIANA, MINISTER** : Pu Speaker, khawngaih takin thil pakhat chauh Pu Duhoma khan hna hralh leh inlei lampang kha a rawn sawi a, Home Department-ah a tam ber a ti a, khawngaih takin min hrilh sela, khatianga hralh leh lei a awm chuan chhuichhuah kan duh khawp mai.

**Pu LADUHOMA** : Mimal hmingte a ni a, kan thenawm hnaivaia mite pawh an ni a, hrilh a duh chuan ka hrilh thei ang a, sorkar zawk hian min hrilh tur ania a nihna takah chuan. Lalchungkua amite an ni lawm ni ? Chuvang chuan kan Minister zahawm tak kha hrilh a duh chuan tunah pawh hian ziakin ka pe nghal ang e.

**S P E A K E R** : Lalchungkua han tih kha chuan ruling party min puhnaah ka ngai mai a opposition lam chuan, chuvang chuan lianpui kha a awm a,

amaherawhchu politic-ah chuan ka u ngei ka nau ngei pawh kha party thuhmun kha chu kan nilo leh thei thova, chuvangin kohhranah te, politic-ah te hi chuan in khata awm pawh hi hmunkhatah kan awm lem lo thei a, mahse han sawi hi chuan a lo hnai kuar ve thei a. Mahse, hetilai House-ah hian tunah khan member zahawm tak Pu Lalduhoma pawh kha a chiang a, tin, Home Minister zahawmtak pawh khan Home lama tam ta chu chian a duh ve a, kha kha House-ah kher a ngaiin ka hre lova. Chinfel kan duh tlanna lai kha a pawimawh ber zawk a, chinfel kan tum ang a. A tuar tuarin an tuar ang a, chu zawk chu kan goal tur a ni. Hetilai House-ah chumi pawh a ni, chu pawh, chu pawh tih kher a tul ka ti lo. Chuvangin inhrilh hriat dan a awm a, action lak zui dan a awm a, dan ang taka kal dan pawh kha a awm tih kha hria ila. Chuti lamah erawh chuan kal ngam turin kan rilru siam erawh chu a tul ang. Chu chu Chair atangin ka sawiduh a ni. Tunah tunge sawi leh dawn.

**Pu LALSAWTA, MINISTER** : Pu Speaker, thusawi tur ni lovin member zahawm tak Pu Duhoma khan SSA chungchanga “lapse” leh “lapse” lohah hian inquiry siam kha a rawn sawi a. Inquiry siam kha a tha ka ti a, thudik hmuhchhuah hi a tha ka ti a. Keipawh hi diklo a ka officer-ten min lo hruai palh emaw anih chuan ka tuar mai ang a. SSA document chungchangah hian hmanni khan chiang takin ka sawi a. Ministry of Human Resource Development document emaw, keimahni SSA document emaw, Chartered Accountants ten min audited statement emaw ni lova, computer-a internet-a duh duh ten an dah ang kha chu vawiinah pawh hian hmanni ami ang kha siam dawn ila dar kar hnih/khat chhungin ka siam thei ang. Chuvangin, document an rin tur hi Ministry of Human Development emaw SSA (Mizoram) document emaw Chartered Accountants in kan account an audit-na a nih loh avangin hei hi fabricated document a niin ka hria ka ti a ni. Chu chu ka’n sawichiang duh a ni, ka lawm e.

**S P E A K E R** : Thusawi turin Dr.R.Lalthangliana a phar a, sawi selangin.

**Dr. R.LALTHANGLIANA** : Pu Speaker, ka lawm e. Kan House-ah hian Vote on Account hian kum engemaw zat kan kal ta a. Kawng lehlamah chuan kum dangah chuan heti tak hian kan sawiho lutuk lova, amaherawhchu vawiinah erawh chuan zalenna tha tak mai i kaihhraina hnuaiyah kan dawng hi a lawmawm ka ti a. A bikin lawm thu helam aiawh pawh hian ka sawi duh hrim hrim a ni.

Thil kan inhniaalna thenkhat awm pahnih chauh hi kan tarlang duh deuh hlek a. Pakhatnaah chuan kan Annual Plan huam chungah hian NLUP hi a awm chiang a ni tih hi he House hianin pawm ve mai ila, a thain ka hria a. A chiang em em mai a, Planning Commission atangin nimirah kan Chief Minister zahawm takin lehkha pawh a awm alawm a ti a, kan nei ve tho a, hei a dik reng. Amaherawhchu, Planning Commission hian chiang deuha a rawn ziak chu, lehkha No. te pawh a awm vek a. Financial Resources Division a tih a, subject-ah Annual Plan 2011-12, Mizoram, Deputy Chairman, Chief Minister meeting to finalize Plan size held on 18<sup>th</sup> March 2011 ah hian Notes on scheme of financing for inclusion in the minutes of The S.P.Division summary record tihah hian fel deuhin helaiah hian a rawn ziak thlap mai a. The Annual Plan meeting for finalization of the Plan size for 2011-2012, (AP) for Mizoram between Deputy Chairman, Planning Commission and the Chief Minister of Mizoram State was held on 18<sup>th</sup> March 2011 a ti a, a minute chiang deuhin a rawn ziak a. Tah hian ‘The aggregate resources of Mizoram at the official level were

identified at Rs. 1250 crore. The statutory body (net) for Mizoram for 2011-12 is 435 Crores which is the same as the borrowing ceiling as per the Ministry of Finance. During the discussions, the Deputy Chairman, Planning Commission agreed to provide Special Plan Assistance/Special Central Assistance (untied) of Rs. 450 crore (grants) a ti a. Tah hian Chiang em ema a ziak chu 'this includes Special Plan Assistance of Rs. 234 crores for NLUP', a ti chat a ni. Chuvang chuan, Scheme of Finance piahah hian Chiang deuhin a rawn ziak a, hetah hian Special Plan Assistant (SPA) kan Finance Minister tharin a rawn sawi kha a dik. Amaherawhchu, kan Plan pumpui vaibelchhe 1700 huamchhung ami a ni tih House hian nghet takin pawm ila a fel mai, hei hian NLUP sawi chhiatna lam a kaw lo. Amaherawhchu, helai kan House-ah hian thil dik tak kan hriat kha a tha a.

Tin, chu mai nilovin hmanni khan ka lek chhuak tawh a, Approved Annual Plan Mizoram 2012 ah hian a phok tirah Chiang deuhin a rawn ziak a, member zahawmtakten kan nei vek a. Chuvang chuan, thil dik tak hi mipuite hnenah hian kan inhriattir a thain ka hria a ni. Kumin hi kawng lehlahmah chuan kum harsa tak kum te pawh a ni a, hlawh la lo pawh an tam em emin kan hria a, zirtirtu tamtakin niminpiah lawkah kawngte an zawh a. An selection grade chungchangte, hlawh lak theih loh chungchangte, tukin zinga kan ngaihthlak tak ang khan Pre-Matric Scholarship takngial pawh kum dang zawng zawng kan pek theih laiin Pu Speaker, March thla tawp dawn pawha pawisa awm lova kan pe thei der lo te, Adhoc Aided School hlankai ho tana pawisa ruahmanna kan siam thei lo te leh Deficit Mission School chungchanga harsatna kan la chingfel thei lo te, khatiang harsatna tamtakin min tlakbuak a.

Kan CSS Hindi zirtirtu 1305 in hlawh October 2011 thla atanga an han la lo te, thil lawmawm lo hi a tam ve lutuk tawh a. Sum hi Annual Plan bik angah pawh hian Pu Speaker, kan hmuh dan hi a beitham ve lutuk deuh a, kumin chhovah khan. Arunachal khan a hma kum atanga han teh khan an increase Annual Plan Size hi 1-na an ni tih kan hre vekin a rinawm a. Manipur 2-na an ni a, Meghalaya 3-na an ni a, hetah Nagaland 4-na an ni a, Sikkim 5-na an ni a, Assam 6-na an ni a, keini Mizoram, N.E State 8-ah 7-na kan han ni te. Tin, NLUP pawisa kan han paih chhuak a nih phei chuan pung awm mang lova kal kan nih hrim hrim avang hian sum hi a harsa a ni tih hi a lang Chiang reng mai a.

Tin, SSA sum angah te pawh, kumin Financial Year-ah N.E State-ah chuan a hmu tlem ber, Assam-in an hmu tam ber a, Meghalaya-in an dawt a, a 7-na kan han ni te, Khang harsatna khan min tlakbuak tam hle mai a. Khangah khan nikum Romei chanchinbu-a June ni 17 a chhuaka kan Finance Minister thar-in a thusawi te pawh hi a thleng dik mek ni te pawhin ka hria a. Hetianga kan kal chhoh chuan tun atanga kum 4-ah Sorkar hi tlakchhiat vek a hlauhawm thute a lo sawi kha a thleng dik ni maiah ka ngai a. Engpawhnise, khalam kha chu ka sawi tum a ni lo a. Kan Annual Plan huam chhung, cheng vaibelchhe 1700 huam chhungah hian cheng vaibelchhe 234 hi a tel a ni tih kha ka'n sawi nawn duh mai a ni.

Pu Duhoma khan inquiry din a tih kha tha ka ti khawp mai a keipawh, thil dik tak hi House hian kan hriat a tha a. Chuvang chuan, fabricated document siam chawp a tih Minister sawi kha a nilo tih ka sawi duh a ni. Chuvang chuan, Pu Speaker, i phalnain Khang document kha Mizoram SSA Mission Annual Report 2010-2011 leh Audited Statement Accounts, 2010-2011 Sorkarin a tihchhuah ngei leh Govt. of India, Ministry of Human Resource Development, Department of School Education and

Literacy PAB (Project Approval Board) meeting minute 161-na figures atanga lak a ni. Helaiah hian Chartered Accountant Auditted Statement engkim a awm vek tih pawh hi ka sawi duh a ni. Chuvang chuan, fabricated tih nimina Minister-in a sem kha Press miten an hriatthiam theihna tur atan helai figure-te lak chauh an ni. Chuvang chuan, Pu Speaker, i phalnain document hi access kan nei ve tih hria sela ka duh. Kan Minister hian State Project Director (SSA) in a approved Chartered Accountant-in a sign ngei a nih hi. Ka rawn sawi hi (... interruption... ) ...Kan House Leader pawh hi a copy ka pe dawn. Khawngaih takin min lo dawn sak se ka duh. (interruption... ) ...He House-ah hian thutak kan sawi duh, chuvangin, khatiang mai maia tih tur a ni lo. A original pawh ka nei, he figure, Government of India figure, (PAB Minutes) Achievement Column en hian lapse dik tak a ni. Chuvangin, Pu Speaker, hetiang mai maiin kan inti tur a ni lo. A pawnga takin sorkar hi sawichhiat ka tum lo. Amaherawhchu, zirlai naupang 1,85,000 chuang 2010-2011 kuma kawr ruaka an awm kha kan ngai ngam lo. Chuvang chuan, sorkar a kal thatna turin MLA hlawh lak ringawt hi a ni lo, kan MLA chhan sorkarin a tih tur a tih theihna tur atan vawiinah hian keini pawh kan intawng harh vena a nih beiseiin ka sawi a ni, ram tana thahnemngaihna liau liau a sawi ka ni(... interruption... ) Pu Speaker, an sawi lain ka tibuai lo. He thil hi chu ka chiang bal. Chuvangin, Inquiry kha lak ngei ni se tha ka ti .....(.... interruption... ) Ka ngam sak, ka ngam, ka ngam. Pu Duhoma thusawi ka thlawp e ka tih tawh chuan awih ve mai rawh u. ....(.... interruption... ) Tin, chu mai a ni lova, Pu Speaker, 2012-2013 Appraisal Report of Annual Work-Plan leh Budget pheik 62-na te hi en ve rawh se. ....(.... interruption... ) Chuvang chuan, buai duh suh se. Engkim hi hre lovin kan sawi lo.....(.... interruption... )Sorkar a kal that theihna tura sawi kan ni tih hi ka sawi duh.

Saving chungchang pawh hi, Pu Speaker, sawifiah hlek a ngai. Audited Saving Account-a saving nichina kan member zahawm tak takten an rawn sawiah khan sum a tak taka Financial Year tawp Mizoram SSA-a awm zat tihna mai a ni. Heta a tak taka awm zat hi kum thar sanctioned item-ah chauh a hman theih. Chumi awmzia chu kum 2011-2012, vawiina kan financial year tawp mai turah hian Mizoram SSA-in nuai singhnih zet a nei a, sanction a awm. Khalaiiah khan a hmaa mi kha a nung e tihna a ni lo. Opening balance awmzia pawh hi kan hre lo niin ka hre tlat, Pu Speaker. Heta saving tia lo lang hi kumina nuai singhnih sanction-ah a tel nghal a. Chumi awmzia chu ....(.... interruption... ) nuai singhnih sanction hi en ta ula, Uniform Grant nuai 743.16 hi a lang tawh lova . Kumin a sanction nuai 549.624 hi chu kumin bik atana fresh approval a ni, chu chu kan ngaihrawlh loh a tha. Tunah hian uniform atan tangka hman a ni lo ka ti lo. Ka sawi chu kum 2010-2011 tangka, uniform lei nana hman tak loh nuai 743, kha a ni ka sawi. Chuvangin, Unspent Balance te, saving kan tih te hi kum thar sanction cheng nuai singnih chuang zet advance release-a SSA sumah telin kum 2011-2012 sanctioned item atan Govt. of India-in a rawn ring nghal mai a ni. Chuvangin, Uniform Grant atana cheng nuai 743.16 te leh kumina uniform leina tur atana Financial Year tawp tepin Naupang uniform an hak vek tawh hnuah a tangka/pawisain zirlai naupang pakhat tana Rs 400 chumi tlingkhawm nuai 589.624. Hei hi thil awmdan dik tak chu a ni. 2010-2011 ah hian uniform lei nan sum kan hmang lo, hei hi ka sawi nawn leh a ni. Kuminah erawh chuan nuai 589.624 hi tunah hian hetia kan sawi kan sawi avangte pawh hian a niang kan hmang ta chuk chuk a ni tih ka'n sawi duh a ni.

Tin, SSA sum closing balance-a lang thil dangah kan hmang tih pawh hi kan official-te pawh an fimkhur a ngai ka ti khawp mai, hemi chungchangah hian. Hei hi hemi bu tharah hian sanction item atan chauh an hmang tih Appraisal 2012-2013 chiang takin a lang tih hi ka hriattir duh. SSA danah chuan ..... lo chuan ..... hman theih a ni lo hrim hrim tih hi ka sawi duh a. Closing balance a cheng nuai 2230 zet atang hian hmuh zui split over or revalidate leh a bak zawng hi ..... a ni tih hi he House-ah hian ka sawi duh a ni.

Chuvang chuan PAB minute atanga split over a lo lang leh a hma a Audited Statement of account khaikhin a item wise intervention hrang hranga lapse zat hi chiang deuhin he lehkhabuah hian a lang tih hi ka sawi duh a ni. Pu Speaker, heti mai mai chuan helaiah hian rindan thil sawi chi a nilo. Kan thusawi lai min tibuaiin engemaw ti a rak ve mai mai chi a nilo, chuvang chuan a dik tak kan sawi a chuvang chuan vawiinah hian ..... inquiry din tumna a awm hi ka support thlap ..... hetiang mai mai hian kan inti tur a nilo tih hi ka sawi duh a ni. Chuvang chuan Pu Speaker, he kan House rorelna hi zahawm takin tunhnuah chuan kalpui tha ka ti. Mi thusawi an sawi laklawh laia lo tibuai ngawt te hi a mawi lo, chuvang chuan Pu Speaker, thil a nih dan tur dik tak Zoram mipuiin kan hriat hi ka duh. MLA kan nih hian hlawh la tur ringawt kan nilo, chuvang chuan thil dik tak kan chhui chhuak tur a ni. Enquiry kan din tur a ni. Pu Duhoma ..... ang khan engtikawng zawng pawhin kha kha ka huam ..... Pu Speaker ka sawi duh a ni. Chuvang chuan rin thil thu a sawi chi a nilo he thil hi. A tul anih chuan mithiam zawkte pawhin en rawh se. Mithiam zawk financial expert-ten en rawh se.

Tin, lapse tih tawngkam hrim hrim hi ka sawi duh, a hranpain lapse tih hi khawi khawiah emaw a awm vek lo. Unspent tih te, saving neih tih te hi sorkar danah phal a nilo, kha lam kha inngahna tur a nilo. Chuvang chuan financial expert-ten he thil hi uluk lehzualin en sela ka duh khawp mai. Chuvang chuan he thilah hi chuan Pu Speaker, engemawtia kut, ban tam lampang zawnga thil tih ringawt tur chi a nilo. Englaipawhin he thil sawiho tur hian kan inhuam a ni tih Pu Speaker, min lo hriatsak ka duh khawp mai.

**S P E A K E R** : Awle, khati laih khan nimin piah lamah te pawh khan kan ri deuh laih laih a, chuvangin kei khan khatia in rawn phut avang maia keia Chair atanga i ti ang aw tih mai theih a nilo tih kha chu ka sawi tawhin ka hria a. Chuvangin thu tling a ni a, in sawi dan ang khan Hon'ble Member-te hial pawh banna thlen thei tur khawp ang thu lian keng tur a ni a, Member-te incho danah khan. Chuvangin he House member 40 awmna kha 39 a tlak thlak theihna khawp thu a ni tlat a, a tenau lo a ni inquiry din kha. Inquiry report kha a nghahhlelh awm vak lo maithei a, a nghahhlehawm maithei a, chuvangchuan keiin Chair atanga, "I ti ang u, ka din nghal e, chung te, chungte" rawn tih ngawt chi a nilo. A nghawng kha a tenau lo a ni. Chuvangchuan, hei hi a pawimawh a, kan member ten in ngai tak tak a nih chuan, motion-in tuten emaw in rawn tilut ang a, chu motion chu House-in kan pawm ang a, House-in kan pawm hnuah tute nge member tur proposal a awm ang a, chu chu Speaker-in ka lo pawm ang a. Ka lo pawm te kha member an ni ang a, Chairman chu keiman ka ruat ang a, a member in ruat ang a, a Chairman tur chu keiman ka ruat ang a, thu an peih hun tur awm pawh keimahin ka fix sak a ngai dawn. Chu chu a ni, thu tling a ni. 'Bang rawh, bang rawh' kan in tih a heti laia kan inkawhna ang mai mai a nilo. Inquiry kan din chuan a thu a tenau lo a ni. Kha vang khan, niminpiayah pawh ka sawi tawh a, hei chu motion-a lo kal chi a ni e, ka tih tawh kha. Chu chu khatilai thuah kha chuan duhtawk ila, kha ti khawp a member ten thu chiang kan mamawh e, Inquiry Commission hi din ngei a ngai e, in tih chuan motion-in in rawn ti ang a, chu chu House-ah kan la ngaihtuah ang a, Session pawhfah deuh te pawh a tha alawm mawle.

**Pu LAL THANHAWLA, CHIEF MINISTER** : Pu Speaker, khawngaih takin. An hun hmasa lamah khan opposition bench atangin Greater Lunglei Water Supply chungchangah vaibelchhe tel eiru angin min puh a, he House-ah ngei hian, he ka thutna ngeiah hian ka thu a, kan Speaker hnenah, 'Pu Speaker, khawngaihtakin, Parliamentary Inquiry min din sak la, chhui sela, a member-ah pawh opposition mi lam hlir ni sela, pawisa

sen pakhat pawh ka lo eirukna an hmuh chuan, House atang pawh niloin politics atang pawhin ka bang nghal ang,' ka lo ti tawh a. Speaker zahawm tak chu Pu Vaivenga a ni a, ani khan min din sak a. Hun pawh kan duh tam hle a, motor engkim tul kha a pe a, findings an thehluh hun tur pawh kha vawi hnih vawi thum a pawhsei sak tain ka hria a, chutiang chu a ni a. A motion kher lo pawn a tih theih mai lawm ni? Tin, a hma deuhah khan member zahawmtak Pu Lalduhoma hian a sawi tawh a, sawlai common room-ah sawn, chutah pawh chuan, ' Inquiry te chu sawrkar pawhin kan din ang a ni mai alawm' ka lo ti titih tawh a, kan hotu dang dang te awmlai pawhin. A chhan chu Mizo mipuiten thudik an hre tur a ni a, chutiang chuan motion move kher lo khan sawrkar min ring tawk ang nge ni ang a , helaiah naktuk naktipah kan rawn move mai ang, tih zawk kha a shortcut a awm mai lawm ni tih kha ania ka sawi tum ni a, kan din chhan tak a chu. Tunah khan Minister-in Inquiry kha tha a ti a, member zahawmtak a rawn sawi chhuaktu khan tha a ti bawk a, chuti a nih si chuan House pawhin kan remti tlang a, ruling party pawhin, treasury bench pawhin tha kan ti a, a decide thei nghal mai lawm ni, tichuan motion dang dang ngai lovin naktuk naktipah tha i tih ang angin Parliamentary Inquiry Commission pawh chu i rawn ruat mai ang a, anih loh chuan sawrkar hian Commissions of Inquiry Act hnuaiiah Inquiry Commissioner kan nei a, chumite pawh chu a tih tir theih a, ka'n din chhan zawka chu, short cut a awm lawm ni, ka ti mai ania.

**S P E A K E R** : Awle, House Leader-in tunhmaa a tih dan te a sawi a, tunhmaa an tih laiin kan thu ve lova, engmah kan hre ve lova, kan Dan hlui hi kan zawng a, phok khawiah mah ka hmu lova, kan Secretary-te ka'n zawt a, ka'n Secretary-te ngaihkan a inang lova, a thenin tih mai theih angin an ngai a, a thenin motion ngei kaltlang turin an ngai a, churangchuan, Speaker tan thu pawhchah a har khawp a, a chhan chu, hetilai House-ah chuan, 'Bang rawh, bang rawh,' te pawh kan inti thei a, kan inkawk sawk sawk thei a, mipui tan rawngbawl kan ni a, amaherawhchu politic-a kan carrier thui tak tichhe thei thil nghawng theiah kha chuan fimkhur deuh hi thain Chair atang hian ka lo hre ve mai mai a. Chuti lai issue kha chu a ni a. Thinso phutah kha chuan han inkeuh thui duh mai kan ni a, mahse a hnu lawkah kha chuan kan nui ho leh hawk hawk thin a, kha kha a nih vang mai kha a ni a. Mahse tuna proceeding kal laiah hi chuan kan ti chuang lovang, hemi hi kan zo ang a, kan financial discussion hi kan zo ang a, chumi hnuah chuan kan ban hmam House-a awm ho member-te kha ka zawt ang che u. In duh leh duhloh kha ka zawt dawn che u a ni, ka zawt ang che u. Mahse tunah chuan kan discussion hi a pawimawh em mai a, thildang a karah a inzep thei lo. Tichuan, sawi tur kha kan awm tawh loin ka hria a, hemi kan sawihona pawisa discussion chungchang hi chuan.

**Pu LALSAWTA, MINISTER** : Pu Speaker, hemi budget chungchang hi a ni a, sawi awm tak leh sawina tur ni ber pawh a ni a, mahse hetia information kan han dawn atang hian a lo thlirtute leh keimahni ho thu ngei te pawn kal dan diklo puak haw palh theih a nih avang hian tlema sawi ve hi ka duh deuh hlek a. Churang chuan han sawi ve lawk ka'n dil duh che a ni.

Pakhatnaah chuan kan budget hi kan hotute duh danah chuan full budget nise, Plan te pawh hi finalized vek tawh nise "Vote on Accounts" nilo se tih hi an duh em em a. Mahse kha kha kan tlin lova, Central lam te pawhin an rawn tlin lo ve tho a ni a. Chutichung chuan an rawn titha hle a, mahse keimahni bikah pawh nichina an rawn sawi zawk ang chi CSS hnuaiiah Hindi teacher 1305 zet awmna, chutah chuan New Delhi-a February 22 meeting kan neihah pawh, a hnuah pawh, heng hi chu min rawn pek a ngai ang, hlawh an la lo rei tawh a, kan ti a. Anni pawhin, "Tunah hian crore 3 vel, nuai 300 chuang kan rawn pe ang che

u a, a hnu erawh hi chu financial year chhungin kanrawn pe ang che u a, draw turin lo inbuatsaih vek ula, a “lapse” vaih chuan kan re-validate thei dawn lova, pawisa kan neih loh avangin,” an tih avangin vawiin thleng hian sanction kan la hmu lova. Nimin piah ni 21 ah pawh khan helai hi kan sawi lang tawh kha a nia, chuvangin kan officer-te pawh zuk umzui turin kan intir mek a, tin, lapse chungchang hi kan thil hriat a thuk ve lova, finance mi pawh kan ni lova, “lapse” chungchang hi kan hriat ve thin dan leh sorkar hna kan lo thawh ve thin laia “lapse” nia kan hriat dan chuan a financial year chhungin kan “for a particular work” emaw “for a particular purchase” emaw, mi rawihna tur pawh a niang, khatiang kha an hman hman loh khan a liam ta thin a, a “lapse” ta thin a. Chutianga a lapse chuan Motor leina a ni emaw, inhma leina a ni emaw khatiang pawh kha nise, a petu khan a pawisa kha a nei leh anih loh chuan a bo hmiah thei a ni. A bo hmiah theih a, mahse a petu khan a pawisa bera kha a la neih chuan a “re-validate”, a tinung leh thei ta a. A tihnung leh theih chuan khami hun chhungin kan motor lo lei thei ta lo se, an re-validate leh khan “lapse” tawh mahse motor chu a kumtharah khan an lei ve leh mai a mahse “lapse” chu a “lapse” a ni tih hi common understanding-a kan hriat dan chu a ni. Amaherawhchu, ka sawi tawh ang khan CSS fund te ang kha chu, “In tih “lapse” vaih chuan pek leh tur che u kan nei lova, kan revalidate lovang a,” an ti a, chu chu “lapse” lehzu a ni ang a, nikumah pawh khan a “lapse” teuh mai kan ti a, political party thenkhat amite chuan nasa takin sorkar minrawn bei chhova, chutih karah chuan “revalidate” theih tam tak a awm avangin kan “lapse” tam hle awm a kan hriat kha chuti tehchiam chuan alo “lapse” lem lova.

Mahse vawiina ka sawi duh ber chu “lapse” chungchangin hian SSA vocabulary-ah hian “lapse” hi a awm lo, kan hmang ngai lova, chuvangin Bengali pa emaw Maruari pa emaw, Madras pa emaw, Mizo pa emaw Pawi pa emaw, a tu a te pawh hian “lapse” tih hi hmang thin mahse SSA tawngkamah hian “lapse” tih hi kan hmang ngai lo, a buah hian, a format-ah ngat phei chuan kan dah ngai lo reng reng. Chuvang chuan “lapse” chungchangin kan thu inchuhah hian, lapse kan tih hi kei ni chuan “lapse” kan ti lova, “revalidate” pawh a ngai hek lova, Opening Balance-ah hian arawn awm lehngal a ni kan ti a ni.

Amaherawhchu, chutah chuan 2010-11 chhungin atan uniform lei tur kha kan lei lova, hei hi thu dik a ni, a mawhphurtu chu keimah hi ka ni. Minister ka ni a, January atanga naupang sikul kal tawh uniform lei vek tawh, April ni 2-ah a pawisa hi kan account-ah a lo lut chauh va, a sanction order hi vawiin thleng hian alo la thleng lo nghe nghe a. Mahse chu chu SSA kal hmang a ni a, uluk takin kan ngaihtuah a, “Miin uniform an lei vek tawh a, tunah hian uniform lei thuah a tulna a awm love, chuvangin hei hi nakuma kan pawisa leh tur tho a ni a, chuvangin tunkumah chuan April hnu a uniform in leisak hi chhungkaw rethei ber pawhin uniform hi an lei tur ang ang an lei tawh” tiin decision ka siam a, a hminga hotuten min rin der avanga sawrkara ka awm a, decision siam thei ka nihna hi chu Minister ka nih na vang a ni.

Minister nih hian decision siamna a ken ve avangin sorkar-in prerogative kan neih chu, thutlukna siam thei kan nihna hi a ni. Chuvangin khami kum atan khan kan lei lo, chu chu thu dik a ni, mahse a “lapse” kan ti lo, a “lapse” tih hi a awm lova, chuvang chuan kuminah hi chuan kan lei dawn a, nikum Krismas hma fe atang khan kan buaipui tawh a, mahse PAB meeting (Project Approval Board) an ti a, chutianga chuan min tihtlai avang te, matching share chungchang a tlai avangten kan tum angin kan ti hma thei lova, he Session-a sawi avanga kumina uniform lei tum tih hi a teuh lo, Session hi ni 20, kar hmasa lawk khan kan tan, khami hma daih khan lei tur chungchang hi kan buaipui tawh, kha kha Pu Speaker Chiang takin helai hi chu ka hrilh duh a ni.

**S P E A K E R** : A chiang e, a tawk e.

**Dr. R. LALTHANGLIANA** : Pu Speaker, PAB-in minute approve fel taka neih tawh hi chuan kan duh tawk mai thin, a timing te pawh kha chhut sela zirlai naupangin engtikah nge uniform an mamawh tih te kha. Naupang unifom kha a hunah pek mai tur a ni. Chutah chuan a huna tangka hman tur Fundamental Right to Children, Right to Education ni bawh kan palzut hi chu Pu Speaker, a tha lo. Chuvangin member zahawm tak Pu Lalduhoma sawi kha a zahawmin ka hria a, engtin nge sanction-ah khan heta mi tur hi tih kha a rawn awm lo vem ni tih kha....

**Pu LALSAWTA MINISTER** : Pu Speaker, a awm ngai lo a, pawisa hi April ni 2 khan nuai 1662 an rawn dah tawpa sanctioning order a awm lova, keini chuan nuai 1662 khan decision kan siam tak avang khan, “A tul hmasa hi i pe ang aw” kan ti phawt a. Chutiang chuan SSA kalphung pangngaiin kan kalpui mai a ni, chu chu a nih dan a ni. Lehlamah khan nuai 743 kha Uniform bik atan tih a ni chuang lo. (Dr.R.Lalthangliana-helaiah hian chiang takin a inziak a. Govt. of India figure hi engatinge an honour loh le ka ti a, mak ka ti, schedule tribe base, BPL nen, a zat zawng zawng nen a pe vek a, physical leh financial target-ah hian a nil thak a, Ministry document hi i zah ang u) Pu Nirupam Chakma sawi kha a dikin ka hria, PAB lehkhabuah khan a awm a ni a ti a, a awm a nih chuan House-ah rawn surrender sela, chutah chuan kha document kha a lo awm tak tak em tih kha kan en ang chu mawle, khawngaih takin kan member khan a document kha Speaker hnenah a hand-over thei em? Hand-over se chutiang thil a lo awm a nih chuan ka bang mai ang, naktukah pawh ka bang mai ang.

**S P E A K E R** : Awm pawh nise awm lo pawh nise i hmuh miao loh chuan enge i ban ngawt ang. Tunah kan sawihona kan duh tawk tawh ang a. Pu Lal Thanhawla ilo sawm leh phawt ang.

**Pu LAL THANHAWLA, CHIEF MINISTER** : Pu Speaker, Inquiry kha i din dawn tih a chiangin ka hria a, an pahnih kha chuan an dik zawk hmel ve ve silova, tun atang chuan 39 chauh kan ni tawh awm si a ka khua a har lawk deuh ruih mai a.

Pu Speaker, Nationalism hi rilru leh thinlung lam a lo ni zawk a, hei Finance Minister pawh nationalism hi a tih ka la hre lova, hei leh chen kan awm ho tawh a, mahse a budget bu rawn sem kha chu a nationalist hlein ka hria a, a hnenah hian lawmthu ka sawi duh hmasa phawt a ni. Chuvangin, nationalism hi kawthlerah leh hmui velah a lo awm lova, thinlung lam a ni zawk tih hi a chiangin ka hria. Kan sakhwana hi tute nge kengkawhtu tih hi a buai theih deuh tho mai a minaran tan chuan, MNF unaute an ni ta ber emaw ka ti ta deuhva, Lal Thanhawla te nupa bati chhit te an lawm hlein ka hre mai a. Kan rinnate hi a custodian emaw in ti ni awm tak hian an sawi an sawi mai a. Kan sakhuanate leh kan rinna biktuk tur hian tu hi nge maw custodian ni le tih te pawh hi keini ang mimawl hi chu kan buai ti tih deuh mai a nih hi mawle! Chutiang khawp chuan politics hi kan tibuai hlawm ni hian a lang a, a pawh hlein ka hria a. Ram khua leh tui, a bik taka he ram mipui te, India ram mipuite, India ram a lo ropui a,

mipuite inpumkhatna atana India hruaitute hmaa ziaka intuklut ngat tawhte tan phehi hi chuan hetiang ang kawnga sawi sawi hi a dik lo chauh pawh ni lovin a thiang lo a ni.

India ram chu secular state kan ni a, tute pawh hian secular credentials, a hminga hotu intite phehi chuan kan nei tur a ni a, chung velah pawh chuan a ni ang MNF president pawh kha Sikh Gurudwara-ah te pawh khan a lut a, an puithiamten an cheibawl ang angin an chei bawl a, a dawh mai a, khatiang mite kha secular credentials neitute an ni a. Tin, regional leader ni lova national leader nih ngat phehi chuan, keipawh hi engmah ni lo mah ila India National Congress hi chuan an national leader-te zingah min pawm ve a, India National Congress-a a forum sang ber leh lal ber leh thunei berah te term li term nga min lo dah ve tawh a, chutiang chuan engmah ni lo mah ila min lo dah ve tawh a ni. Chuvangin, India khua leh tui ni reng si ni lo anga insawi ve mai mai thei tur chi pawh ka ni lova, India khua leh tui ka ni a, chu chu Pathianin min dahna pawh a ni, lawm takin ka pawm a, chuvangin India dan hnuaiia kan awm avangin India ram secular credentials hnuaiiah kan awm ve a ni tih hi kan hriat a tul khawp mai.

Tin, kan kohhran hruaituten mi an khak loh chhung hi chuan chutiang pawh ni mang lovin an lo sawi an lo sawi phak pawh niin ka hre lova. Chuvangin, helam kawngah hian mi rilru zim nih tur a ni lova, ringtute phehi chu mi rilru zau kan ni tur a ni tih hi ka sawi duh a ni. Hetiang mai mai hian Mizo mipuite rilru tihchiai loh a tha ka ti a ni.

Tin, hei ram thang tur kan ni a, than kan tum a. Khawvel zawng zawnga kal a Chanchin Tha hrilh tum kan ni a, chumi ang zawng pawh chuan kan kohhran-te leh mi thahnemngaiten hma an la a, Pathianin kan mission field pawh a zauh zel a. Bhutan, Nepal, Thailand, khilam Laoa Cambodia thlengin leh China, chanchin tha min petu England-ah te pawh kan thawk mek a ni. Heng ti tur hian ram intodelh, kan nih a pawimawh a, vawiinah hian kan intodelh loh avangin kan harsa a, buhfai hawp khawp kan nei lova, kan thawk chhuak lova, kum khata thla hnih ei pawh kan thar chhuak lo ka tih tawh kha hman zana. Chutiang chu kan nih lain hawp khawp zanriah thlak tur kan neih loh chuan puh tur kan zawng a, keimahni inmah tum pakhatmah kan awm lova, hengte hi ringtu, kohhran mite tih dan tur anih ka ring lova. Ringtu kan nih chuan intodelh tumin kan kal tur a ni. Chuvangin keini pawh kan hotute'n kan sorkarin kan mipui lo nei mite, kut hnathawk mite an intodelh theihna turin NLUP-in chak takin hma an la tih Zoram mipuiin kan hria a ni.

Tin, kawng hrang hrangin hma kan sawn a tul a, kan sawi tawh a, Highway project lamah te, Power lamah te, Information & Communication Technology lamah te, kawng lamah te, tui tlan tur lamah te hma nasa takin kan sawn a ngai a. Zoram Industrial Revolution hial te pawh thlen thei ila kan duh a, Eco-Tourism atangte pawhin revenue tam tak te la ila kan duh a, chutiang chuan kan hotuten ngaihtuahna an seng zel a, kan neih a tul a. Chuvangin Central Sorkar, UPA sorkar pawhin Foreign Direct Investment-te pawh kalpui a duh a ni. Vawiinah hian India ramah hian tun ang Economic dinhmun kan han thlenna chhan te pawh hi Pu Rajiv Gandhi'an Liberalisation Policy a ngaihtuah chhuak a, chu chu kalpui a tum a. A tihpuitlin hmian a boral a. Manmohan Singh-a te, Narasimha Rao-a ten an rawn tipuitling a, Liberalisation Policy atangin. Chungte atang chuan tunah hian India ramin kawng engkimah Industrial Revolution neiin foreign car kan tih, India rama awm ngai lo te, Mizoram thleng thleng pawhin a rawn tlan ve tawh a. Chutiang chuan nasa takin hma an sawn a. Heng zawng zawng hi Foreign Direct Investment, Liberalisation Policy atanga lo chhuak a ni a. Maruti Suzuki kan tih te hi Japanese Company, chutiang zelin Mercedes leh thil dang dangah pawh chutiang chu a ni. Mizoramah pawh than ve kan duh a, Pu Speaker. Chuvangin Industry ti thei apiangte hi kan welcome a. Sorkar hmasa atangin Industrial

Policy-te pawh lo duan chhuah tawh a ni a. Chung chuan incentives-te pawh tam tak a pe a ni. Chutiang hnuaih chuan Industry te pawh hi kan sorkarin a lo ruahman chho ve a ni.

Hongkong te, Singapore te kan en chuan vawiinah hian khawvela a Hausa berte zing ami an ni a. Hongkong te pawh khi Kumpinuin kum 100 tam tak an lo luah tawh a. Tichuan tunah khian Hongkong a nihna a siamtu chu Foreign Investment-te atang khan a ni. Chutiang chuan tunah khian khawvelah hmun nuam leh hmun changkang leh hmun intodelh an lo ni chho va. Chutiang chu keini ram pawh hi nih ve kan duh a ni. Industry te pawh hi tumah Mizovin din tum kan awm si loh avangin a dintheitute hi din tir an ni.

Tin, keini pawhin hmun hrang hrangah House-te kan nei a. Hei hi ram kha permanent a va pekna a ni miah lova. Mipui tichiai a bum tum a tha lova. Heng hi duh hun hunah Sorkarin tha lo a tih hunah chuan cancel theih te leh tihtawp dan te, MoU ah a awm a ni. Tin, Revenue kan duh a, Employment kan duh a. Vawiinah hian Mizoramah Educated Unemployed problem nasa takin kan nei a ni. Chutiang chu kan nih lain vawiinah hian employment generate thei tur Industry tam tak kan duh a. Mizovin kan han tih ve te hi .....chuan vanduaithlak takin a hlawhtling hlei thei lova. Engkim maih hian vai kan tih te, Partner emaw tel ve emaw a ngai tlat a ni, tun thleng hian. Chutiang chu kan nih hi pawm vek mai ila, tu te emaw infuihpawrha inbeih nan hmang lo ila. A dik tak hi pawm ngam ila. Kohhran mi kan ni a, Ringtu kan ni a, Chutiang chuan kan dinhmun hi kan pawm ngam mai tur a ni a. Tin, intodelh kan duh; ei leh barah, sum leh paiah. Chutianga kan kalna turah chuan Industry a ngai a. Industrialisation lovin a tih tak tak theih loh. Amaherawhchu a kal chhohna zelah fimkhur a ngai tih erawh chu kan hriat a tul a. Tin, Investment rawn ti, mi hrang hrang kan la nei zel dawn, Winery-ah te pawh kan la nei chho zel dawn. Khamiah khan condition erawh chu tualchungh miten an siam thiam ve a ngai a. Employment chungchangah leh thildang dang chungchangah pawh kan ngaihkan hi kan tihzau a, hnam ropui, hnam intodelh, sum leh paiah, ei leh barah kan nih a ngai. Chuvangin hei hi kan ti lo thei lo, hei aia tam zawk hi tih kan la tum nghe nghe a ni. Tunah hian direct-a negotiation nei mek kan ni a. Oil Palm te pawh hi a tha duh hle a. Hei hi kan economy tithangduangtu tur a ni tih kan hria a. TATA Company-te pawhin heng vel atan hian Industry an rawn ti dawn, an rawn ti mek, chutiang chu a la kal chho zel dawn a ni. Chutianga kan kal loh chuan kan thang dawn lova. Ram kilkhawra ram hnufual kan ni reng ang tih kan hlau a ni. Chutiang chuan kawng hrang hrangin hengah hian kan sorkara kan hotute hian sorkar hnathawk mifel tak takte nen intiamrualin leh kan sorkar hnathawk te, mithiam te leh mifingte leh mi thil zir zaute thluak vai virin hetiang hian kan hotuten hma an la chho a ni tih hi kan hriat tlan a tha a. Chuvangin Industries hi TATA te nen TATA dang dang te pawh a lo la ding zel dawn. Amaherawhchu, Zofate tana hamthatna tur ber nei thei tura kan siam a tul avangin chutiang zawngah chuan kan hotute hian fimkhur nachang an hria a ni tih hi ka'n sawi duh a. Chuvangin, hmasawn tura thang tura kan kal lai leh khawvel zawng zawnga Chanchin Tha thehdarh tura buatsaih kan nih lai hian sum leh paite pawh kan mamawh tam zawk zel a. Chu chu kan neih theihna turin investment a tam thei ang ber kan lakluh a tul a.

Vawiinah hian comparative statement ka rawn nei mai lova, paw ka ti a, ka theihngihl palh a ni awm e. Assam te leh kan thenawm kan tlangrampuite pawhin investment an neih that zia te pawh hi kan ngaihtuah a ngai a. Chuvangin, helai Mizoramah hian rilru zau tak kan put a tul a, chimral te hi kan hlau tur a ni a. Amaherawhchu, vawiina kan kalphungah hi chuan Mizo leh Mizote hi kan inchimral ang tih hi a hlauhawm zawk khawp mai kan awmdan hlek hlekah hian. Chuvangin, chimral kan nih lohna turin Chanchin Tha hril tura min kotuin min kohna hi dik tak leh thahnemngai taka kan chhan chhung chuan tu te mah min chim ral tir dawn lova, Mizote min hman theihna tur atan keimahn pawh sum

leh paiah kan intodelh a tul a ni. Chutiang zawk chu kan ngaihdan tur niin ka hria. Chuvangin, Industry tam zawk kan neihna tur atana investment tam zawk kan lakluh tur mekah hian insawi thaih lova, a thuanawp zawng leh a hnungtawlh zawnga kal lo turin he hnam hi ka duh a. Chutiang zawngah chuan Mizo mipuite pawh tihchiaia awm lo turin ka duh a ni.

Tin, Tourism Industry-te pawh hi a potential a tha lutuk ringawt mai a ni. Hengte pawh hi ngaihtuah chhoh mek zel a ni a. Tunah hian kan Tourist Lodge thenkhatte pawh hi PPP Mode-te pawhin kalpui kan tum mek chho a ni. Chutiang chuan zau zawka kan than theihna tur leh heng lampang sum tak zawk kan lakluh theihna turin kan sorkarin hma a la a ni tih te pawh ka'n sawi tel zawk duh a ni.

Tin, Lottery scam tih tawngkam hi uar lutuk loh a thain ka hria a. Lottery awm miah loah hian scam a awm thei lo a ni tih hi kan hriat a ngai. Lottery awm sela, sum tam tak lalul ilangin, scam a awm thei a. Vawiinah hian Mizoramah hian Lottery kan neih miah loh avangin Lottery scam a awm thei lo a ni, tih hi hruaitu intite pawhin hria se tih hi ka duh a. Mipui rilru tihchiai a, engemawtia hamthatna hmuh hi a tlo lo, ringtute tih tur pawh a ni lo tih kan hriat a tha. Tichuan, Lottery hi neih kan duh a, tender te pawh hi kan han thlak thin. Amaherawhchu, an intihbuai zel avangin Court-a a awm chhung chuan a kal theih loh a ni.

Tin, hun hmasaa inrinhlelhna ang kha keini chuan kan siam dawn lo tih hi Zoram mipuite he House zahawm tak kaltlang hian ka hriattir duh a. Lottery Committee tha tak kan nei a. Chief Secretary Chairman a ni a. Tin, Finance Department a kan mi rinawm tak takte leh mi pawimawh dangte an ni. Minister te, MLA te pakhatmah kan tel lova, thu kan va neihna phak tur pawh a ni lo. Amaherawhchu, hun hmasa khan online lottery-te an ti a, online lottery te kha kan han sawisel thin pawh a, an kal chho zel a, a dik ang. Khang atang khan vawiin a ka'n ngaihtuah hian an va han hausa dawn em tih hi ka hre thar ve chauh a ni. Kum 10 chhung khatianga online lottery an han kalpui kha an va han hausa dawn em ! Vawiina thil awmdan dik tak ka'n hmuh ve atang hian an lo hausakpui dawn hle mai a. Khatiang kha he sorkarah hian kan ti ve ang tih hi ka hlauh em em avangin, Chief Secretary hovin Lottery Committee kan din zawk a. Chuvangin, Lottery awm lo na na na hian scam a awm thei lo tih hi Zoram mipuite ka hriattir duh a ni. Hetah hian kan chian a tha. Chu chu helaiah Budget sawinaah hian ka'n sawi tel duh zawk a ni.

Nichinah khan Khawbung bialtu zahawm tak khan khilai kawng that loh chungchangte a sawi a, kan hria a, sorkarin hma a la chho mek a. Tin, Khawbung Branch YMA te chungah khan lawmthu ka sawi duh a. MLA bialtu zahawm tak kaltlang pawh hian lawmthu ka sawi duh a ni. Mizo rilru dik tak puin, Kohhran mi dik tak nihnain an kawng chhia anmahni pawhin an hman mek lai kha tute mah elsenna ni lovin, hnatlangin an thawk a, a Mizo hle mai, a lawmawm ka ti a. An hnenah lawmthu ka sawi a ni. Hmun dangah hian khatiang kha a awm thin a. Amaherawhchu, sorkar elsen nan te, sorkar dem nan te, mahnia thahnemngaihna avang leh kalkawng tha leh siamthat duhna avang ni lem lovin tiang khan an ti thin a pawi ka ti a. Khawbung bial YMA erawh kha chuan anmahni kawng hman ngei an ta a ni tih an hria a, a chhiat a thatah a mawh pawh an phur a, chuvangin, sorkar deusawhna leh hmuhsitna ni lovin, anmahni leh anmahni inpui an ni a, mahni leh mahni inpuih hi Pathianin a tanpui duh zawng tak a ni tih hriain tianga an lo kal kha a lawmawm ka ti a, Khawbung bial YMA te hnenah khan kan MLA zahawm tak, bialtu MLA kaltlangin lawmthu ka sawi mawlh mawlh a ni tih kha ka tarlang duh a ni.

Tin, Bungtlang Police Station tih kha a pawimawh khawp mai, helai atangin Bike chauh nilo pawh thil tam tak ruk chhoh a ni a, kawng khan deuh ber a ni a. Kan Home Minister-in tunhma pawn alo sawi tawh a, tunah chuan Out Post a awm a, tunah hian Police Station atana dah tura ruahman tawh a ni tih ka'n hriattir duh a ni. Tin, NREGS sanction lo kal kim lova sawi kha RD Minister-in ni 14 atana sanction kha a hmu tawh tih, ka'n hriattir duh a, chuvangin a kim tawh a nih chu.

Tin, Gas chungchang hi hei Mizoramah hian sorkar puhmawhna hi a tama, tunhma atang khan, a chhan chu Company (keiniah chuan Indian Oil Company a ni a) leh an distributor leh Agent-te inkar kha a ni a, sorkarin tih tur an nei ve miah lo a ni. Amaherawhchu, opposition-a kan awm lai pawh khan Gas Agent-te leh Association-te hian Central lamah Minister-te hmehriat an neih avangin, a Cylinder te hi rawn tipung selang tichuan Zoramah Gas kan indaih deuh a nge tih te an sawi thin a, nawr te pawh kan nawr sak a, tiang chuan kan Minister pawh hian cylinder hi singkhat emaw laiin a nawr pung tawh a ni. Chutiang chu a nih avangin a Company an awm a, Mizoramah Agent an nei a, an inkarah khan sorkarin tih tur kan nei miah lo, sawi leh tur pawh kan nei lo, chutiang deuh chuan Cooking Gas chungchang pawh hi a ni. Amaherawhchu mipuiin harsatna an tawh chuan sorkar chuan a lo ti ve tawh tur a ni tehmeuh mai, chutiang zawk chu a ni a. Chuvangin sorkar han puh hi mawhphurhna tlanhhiatsan lam nilovin, sorkar hi a tel ve lo hrim hrim, Indian Oil Company leh local-a Agents-te leh an Distributor-te inkar a ni a, a Agent-te tipung teh u tih te a nawr anih chuan Central Minister-ah chuan sorkar chuan kan nawr tur a ni tehmeuh mai, chu chu thil awmdan a ni a. Chuvangin he thilah hian Mizoramah hian sorkar hi kan han puh leh thin nain Company leh Agent-te inkar a ni tih kan hriat a tul a.

**S P E A K E R** : Hun a tawp a, kan chhunzawm dawn nge kan han chawl rih lawk anga kan han thu lut leh dawn ? Chhunzawm mai ang maw ? Nih leh le.

**Pu LAL THANHAWLA, CHIEF MINISTER** : Amaherawhchu black marketing erawh hi chu a awm tih hriat a ni a. Chu chauh chu ni lovin an hip phai thin tih te pawh hriat a ni a, a buk tlinglo tam tak an nei tih te pawh hriat a ni. Tunah hian hmun tam takah a chanin kan chang a, a veh ten kan veh a, amaherawhchu kan Legal Metrology lam te hi an indaihloh deuh avangin duh ang thalin an endik hlei thei lova, Mualkhang lamah pawh khuan cylinder Rs.600/- a lei tur a awm deuh reng tih te pawh kan hria a, chungte pawh chu veng turin Legal Metrology leh Police te pawh kan inruai a. Tin Sihmui velah khuan chutianga kan sawina te pawh an ni tih pawh hriat a ni a, a veh turin kan intihna a rei tawh a, enge an an ka hre lova.

**Pu LALDUHOMA** : Pu Speaker, khawngaihni khalai kha a dik a, mahse khang kha awmlo ta ngat se chuan mipui hi an ngaihtuahawm ve leh zual ngawt ang, thil thalo hian that vena lai a nei a, ka zuk sawimawi ni lovin, a Gas bur khata kha an hmu zo si lova a lakna a hla bawk si a, an seng hnem si a, awlai deuh zawka khatianga alo awm ve kha tunah hi chuan kan mipui interest hi zu ni ve tlat a mawle, helai hi. Helai hi (Interruption)...in phalrai chi chu a ni lo naa amaherawhchu strict tak hian hma la ta ila a tuar tur khua engemaw zat hi an awm, ka bialah pawh man tumin hmalak vak ka tum a, mahse mipuite kha kan hrek hle dawn a ni tih kha ka hmuchhuak a, ka maimichhing ta ringawt mai a ni. Khalai te kha han sawi rik ve hrim hrim a thain ka hria a ni.

**Pu LAL THANHAWLA, CHIEF MINISTER** : Engpawh nise Pu Speaker, kha a lawmawm a, amaherawhchu a dik lo hi chu a dik lo tho a, sorkar chuan dik lo kha a pawm tur a ni lova, a hrem tur a ni. Chuvangin, a zawn kha chu kan thulh chuang lovang a; tin, man pawh hi an man deuh reng a ni Pu Speaker. Tin, Court-a, case siam hi kan Judicial system te alo that tawh avangin a duh rei a. Tin, anni ho hian a hmuna chawi tir hi an hlau ber. Rs 4000/5000 chawi hi an hlau ber a, chutiang zawng chuan an kal tlangpui a ni hetiang dik lo man hi, buhfai a ni emaw gas a ni emaw engpawh nisela. Chuvangin, helai hi a buaithlak khawp mai a. Amaherawhchu theihpatawp sorkarin a chhuah a ni tih he House hi ka'n hriattir duh a ni.

Tin, a zuar man tih kha nimirah helai House zahawm takah kan member zahawm tak Pu Duhoma'n a sawi khan min barakhaih hle a, a raphlak ka ti a, a tenawm bawk a. Hei hi chu chhuah zal chi a ni lo tih ka chiang a. A theih dan kawng kawngin chhui a ni ang a. Tin, the law will take its own ciuse tih angin, Dan hi a tul angin a kal ang a, engzat te nge an lo hralh tawh a, tute nge responsible a, hetah Lal chhungkuate an tel ve reng em? A tute pawh tih te hi a hma thei ang bera Zoram mipuite hriat chak a nih ka ring a, chutiang tur chuan a tul ang angin hma kan la dawn a ni tih hi he House zahawm tak hi ka'n hriattir duh a ni.

Chutiang chuan Pu Speaker, a chhe lai siamthatu tura ruatte kan ni a, kohte kan ni a, chuvangin a chhe laite siamtha turin theihpatawp kan chhuah tlang tur a ni a. Dik lo kan hriatte pawh, nia a mihring mimal han inpuhmawh te hi kan ngah lutuk a. Nimirah saw laiah, sorkar hna hralh ru an man a, a mantute leh khatiang ang lo ti thin te pawh kha an chungah lawmthu ka sawi a. Tin, kei ngei pawh hian thamna lak tum te/dil te leh official khatiang zawnga sum leh pai dik lo a lo inhnammawh te khatiang kha veh te kan nei a. Amaherawhchu inman chat a har khawp a, keimahni chhungkuaah hian Mizo chu inchhung kual vek kan nih hlawn avangin engemaw alo leak out leh thin a. Amaherawhchu tun atanga rei vak lovah engemaw zat chu kan man thei mai awm mang e aw ka ti a. Chutiang chuan a chhe lai siam thatna tur avangin tute emaw va huat emaw, va tihmualpho lampang ni lovin, Mizo khawtlang nun kan siam that loh chuan kan Kohhran nun hi a tha thei dawn lova, chung zawng zawng a chhe lai siam tha tura tawngtaina chhannate kan zavai hian kan nih avangin min dahtu zah avang pawhin kan tih tur hi kan hlen tur a ni tih hi kan sorkar ngaihndan a ni. Chuvangin chutiang zawng chuan kan kal tlang ang a, indawm tlang chho tur kan ni, hei hi hriat a pawimawh khawp mai.

Tin, nichina kan ngaihthlak tawh ang khan Budget-a kan Fund awm ang te hi a tam leh tlem ai chuan dik taka hman hi a pawimawh a ni tih hi kan hria a. Dik taka hman a nih theihna turin hma kan la chho nasa hle a. Amaherawhchu thawk leh khata han thenfai kuarh kuarh hi a har khawp mai. Tunah pawh hian kum 3 a vei tawh a ni a, nasa takin hma kan sawn a, kan sorkar hnathawk te pawh an hna an tui hle tawh hlawn a ni, a tui lo chu an la awm ang engemaw zat, tlem te chu, amaherawhchu an mahni hnaah tui a ngai a, Mizote hi kan hnaah kan tui theuh a ngai a. Chutiang chuan tunah hian he ram hi siam tha turin kan kal chho a ni a. Hei hi helaia thu zawng zawng mawh a ni a, keini Treasury Bench-a thute chauh mawh a ni lova, Mizo zawng zawng ram leilung fa kan nih chuan kan mawh a ni. Ram leilung fa ni velo te tan chuan an mawh a ni ve lova. Chuvangin ram leilung fate mawh a ni tih hriain vawiina helaia Vote on Account-a kan sum neih ang ang te pawh hi tun thla 4 chhunga kan lo hman turah pawh hian dik taka hman hi a pawimawh ber a.

Dik taka hman a nih theihna turin helaia member zawng zawngte hi min venpui turin ka sawm che u a. Tin, hemi House pawn lamah leh keimahni sorkar kalphung piah lamah pawh min venpui tur hi engtin tin emaw sorkar lamah te, pawlah te, social audit-ah te chutiang zawng te pawh chuan chak zawka hmalak tumin kan la inpuahchah mek a ni. Vawiina kan Finance Minister zahawm takin a Budget Speech atang te leh a rawn estimate te leh Vote on Account atana a rawn thehluk ang te pawh hi a hman theih ang ang House-in min phal sak hunah chuan dik takin sorkarah chuan hman a ni ang a. Hetah a hnuai lamah leh khawi khawiah emaw dik lo deuh te kan hriat chuan a neitu kan nih tlannain i veng tlang ang u, tiin ka sawm che u a, chumi sawm chung chuan ka'n support a ni. Ka lawm e.

**S P E A K E R** : Tunah Pu Liansailova kan ko ang a, ani khan a chhawng deuh hlek a nih avangin Supplementary Budget zawk kha a sawifiah lamah chuan engpawh kha rawn sawifiah tel vek sela a pawl lova, mahsela, pass kha a rawn dilna lamah erawh chuan Supplementary a rawn dil ang a, chumi chuan House ngaihdan kan lak hnuah Vote on Account kha chu kan kal leh ang a, tunah Pu Liansailova, Finance Minister i lo ko ang.

**Pu H. LIANSILOVA, MINISTER** : Pu Speaker, ka lawm e. Hei kan House zahawm takah Budget Session kan han nei a, tluang takin kan nei a, a bul lama kan sawi ang khan kan House zahawm takah hian rorelna pawh zahawm takin kan kalpui thin a ni tih kan sawi kha, engemaw boruak han lum deuh laite zawng a awm na a, amaherawhchu, hmun danga inpawt buai leh inau lutuk angin kan ti lova a la zahawm viau tho va.

Le, vawiina kan budget ngaihtuah hi kan hriat ang khan Vote on Account leh Supplementary Demand a ni a. Hetah hian tlem pass ka dil hmain kan member zahawm takte thil han sawi leh kan Budget chungchang leh kan speech han buatsaih chungchanga an note ziahna atanga comment an han pekte kha lawmthu han sawi pahin tlem tlem han sawi hlek hlek ka duh a.

Pakhatnaah chuan kan Financial Management chungchang hi kan Chief Minister-in kum hnih kum thum min enkawl sak hnuah, mi a hrut mam fel sak tawh hnuah, kalkawng mam min siamsak tawh hnuah keiin ti hian ka'n la ve a ni a. Kan ngaihtlak tawh ang khan 1999 leh engemaw chhung zawng kha chuan he kan Financial Management-ah hian hmasawna awm thin mah sela tuna kan han sawi hlut thin outstanding liability-ah hian engemaw lai kha chuan helaiah House-a ka lo thut ve tawh hnuah pawh khan mi pakhatin chutiang leiba chu kan nei tawh a ni tih leh kan budget receipt aia tam hi leiba kan nei tawh a, a him tawh lo ve tih kan hotu thiam zawkten an han sawi kha rilru-ah a cham reng a. Hemi avang hian Finance Commission hian ruahmanna nei turin min ti a, chumi ruahmanna ang chuan kan han kal hram hram a. Kan Fiscal management correction path pawh hi kan la zawh tluang thei a, kan budget speech lehkhabu-ah khan kan tarlang vek a, kha kha sawi tam pawh ngai tawhin ka hre lova. Tin, chhinchhiah deuh bik tur chu Revenue Surplus neia kan la kal hram hram thei leh tlema hmasawna han awm hi thil lawmawm tak chu niin a lang a. Tin, kan Fiscal indicators ho han en pawh khan kan harsa kan ti a, sum leh pai harsatna thu kan sawi kan sawi chung hian a management lamah hian kan hotute'n tan an la nasa a. Kan sawi tak ang khan a bul

atanga kaihhruaina mumal, thuthmun turte, kalkawngte lo siam fel a nih avangin kan Fiscal deficit pawh hi tunah hian kan GSDP atanga tehin 7.02% ah kan inkhung thei hi lawmawm hlein ka hria a. Heng hi kalhmang nei tak kan Financial Management chhiat leh that enna a ni ber a, chu chu tlem tein ka'n sawi duh a.

Tin, kan budget chungchangah hian hlawh pek theih loh chungchang hi zep thu pawh a awm lova, zep pawh kan zep lova. Kan sorkar hnathawk harsatna tawkte leh a tuartute hnenah pawh kan indawrnaah pawh “kan sumin a la tlin ngang lo a ni, min lo hriatthiam mai loh chuan” ti te pawhin keimah pheih chuan ka sawi a. Chungah chuan kan sorkar hnathawkte inpekna leh an tlawmngaihna hi a ropui ka ti a, nawrh te, engemaw office kal loh ang hial te pawha han innawr ut ut, mualpho deuh hleka han intih turah pawh kan dinhmun keini aia hrechiang an ni a. Tin, chu bakah chuan kan sincere a ni. Tin, kan sum enkawlina lamah hian kan Chief Minister min kaihhruainaah hianin confidence pawh an nei niin ka hria a. Chuvang chuan, waviin thleng hian chung chungchangah chuan zawldawh tak leh inhrethiam tlang takin kan la kal zel a, an harsatna hi kan hriatpui loh pawh a awm lova, amaherawhchu, kan la tlin lo deuh a ni. Hei hi a chhan a awm a, pakhatnaah chuan 6<sup>th</sup> Pay kan han hman hian a impact hi kan chhut aian a lo na a ni. Hei hi 5<sup>th</sup> Pay hmanah pawh khan hetiang deuh tho kha a ni a, keini hian 2006 a Central Pay scale recommendation lo awm tawh kha sorkar hmasa khan engemaw ti tiin implement a huphurh ve pawh a ni ang e, a harsa a, a chhawp a chhawp a, kum 3/4 na hnuah keini hian a mawh kan la ta a, a lo intiang kha sang deuh tawh a ni. Khalai atanga 6<sup>th</sup> Pay a han inthuai luha a liability zawng zawng leh a tum /kum zawng zawng han inpek thuai mai kha kan sorkar hian a zo ta lova, chulai harsatna chu kan tawktlang ta a ni a. Amaherawhchu sawi tawh ang khan Non Planah hi chuan engemaw ti tiin kan kal hram hram a, inrenchemna tur leh insumkarna tur thilah te theihtawp chhuahin sorkar leh kan hotute pawhin tan an la a.

A bikin Education lama kan harsatna hi thil thar pawh a ni lova, kum engemaw zat chhung khan an ni hian Financial year khat a hlawh thla 12 la thei lovin an lo awm rei tawh a ni hei hi thil thar a ni lo a ni. A bikin Deficit School amite hi chuan sanction a awm remchan hunah leh sorkarin pawisa a siam remchan hunah engemaw lai hun rei tawh deuhah khan thlatin hlawh lak te chu inbeisei awm loh ang khan a awm thin zawk kha a ni a. Khatiang harsatna inthuah chhoah khan Provincialisation te, Upgradation policy te sorkar khan kalpui a lo ti ta a. Amaherawhchu Finance lam atangin pawisa back up tu awm lovin Finance-in Vetting a lo pek loh chung pawha lo kalpui mai leh keini pawn chhawm lo thei lova kan inngaih tak avanga harsatna thua thip a awm ta a ni. Tin, chu bakah chuan, 2006 vel bawr kha niin ka hria, Education-ah hian Non Plan-ah post 400/500 awm kha Plan lamah pawisa nei deuh ni a inhriatna awm avang khan Non Plan lamin tihthawl duh avang khan thil kalphung ni ngai lo kha engti zia nge Plan lamah an seng lut hlah a ni an ti a. Hei hi kan Finance Officer-te pawhin a chhan leh a hrilhfiahna pawh min pe thei lova, chu chu Non Plan-a lo awm tawhsa kha Plan lamah an rawn luh leh takah chuan Plan lam an indaihlohna kha a lo kau zau zual ta a. Tin tuna kan sawi tak ang khan 6<sup>th</sup> Pay kan han hman a Provincialization te a taka kan han kalpuia pawisa indaih tawh loh sa deuhna awm lai renga a belhchhahtu awm tak zelah khan a kar kha a lo zau tawlh tawh a, chuvang chuan Education Department-ah kan harsa zual ta a. December thlenga hlawh tur kha kan nei ta mang lova. Amaherawhchu kan Chief Minister-in a ngaipawimawh a, a sawi ang khan hlawh hi chu kan bat a ni a pek tur a ni, thil dang chu tul mahse kan lahek mai tur a ni ti khawpin kawng zawn a ni a. Chuvang chuan December hlawh pek kha kan hlawh lak dan chu January thlaah lak a nih avangin hei hi chuan a nghawng a na lo deuh ang chu, Christmas hmanna tur November thla hlawh December thlaah an la ang a, December hlawh kha January thla tan tira an lak

chuan naupang sikul luhna tur leh harsa zualpui pawh a phuhruk ang tiin an hotute nen pawh chutiang chuan kan inbe rem a. Tuna kan Budget Vote on Account kan pass hunah hian an hlawh la lak theih loh kha chu a bik deuhin Finance leh Planning lam pawhin kan lo enpui ang e an ti a. Chuvang chuan kan dinhmun khirh tak nimahse sorkar hnathawk hlawh la thei lo leh hlawh ba hi chu awm lo hram se tih hi sorkar duh dan a nih avangin chu chu a dinhmun a nih avangin chu chu ka'n sawi chiang duh a.

Tin tlemin kan dinhmun hi a tiziaawm thei mahna tiin Plan-a post engemawzat hi Non-Plan lamah hian a sawn chhuah theih ang ang hi sawn chhuah then nise tiin Finance lama kan mithiam hoten ngaihtuahna an hmang a. Cabinet-ah pawh kan kalpuia, post thenkhat chu 7<sup>th</sup> five year plan amite pawh kha Non Plan-ah transfer loh te kha a awm thluah mai a ni a, Tin, 7<sup>th</sup> Plan ami te, 8<sup>th</sup> Plan ami te, 9<sup>th</sup> Plan ami te leh 10<sup>th</sup> Plan ami te pawh chung zawng zawng chu a tlangpuiin tih theih awm leh kan zangkhai theihna tur, Plan lama hlawh kan indaihlohna tur tihzangkhai nan post 4500 Education hnuiaia post pheih chu a tam ber zawk a ni nghe nghe a. Heng hi non-plan lamah sawn chhuah tura rawtna ruahmanna siam chu Cabinet pawn min pawmpui tawh nghe nghe a. Amaherawhchu, Planning Commission-te nen kan Plan lama pawisa mamawh dan leh thil kalhmang turte kan han sawi ho a, vawi khata hetia in kal puat hi a tha lo ang, Non-Plan lamah in expenditure a sang leh anga, in BCR tur a tlakhniam leh chuan in budget hi nghawng chin a nei leh tho tho dawn min lo tihpui avangin 25% emaw chauh Non-Plan ah transfer tur atangin sawnchhuah ni zawk se tiin ngaihtuah that leh a ni a, chutiang chuan kalpui a ni a. Hei hi Planning Commission-in a phallo tih lam a ni lova, kan sum leh pai dinhmunah hian min duhsak em em a, kan tana tha tur leh kan Financial Management te sincere tawh hle a min hmuh avangin heng harsatna kan sutkiangna kawngah hian advice min pe a, an advice anga kal chu tunah hian keini pawhin fin thlakah kan ngai a, chuvangin Cabinet pawhin a rorelna zahawm tak ah Plan post 4500 chuang kha Non Plan-ah sengluh turin min lo pawmpui tawh mahse kha thu kha ngaihtuah nawn lehin tuna kan sawi tak ang khan hmun li a thena hmun khat (1/4) emaw hi ti rih ila ti chuan kan Financial Management hi a zangkhai theih zawkna tur a lehlam leh lamin a ni dawn a, a thiam zawkte leh a hre zawkten min advice chu i pawm mai ang u a ti a, chu chu Cabinet pawhin min pawmpui ta a, chutiang chuan kan kal a ni.

Pu Speaker, thil thenkhat ka Department chan chung amite han sawilan te leh a pumpuia kan hriat tur tulte kha kan member zahawmtakten an tarlang a, kha kha han sawi lawk ila. Leitha chungchang Pu K.L.Liantlinga, kan member zahawmtak khan a sawi a, member zahawmtak Pu Lalduhoma pawhin a rawn tuihnih a, khami chungchang kha hei a hming hi a inhnaih khawp a, Wind-A-Crop company rawn inzuar kha a awm a, WIN CROP a awm bawk a, company hran daih an ni ve ve a, hemite leitha tih hi hetia leitha kan tih, a damdawi ang ni silo mahsela Herbal lam atanga an siam chhuah, biotech lam atanga an siam chhuah a ni an ti a. Win-A-Crop tih hi Tilak Akarati Ltd. ta a ni a, hemite hi an lo kal a, an leitha pawh chu a sample te Department an pe a, lo neituten an en chhin atan an ti a tlema zawng chu an lei sak a ni. Mahse, lo neitute hnena an han trial leh kan mi thiamten an han trial-in engmah result an sawi ang kha a awm lova, chuvangin hei hi chu an ngaihsak zui ta lo a ni. Amaherawhchu, he company representative hian tualchhunga tu tu te emaw, kan officer thawk tawhte pawh niin ka hria biain a phi a phi a, complaint te pawh a thehlut a ni awm e. Tin, Win-Crop T.M an rawn ti ve leh a, hei tho hian an rawn ti ve leh a, anni hian Orisa-ah Bubhaneswar-ah a Factory hmun hi an siam a. A lehkha ngun taka an zirchian hnuah a sample a rawn tel chu trial atan an han lei sak in an han laksak a, a hma a kan sawi ang khan. A rate chu a to deuh zawk a, a hma ami kha a tlawm daih a. Result neilo tlemte lei ai chuan result nei tha kha an duh zawk a. Tin a Farm hi a geniuses a hi establish hmasak phawt loh chuan tihloh nise la, trial hmasa rawh u tiin kan sawipui a. Kan Parliamentary Secretary ho

hian an ngaihtuahna pawh an hmang a ni. Chutah chuan an trial-na leh an mahni an genuine leh genuine loh hriatna tur kha ngun takin document-te an dil a. Anni hi a manufacturer tak an ni a, churang chuan an rate hi MSFAC Committee-in (chu chu State level Committee sangber) report-te en hian lei atan 14.12.2011 khan a lo pawm sak a. Hemi an rate MRP hianin, chu MRP chu Rs 1225 a ni a, amaherawhchu manufacture atanga direct-a lei a nih avangin Rs. 1300 in pocket khatah lei a ni. Tin, keini chuan eng chu kan hre lova, amaherawhchu an han hman chhinna leh an document-ah chuan 250 g khami concentrate, khami leitha kha a tui (liquid) in a awm a. Chu chuan leilet 1hecter kha a chawm thei a ni an ti a. Chutiang chuan kan mithiamte hian an enchhin a; tin, an document-te an check a, an document mai bakah chuan an registration-te mai bakah Assam Agriculture University-in an trial-na result leh anmahniin an certified tawhna te pawh kha alo tel bawk avang leh Central University, Imphal amiten an Win Crops hi, he leitha hi enfiah tawh an ni tihna lehkha an rawn pek bawk avangin a tha turah ngaiin kan lo lei ta a, competition pawh a awm ta lo a ni. A chhan chu Win-A-Crop tih kha anmahni manufacture material pawh a ni lova, mi ta an zuar mai ni awm tak a ni a. Hei sumdawng, vairam company suitcase khai chi hi an niin ka hria an sawidanin. Khatiang khan kan Department mithiamten an lo lei a; tin, a chemical content leh a leithaah khan tha tawh tur in an hmu bawh a, chutianga an han trial ah khan a result a hmaa an han trailah khan leitha dang an lo hman ai khan a let 2 ten alo thar tam ta a. Lungdai ho leh Sihphir ho phei chuan an Iskut chinna a hman atan an duh em em a, a ken a awlsam si a. Churang chuan trial ni pah fawmin Rs. Nuai 32 man vel kha khilayah an lo duh viau bawh si avangin an han lei ta a. Chutiang chuan a chhiat a that leh kalhmang kha tuna official-a information kan neih theih ang ang kha kan hotuten an han sawi lai kha ka'n sawifiah duh a.

Tin chu lo chu ni hmasa lamah khan MSFAC hnuai Thiaka Horticulture-in kan hmalakna kha kan hotuten chipchiar deuh leh hnathawh dan diklo deuh leh pawisate pawh awm thei ni a an rin a kha, khatiang an han sawi chhuak kha a lawmawm khawp a. A Department pawh an lo inbuatsaiha, wawinah hian han sem tur em niang kan han ti a, amaherawhchu hun remchang dang awm dawnin kan hria a, an hnathawh, a detail zawng zawng, a pawisa tuna kalpui mek nen, Plan lam atanga pawisa tuna tlem te, tlema zawng an lo hmannaate pawh chiang taka tarlangin kan la rawn pechhuak ang che u.

Tin, PAC-in min tlawhsak tur kha a lawmawm hlein ka hria a. Kan officer leh kan mite hi famkim vek lo kan nih avang hian lo tihsual palh pawh a awm thei a, a thatlohna zawng tur hrim hrim nilovin, a tha zawka kan kal theihna turin khatiang kan hna a hmuna min tlawh sak tura kan officer, kan Director-te leh Staff-te pawhin a lawmawm an ti a, an tan tangkai tak anih pawh kan ring a. Tin, hriatthiam loh hlawh theihna lai tak turte pawh a lo ni thei niin a lang a. Chung atan pawh chuan keini hi NLUP kan tih ang bawh hian transparent taka kal kan duh a, churang chuan kha document pawh kha a scheme leh a project, a hna leh a pawisa leh hman mek leh hman tawh leh la hman turte thlengin kan la rawn pechhuak vek ang che u ang a, chu chu min lo zirchian sak ang a. Suggestion leh engemaw sawisel deuh tur awm apiangah pawh tan hoa saw saw hlawhtling taka tih kan duh a. Sum tariff excellence an ti a, India ramah hian hetiang hi a tam lova, churang chuan sawtah sawn hlawhtlin ngei kan tum a, Thiak mipuite an phur a, in 90 sawtah sawn kan luh tir a.

Tin, a bakah chuan Horticulture College pawh sawlah sawn awm thei tura beiseina kan Chief Minister-in Union Minister Agriculture a zu sawipui tum khan a tiam a, 12<sup>th</sup> Plan atan hian. Chung atan pawh chuan a bul hnaiha hmun khata thil a awm theih takin tiin hmun te pawh kan reserve deuh nghe nghe a. Churang chuan entawntlak

deuh hleka kan awm theihna turin a hna leh a hnathawh danah leh a sum leh pai hman danah pawh hian kan hotuten min hriatpui leh min tuipuina kha a lawmawm khawpin ka ring a. Tin, chu lo..

**Pu LALDUHOMA :** Pu Speaker, hei TAS te hian ziakin March 12 khan Department Secretary hnenah tuna a rawn supply tu hnuhnungte hi chutianga rintlak an nih loh zia leh anmahni hi authorize tak tak an nih loh thu an rawn thlen a. Tuna kan Minister-in a rawn sawi dan kha chuan anni zawk hi rintlak loh an ni leh ta tlat mai a, a in letling leh tlat mai a, hetiang a kan sawi mam zel dawn a nih chuan kan thinlung kha a hneh lo mai thei a, Engpawh ni se, a hnuhnung zawkte document kha eng ang taka authentic leh tha nge an lo nih ve he Session chhung ngei hian a rang lamin kan Minister khan min han pe ve thei sela, thudik kha hriat kan duh a, ( Minister : Aw, pe thei ang, hei kan nei reng a ) Chu pawh nise, quintal nga nuai 32 man leitha kha chu a tha fe tihna a ni a. Khawi khawiah nge an pek a, tu tuten nge hman gawh? An hming leh an address te pawh min pe ve ula, tha an tih leh tih loh te pawh kan verify ve ang chu mawle, chumi han tihchian deuh chu a thain ka hria a, tiang khawp te hi chu.

Tin, Centre of Excellence hi hmun tam takah an nei a, Mizoramah hmun 8-ah emaw ni. Kan han hlauhthawna chu link road laih nan hian TM atangin nuai 9, state fund atangin nuai 9 baw, chuan tank siam nan pawh hian nuai 30 TM atangin, state fund atangin nuai 30 baw, khatia double-a pek awma hriatna a awm avang khan khami document pawh kha Technical Mission atanga sanction leh state fund atanga sanction kha min pek ran theih chuan, PAC in kan tlawh dawn avangin min pek ran theih chuan a lawmawm khawp ang. Chian kha kan duh a ni mai keini chuan.

**Pu H. LIANSILOVA, MINISTER :** Aw, Pu Speaker, tuna ka sawi tak ang khan transparent taka kalpui vek hi kan duhdan chu a ni a, churang chuan heng document-te pawh hi kan rawn pe ang a. Vawinah hian helaia ka hman taw, tur chauh hi min rawn siam sak a, Thawhtan lamah chuan kan pe thei ang, harsatna a awm lova.

Tin, win-a-crop rawn market-tu kha an hming te pawh kha a inang khawp a, churang chuan min tiralti deuh a ni dik tak chuan. Suitcase kala vaikal ho hi hetiang a engemaw ti mai mai an nih avangin document base lo hi chu kan duhlo deuh a. Tin, an thil zawrh pawh keimahnin kan trial ve phawt loh chuan tih a ni a. Hei hi a feed back kan hmuh atangin 'a tha e' tia Committee pawhin alo pawmpui anih avangin Technology Mission leh SFAC hi kan hotuten an sawi ang khan kan state consolidated fund-ah a lut lova, State Finance Account-ah alo lut lova. Churangchuan, anmahniin autonomy neiin an function-a. Amaherawhchu, transparent kan duh avang leh a hna hrim hrim sorkar hnuiaia thawkten hma an lakna hi chu kan hriatpui tur hei Assembly-ah accountable-in kan awm baw, avang hian hriatpui hram kan tum a. Kan hriat loh piahlam thil a lo awm a nih pawhin tuna min han dilchhutna hi kan tan pawh kan duhthusam a ni a. Amaherawhchu, inpuhmawhna leh engemaw hlek a telve leh engemaw anga in lantir tumna anga a lehlamah chuan engemaw a puhte lam dinhmun pawh kha ngaih sual theih tak a nih ve theihna lai a awm a, chu chu ka'n sawi kher kher duh a ni.

Tin, chulohvah chuan, Financial Power Minister-ten an nei em tih zawhna kha sorkar hnathawhlo chuan Financial Power pek theih a ni lova. Mahse, delegation-a Financial Rule exercise-tu reng reng hian a Minister concern approval lo chuan a exercise ngai lo baw.

Chuvangchuan, Secretary emaw khan Minister approval a la phawt thin a ni. Chuvangchuan, khalai kha chu a Chiang Maiin ka ring a. Tin, Commission leh Board-a financial power chhuhsak tih kha thenkhatah hi chuan financial power an neih hian state sorkar sum leh pai dinhmun eng ang nge tih ngaihtuah lemlo hian lo inven ngaihna laite pawh a awm deuh thin a. Chuvangchuan, a administrative department-a Minister emaw ten an approve loh a, hetia kal mai hi chu a tha lovang tih kan hotuten ngaihtuahna an neih avangin a changtu Department a approve zel tur khan ngaihtuahna siam a nih avangin kan dan han siam pawh kha tih a ni a. Khatah khan thil ngaihsual palh theih deuh hlek leh keimahni lamah pawh hriatfuh loh a lo awm a. Kan Assembly Speaker chungchangah khan kan lo hmuhhmaih deuh hlek a. Ama hnenah pawh ngaihdam kan dil a, kan titha vat a. Secretary hian Financial Power chu delegation of power Financial Delegation Power hnuaiah a nei a ni. Amaherawhchu, kha delegation kha a hman dawn apiangin Speaker approval a la a, chu chu sanction-ah khan approved by Speaker..... tiin tih thlap thin a ni a, khalai kha ka sawi duh a.

Tin, MLA te loan ngaihven chungchangah Finance lamin harsatna an siam ang leh a rules siamna thuah harsatna lo siam anga sawi kha kan Finance lamten an han enchiang a. An sawidan chuan Mizoram Salaries and Allowances and Pension Amendment Bill, 2011 kha Finance chuan ni 29.06.2011 khan a approved-a, a pekir daih tawh a ni, tiin kan rawn chhang a, Chuvangchuan, helaite hi kan hotute engemaw nangmahni hamthatna lai tur dangtu anga han lan kha hrehawm an ti viau va, ka'n sawi duh a ni.

Tin, thil dang chu sawi vek tawh lo mai ila, sawi tur kha tikhan a pung chho zel ang a, NLUP chungchangah khan Prime Minister package a nih leh nihloh tih kha kan Chief Minister-in Prime Minister package a tih kha a dik a ni. Kan state Plan hi (hei senior tak tak in ni a,) kan Annual Plan-a lut tur central cabinet-in englai mahin a project cabinet agenda-ah an lalut ngai lo. NLUP hi chu central cabinet agenda-ah chhawpchuah a kan mamawh ang tak hi Prime Minister-in pek a duh a ni ti a chhawpchuakin Central Cabinet full Sitting-a min approve sak a nih avangin Prime Minister package chu a ni ta a ni. Amaherawhchu, Prime Minister package tih hi Kohima-ah a kal a, Himachal Pradesh-ah a kal a, khawi khawiah emaw a kal a, Prime Minister package-ah a pe ang tih hi central sector a lut tur a nih chuan Central Plan-ah a lut mai a ni. Tin, an state Plan-a lut tur a nih chuan an Consolidated Fund-a lut turin ACA emaw SPA-ah emaw rawn released mai a ni. Ka chhanna hmasaah khan ACA atangin min pe e ka ti a, a piah lama Prime Minister package emaw a blessing lo kal kha min pekna tur chu ACA emaw SPA emaw a ni "one time ACA in kan pe ang che u" min ti a, kha kha lehkha a lokal phawt a, mahse pawisa min released tak takah chuan Special Plan Assistance, (SPA) hnuaiah min pe ta a ni. Chu chu a lehkha in neih kha, keipawn ka nei Chiang ve khawp mai a, 2010-2011 leh 2010-2012 pawh kha chutiang chuan ka nei a ni.

Tin, hetah hian ka sawi duh chu sum hi Chief Minister-in theitawp chhuaha a zuk sawi a, min rawn pe tawkturah kan ngai deuhin ka hria. Dan a awm a, kalhmang a awm a. Amaherawhchu, kan Chief Minister-ten hmehhriat leh nichina kan ngaihtlak tak ang khan Leader-ah an pawm ve avangin an zah a, chuang chuan vaibelchhe 900 atang khan 1500 ah kan thlawkchho dawrh a nih kha. A scheme of finance hi a hmain min enfiah sak vek a, Non Plan-ah hman bang engzatnge kan neih, BCR engzatnge kan neih theih dawn, keimahnin kan own tax revenue leh non-tax revenue-ah engzatnge kan hmuh theih dawn tih kan estimate nen min han thlir sak a, kan Plan Fund hi chu dik tak chuan heti zat hi a ni tiin kan Finance Secretary te leh kan Chief Secretary zuk kal hmasa hian an hre thei deuh mai a ni. Amaherawhchu,

khatah khan tan lak deuh hlek leh tlema an ngaih pawimawh deuh chuan a pawng deuhin kan kal thei zawk a ni, chu chu thil awmdan a ni a.

Tin, normal Plan Fund-ah hian Department hi sectoral allocation kan han pe thliah thliah a, SPA chu a bik atana tih te, untied fund te a lo ni a, ACA chu one time tih a ni tlangpui a, central sponsor scheme kan hmuhtheih tur ang chite pawh hi a ni bawk a. Chutah chuan tunah hian “Department-in an chang tlem ta” an tih hi a normal Plan Fund-ah chuan a hma aiin pawng lo deuh hlek te pawh an awm hlawm a ni. Amaherawhchu, tuna NLUP fund a hlawma min pek takah hian allign Department Agriculture te, Horticulture te, Sericulture te, Fisheries te, (Industries pawh Agriculture-in a head-ah a dahsak a) Vety te normal Plan Fund-ah crores 40 te an hmuhin NLUP atangin an normal activity anga an lo lak thin tho kha NLUP umbrella hnuaiia an thawh turin vaibelchhe 75 te kha allign Department-ah khan allot an ni leh zawk a, a thenah te chuan vaibelchhe 90 te pawh an ni zawk a. Amaherawhchu, hlawh atana an hman theih tur leh office inenkawlnana an hman theih turin kha kha pawh theih loh a nih avangin a khawng ta a.

Lehlamah chuan loneitute tan liau liau Budget a awm tak avang hian helamah hian lo kawrawng deuh pawh nise kan loneitute, kan ngaih pawimawhte tana sum a lo awm theih leh hmasawna, an tana thawhna tura hlawm bik a lo awmte hi chu tha zawkah kan ngai a, churang chuan kan Annual Plan Fund-a a rawn inthun tel zel hi kan duh a ni.

**Pu LALDUHOMA** : Pu Speaker, kan member zahawm tak Pu K. Liantlinga zawhna ni 25.3.2011-ah tuna kan Minister zahawm tak hian a chhang a, ziakin a awm a ni, kan proceeding page 108-naah khan hmuh theihin a awm bawk a, a chhannaah chuan - Prime Minister packaged atanga hmuh a ni lo, ACA atanga pek a ni tih hi a chhanna dik tak a ni a. Ama chhanna vek kha wawinah chuan a sawibo leh ta a, ngaihdan tawh thiam mai ila a thain ka hria a, hetiang a kan sawi dawn a nih chuan kan budget zawng zawng hi special package ang a ni. Khatiang a nih dawn chuan SPA te, ACA te chu NLUP awm hma pawhin a awm a, a awm loh hnu pawhin a awm zel ang. Pu Speaker, hei hi special package a ni ngai lo, special plan scheme-a lo lut kha a ni a, plan budget a ni. Kha kha lainat em em tur engnge maw a nih le ? A hranpaa min pek tura tih kha min pek tak lohah chuan kan plan atangin kan ti a ni mai a, a lawmawm ka ti tho kei chu. Kan Plan sum atanga kan pe phal hi a lawmawm ka ti a, huat viau tur pawh a nilova.

Tin, nichinah khan a puhtu lam pawh hi in rawn ti deuh a. A puhtu lam hian eirukte kan nei a nih chuan min chhui ve ula, kan cho khawp mai.

**Pu H.LIANSILOVA, MINISTER** : Pu Speaker, tuna kan han sawiah khan nikuma ka chhanna kha ka pha reng reng lova. Mahse document-ah chuan Prime Minister Package tih kha chhanna tur a ni lo a ni. Planning Commission-in package a tih kha chu keini lamah a rawn thawn tawh lova, ACA lam an thawhna kha ka sawi mai a ni a. Amaherawh chu, a buah khalai te chauh kha in la a, a bua ka sawifiahnaah Prime Minister Package tia sawi theih ve tho pawh a ni a. Amaherawh chu, Central atanga state-a pawisa a pek reng rengin hman atan, a pekna bik head a awm a. Chutiang lokal chu a nih avang hian ACA atangin kan hmu a ni e tiin ka chhang mai a ni e tiin ka sawifiah leh a. Churang chuan tuna sawi tak ang khan thil inchuhah hian kan ngaih tlat avangin a package a ni love kan tih

leh thin leh kan hmuh reng chung pawha sawi mawk tumna a awm deuh avang hian han sawifiah thui ve deuh leh a nihna tak ni bawk si kha ka'n dinpui deuh a.

Tin, nichina in sawi win-a-crop tih lai vela thil kan han sawiah khan ka lo tawng duham deuh palh a nih deuh pawhin ngaihdam ka dil a, chu chu ka tum a ni lova. Amaherawhchu, kan sawi tak zawk chu khatiang lo buaipuitu company te khan thian an nei thin a. Chung chuan tha lo tak maiin tute hnenah emaw thil an lo sawi kual ve thin a, chulai te chu fimkhur a ngai. Anmahni pawh kha engnge maw an nih ang le ti a kha an thiante an rawn hek a ni mai a, keini chuan an document kan en a, kan pawmpui a, thaah kan ngaihpuia. Chuvang chuan mimal decision pawh ni lovin Committee-in alo rel tawh kha a ti a, chung chu ka'n sawi deuh duah a ni.

**S P E A K E R** : SPA te, ACA ahte hian target neiin crore 1800 tih ang vel sawi a awm ngai em ? Crore 1800 ah hian kuminah crore 300 kan rawn release phawt ang che u ang a, kum lehah chumi 300 kan release ang che a tih kha SPA leh ACA pangngaih hian a awm ngai em ?

**Pu LAL THANHAWLA, CHIEF MINISTER** : Pu Speaker, financial expert kan ni miah lova. Mahse chutiang chu a awm ngai lo a ni. Chuvang chuan hei hi engemaw tia sawi talh tumna te a awm thin a. Prime Minister a lo zin a, lal dang pawh an lo kal a, hei chu special-in special package-in kan ngaihtuah ang, an ti a. Tichuan, an ngaihtuah ta ngei a, Cabinet Committee on Economic Affairs-in an remti thlap a, an pass a ni. Chu chu Planning Commission-in min pek khan SPA te, ACA te ang khan a lo kal ta a. Kan normal Plan hi Cabinet Committee on Economic Affairs-in emaw, tu emawin heti zat hi kan pe a. ACA, SPA ah lo pe ang che u tih a awm ngai lova. Chuvangin, hemi NLUP pawisa hi chu a duh tan chuan Prime Minister Special Package a ni a tih theih a, duh lo tan chuan a ni lo aniang, plan-ah thun a ni tho si an ti thei tho a. Amaherawh chu, Prime Minister Special Package a nih avangin chumi chu zuk nemnghet a, zuk sanction turin Cabinet Committee on Economic Affairs-in a hranpa liau liauin a sanction a ni. Chumi sanction hrulah chuan Plan-ah Planning Commission-in a rawn thun ta a. Tichuan, he NLUP pawisa bik Cabinet Committee on Economic Affairs-in Planning Commission-ah tiang hi a ni e, ti a min rawn pek hi Plan chhungah thun a ni a. Tichuan, NLUP component hi department dang atangin an pawthek a, chutiang khatiang a ni tih hi thudik chanve pawh tling lo, dawt a ni a. Hmui dawthei pu mi tan lo chuan sawi sawi chi pawh a ni lo. Nimin lamah ka sawi tawh a, hei hi pawhhek kan chak em em zawk a ni, department improve nan leh sum harsatna kan neih chuan. Chuvangin, mipui tihchiai nana hetiang lai hriat loh der hi a hminga hruaitu ni tan chuan kan tih loh tur a ni a, tin, thudik chanve hrulah hian kal kal loh hi a tha.

**S P E A K E R** : Kan Supplementary Demand-ah khan Medical lam deuh hlir kha a ni mai a. Kan hrisel lo, khati lam kha a lian em em mai lai kha sawifiah theih dan a awm em le?

**Pu H. LIANSILOVA, MINISTER** : Pu Speaker, ka sawifiah mai thei lova. Amaherawhchu, kan mamawhna, kan sum indaih lohnaah khan Department zawng zawng khan mamawh an lo neih vek avang khan a tam ta ni mai awm tak a ni a.

**S P E A K E R** : Khatah khan MR lampang kha medical kha a ni deuh vek mai a.

**Pu NIRUPAM CHAKMA** : Pu Speaker, Chawngte kawng kha ka sawi a, min khawngaih thei dawn em aw ?

**Pu H. LIANSILOVA, MINISTER** : Ni e, natna khirh leh engemaw harsa tak tak hi an tam tak avang hian ....

**S P E A K E R** : ( interruption... ) Pass kan dil tir ..... tawh mai dawn em ni?

**Pu H. LIANSILOVA, MINISTER** : Pu Speaker, Supplementary Demand for Grant 2011-2012, a vaiin Rs. 697,51,23,000 (Rupees six hundred ninety seven crore fifty one lakh twenty three thousand) kum 2011-2012 inkara hman turin Supplementary Demand karawn putluh hi Demand No. 1-48 Supplementary Demand for Grant-a karawn tarchhuahte tan hian min pass sak turin ka'n dil a ni e.

**S P E A K E R** : Minister-in pass arawn dil a. Supplementary Demand kha a amount kan hria a, 2011-2012 atan khan, pass remti apiangin 'remti' ti r'u le. Remti lo kan awm chuan 'remti lo' ti ula. Kan awm lo maw?

Awle, Supplementary Demand for the Year 2011-2012 chu House-in lungrual takin a pass ta a ni.

Tunah Minister-in Vote on Account April – July, 2012 passrawn dil leh sela.

**Pu H. LIANSILOVA, MINISTER** : Pu Speaker, he House zahawm tak hianin Vote on Account Demand No. 1 – 48, a vaiin Rs. 1542,39,17,000 (Rupees one thousand five hundred forty two crore, thirty nine lakh, seventeen thousand) hi April-July, 2012 chhunga sorkar department-te inenkawlana atan min passpui turin ka'n dil a ni e.

**S P E A K E R** : Awle, Minister-in pass-pui turin arawn dil a, Vote on Account April-July, 2012 hi remti apiangin 'remti' ti ru le, ("remti") remti lo kan awm chuan "remti lo" ti rawh ule, kan awm lo maw.

Awle, Vote on Account April-July, 2012 chu House-in lungrual takin a passed ta a ni.

Tunah Legislative Business dangah kan kal leh ang a, chu chu Appropriation Bill lam a ni a, "The Mizoram Appropriation Bill, 2012" hi kan Minister-in House-ah introduce han dil teh se.

**Pu H. LIANSILOVA, MINISTER** : Hemi ka sawi hma hian nichin khan sawifiah loh deuh ka nei a. Pu Thlenga khan helai Demand Vote on Account leh Supplementary pawh kha, a figure a va inang lo ta ve a tih kha. Charged-a kha vote tura rawn chhawpchuah loh a ni a, helai statement-ah kha chuan min lo hriatthiam sak selangin.

Pu Speaker, i remtihna in he House zahawm takah hian “The Mizoram Appropriation Bill, 2012” hi introduce ka rawn dil e.

**S P E A K E R** : In phalsak em ? Phalsak maw ? Tunah introduce turin Minister i lo sawm ang.

**Pu H. LIANSILOVA, MINISTER** : Pu Speaker, sei tak sawi tur pawh a awm lova, tuna Supplementary Demand kan hman tak kha, a hman phalna tur Dan kha dan pangngai angin passed a ngai a, chumi atana he Appropriation Bill pawh hi rawn kalpui a ni a. He House zahawm tak hian min pass sak nghal theih mai chuan a lawmawm khawp ang, ka'n dil nghal e.

**S P E A K E R** : Awle, a copy kha han sem rawh ule “The Mizoram Appropriation Bill, 2012” kha. Kan hmuh hma chuan pass ngawt chi a ni lovang.

**Pu C. RAMHLUNA** : Pu Speaker, khawngaih takin MDC ho ka sawi thin a, ka sawi ve char char mai a, engnge an dinhmun min han hriattir thei em aw, ka'n zawt teh ang.

**S P E A K E R** : Appropriation kha kan la pass hman lo bawka nia, a ngaimawh si a, member-in, han chhang lawk mai teh chhan tur a awm chuan.

**Pu H. LIANSILOVA, MINISTER** : Pu Speaker, a ngaihtuahtu hi ka hre thui lova chhang thei mai pawh ka ni tlat lo mai a.

Pu Speaker, Appropriation Bill No. 62 hi hei min rawn pe nghal a, introduce ka'n dil nghal ang a, a pass nghal theih mai em ?

**S P E A K E R** : No. 61 hi kan pass phawt ang, a vang chu a kuma kum inher daih kha a ni, kumpui khan a kar thlak daih a ni. Chuvangin a sawiho theih loh, tuna mi No. 61 hi pass i rawn dil phawt a ngai.

**Pu H. LIANSILOVA, MINISTER** : Pu Speaker, he ka Bill No. 61 of 2012 The Mizoram Appropriation Bill hi ka rawn introduce tawh a, paper pawh hei Member zahawm takte hnenah a thleng tawh a, pass kha ka han dil tawh a, ka nawn leh e.

**S P E A K E R** : Minister-in, ‘The Mizoram Appropriation Bill 2012, Bill No-61 of 2012’ pass a rawn dil a, remti apiangin, ‘remti’ ti ru le. Remtilo kan awm chuan ‘Remtilo’ ti ula, awmlo maw. Awle, “The Mizoram Appropriation Bill 2012, Bill no-61 of 2012” hi House-in lungrual takin a pass ta a ni. Tunah “The Mizoram Appropriation, Vote on Account Bill 2012” hi Finance Minister zahawmtakin House-ah introduce rawn dil rawh se.

**Pu H.LIANSILOVA, MINISTER** : Pu Speaker, i phalnain he House zahawm takah hian he Bill No. 62 of 2012, “The Mizoram Appropriation (Vote on Account) Bill 2012” hi ka rawn introduce e.

**S P E A K E R** : Rawn introduce kha a rawn dil tur a nia, mahse kan phalsak a kha, kan semtute lam khan an sem tawh bawk si a, phal loh theih pawh chu a ni tawh lo a...

**Pu B.LALTHLEGLIANA** : Pu Speaker lawk, kan Finance Minister zahawm tak khanin, ‘charge leh charge lo ania’ atih avangin, a figure khan cheng vaibelchhe sangkhat zanga leh tih kha a rawn ti a, amaherawhchu helai Bill-ah hian cheng vaibelchhe sangkhat zaruk sawmruk pathum kha ziak khan alo lang leh si a, khalai kha eng nge ni....

**Pu H.LIANSILOVA, MINISTER** : Pu Speaker, Appropriation a nih kha chuan a hman phalna hrim hrimah kha chuan charge pawh kha a ngai vek a, chuvang chuan alo tel ta a ni e.

**S P E A K E R** : Rei tak Minister ni tawh te pawh kha an vai ve lawk a ni ang, kha kha chu an hre sa reng ang. Chuanin sawiho chi pawh a ni chuang lo a, tunah Minister “Mizoram Appropriation Bill, Vote on Account Bill 2012”, Bill No. 62 of 2012, hei hi pass rawn dil rawh se.

**Pu H.LIANSILOVA, MINISTER** : Pu Speaker, he Bill hi nichina kan sawi tawh ang tho kha a ni a, Vote on Account-a department leh sawrkar inenkawlina tur sum thla 4 chhung atana hman tura min pass sak tak kha, hman phalna tur Dan pass a ngai a, chu chu a ni a, House zahawm tak hian min pass sak theih chuan , ka rawn dil nghal e, ka lawm khawp ang.

**S P E A K E R** : Le, Minister-in Pass a rawn dil a, “The Mizoram Appropriation, Vote on account Bill 2012,” Bill No. 62 of 2012, hi pass remti apiangin , ‘remti’ ti ru le. Remtilo kan awm chuan ‘remtilo’ ti ula, awmlo maw. Awle, “The Mizoram Appropriation, Vote on Account Bill 2012,” Bill No. 62 of 2012 hi House-in lungrual takin a pass ta a ni. Lawmthu i sawi dawn nange?

**Pu H.LIANSILOVA, MINISTER** : Pu Speaker, ka sawi advance deuh a, ka’n ring dawn a, mahse a rem chiah lo a ni. Ka lawm e.

**S P E A K E R** : Hman kha min rawn dil a, kan han pawmsak ta a ni a, House-in kan pawmsak hma che chuan cheng khat pawh i officer-te lo hmang rawh u, tih kha a thiang miah lo ania. Tichuan, hei kan zo thawkhat a, mahse nichinah khan thuhnawk kan nei a, hemi kan kaltluang pangngai kan zawh hunah kan ti ang, ka ti a. Tichuan kan han dap vela, Lunglei lama tunhma a, Lunglei Greater Water Supply Phase – II te pawh kha zawhna atanga lo lut a, khatia inlahnawk chho ta kha a ni a, tahchuan a changtu Minister khan House-ah khan Inquiry Committee, Assembly Committee, Constitution of Assembly Committee Act, Inquire tur khan a rawn dil kha alo ni a, chumi a dilna chu Speaker-in alo remti a, chutiang chuan House Inquiry Committee pawh kha siam kha alo ni a, September ni 16, 1996 khan. Chutiang zul deuh chuan kan kal ang a. Tun tum chu Minister khan a dil nawn leh kher pawh a ngai ka ti lova, a sawi tawh a, nichinah khan inquiry tih ka phut e a ti a, a sawi tawh a. Chuvang chuan Minister pawhin hei hi tihfel/tihchian ka phut e, House-ah kan chiang thei love a rawn tih avang khan kha kha thutlingah kan la ang a. Tichuan he kan House hian kan subject tur chu SSA sum 2010-2011 lapse leh lapse loh chungchang a ni awm e, nuai 700....

**Pu LALDUHOMA** : ... kha kha chu a nep em em zawk a, fabricated document a nih leh nih loh laia kha a ni (Speaker : chuti zawk maw?)

**Pu R.L.PIANMAWIA** : Pu Speaker, Khawngaihin Deputy Chief Whip ka nihnain sawi duh ka'n nei a, fabricated document tih tak mai kha kan thu kha a ni a, chuvang chuan Annexure-II ami kha kan member zahawm tak Dr.R. Lalthangliana khan “ka lehkhabuah hian a awm vek a lawm” a ti a. Kha a lehkhabu kha House property atan hlan turin ka ngen a ni e. Chu chu ka phut a ni.

**S P E A K E R** : Kha kha chu min sem vek tawh tho a ni lawm ni? ( Pu R.L.Pianmawia : Ama kawl bik kha)

**Dr.R. LALTHANGLIANA** : Pu Speaker, i ruling dan kha a tha mai a, amaherawh chu ka sawi duh zawk chu fabricated document a nih leh nihloh lam kha a pawimawh ber lo, amaherawhchu a lapse leh lapse loh lam kha kei chuan ka thupui ber a ni tih pawh kha kan lak tel loh chuan a tha ka ti lo a, pahnih a telloh chuan a lapse leh lapse loh kha fabricated document-ah a lanna anih avang khan khatia one side ringawta a fabricated ringawt kalpui kha a ni lo. Chuvang chuan a pahnih khan a kal ngei ngei tur, a pawimawh lai ber chu a lapse leh lapse loh tih kha a ni tih ka sawi duh a. Chuvang chuan i rorel dan khan Pu Speaker, kal mai ila. Tin, fabricated document tih lai pawh kha he House-a mimal taka inhniaalna awm hi a fel lo. Chuvang chuan khatiang figure kha khawi atangin nge kan lakkhawm tihte pawh kha kan en law law kha thain ka hria. Chuvang chuan i rorel dan ang khan kal mai ila, a tihdan kan nei a, khalam kha chu ..... fabricated tih ringawt chu point a tling lo.

**S P E A K E R** : Kha kha chu terms of reference-ah te pawh office lam atangin kan la ziak chiang turah ngai ila...

**Pu H. LIANSILOVA, MINISTER** : Pu Speaker, a issue tak kha a lapse leh lapse loh kha chu pawn lama inhniaalna kha a ni ber zawk a. Khami behchhanah khan khami

inhnialna a dik emaw dik lo emaw prove na atana hmanah khan issue/question a awm ta a, document produced a ni a, kha kha kan Minister khan hei “genuine document, Government document a ni love, khawilai emaw atanga fabricated a ni e” a ti a, khalai tak kha prove kan duh chu a niin ka hria. Chu chuanin a prove leh tur chu a lapse/lapse lo tihah khan decision emaw ngaihdan siam duh tan chuan “a lo nih tak hi mawle” tihna tur kha a hawi dawn a. Chuvang chuan Committee kan din hian he document a rawn produced hi Annexure-II ami hi fabricated emaw, Government document a tel reng a ni em tih kha fiah ni rawh se tih kha kan thu chu ni ber zawkin ka hria a ni.

**Dr. R. LALTHANGLIANA** : Pu Speaker, hetiang chuan ro kan rel fel lovang. A question, a pawimawh lai ber chu he sum hi a lapse leh lapse loh a ni a, chumi kan sawifiahna chungchangah chuan Minister pawhin Press Statement an siam ang, MLA pawhin Press statement an siam ang, Party hruaitu pawhin Press statement kan siam ang. Khang kan Press Statement siam zawng zawng kha Official Document a ni thei lova, kha kha kan hriat a ngai. Amaherawhchu fabricated document in rawn tih lai tak a kha, khang figure kan han chhuah kha for the understanding of the Media, (chanchinbu mite’n awlsam zawka an hriat theih nan) chanchinbu mite hmaa press conference-a kan lek chhuah a ni. Kha kha kan hriat a tha (pe mai sela a dik a lawm ....document in tih figure lakchhuah na kha inhnial buaina). He figure te hi SSA Annual Report & Audit Statement of Accounts 2010-2011 leh PAB minutes 161th, 28-March 2011 atanga lakchhuah vek a ni, finfiah theih a ni. He Annexure-II ti a Minister sawi hi Sorkar lehkha document/paper a ni lo. Ka sawi fo tawh ang khan chanchinbu mite’n awl sam zawka an hriat thiam theih nan a siam mai a ni.

**Pu LALSAWTA, MINISTER** : Pu Speaker, kan sawi ve lawk ang e, ka sawi tawh hnu a ni na in, he document hi a vai hian a dik love ka ti lova, he document hi chhiarchhuah phei chuan a deng khawng em em a, chumiin a nghah chhanah hian annexure-II a awm a ni. Annexure-II hi tirinawm turin document tha tak tak Chartered Accountant document pawh a awm a, mahse Annexure-II hi keini min puhna lai tak tawngkam “lapse” alo awmna lai pawh a ni. Chuvang chuan he document hi fabricated a ni, fawm khawm a ni, phuah chawp a ni ka ti ta a ni. Ka tihna chhan chu Ministry of Human Resources Development.....chuvangin he document hi kan zawng nasa hle a, hei hian a hmaa dengkhawng tak taka min tihna hi finfiah tur a .....

**S P E A K E R** : Ni mai, ni mai, kan rawn siam fel mai dawn. Ka lo ngaih danah hi chuan thil tullo kan buaipui mai mai tawh a ni lawm ni ka ti deuh a, mahse House-ah member zahawm takte hmai sen khawpa in in tawn takah chuan chair atang hian ngaihpawimawh loh theih a ni lova, keima mimal ngaihdan chuan ruling siam kha a tul pawn ka hre lova, chuti khawp chuan kei chuan in thu kha enge maw mai ni khan ka hria a. Mahse House-ah member senior te, Minister hlui te, Minister te khati khawpa thil a awm chuan Zoram mipuite hriatah khati khawp thil a awm kha chuan thil kan tih a tul a ni a. Tin, kan Minister, zahawmtak Education changtuin Assembly House Inquiry Committee din kha a rawn ngen a, chu chu kan remti ang a. Member engzat vel nge tawk ang? ( Interruption)

Ka hnena in rawn sawi khan sawngsawhlawtna a nei tawh lo, chuvang chuan member kha siam ila hmanah Lunglei lamah kha chuan member 7 kha an siam a, mahse member 7 a ngaiin ka hre lova, member 5 hi a tawkin ka ring a. Tichuan, Pu Lalduhoma hi Chairman ta sela, Pu Lalthansanga hi a dam mai ang a, a rawn ti ve thei tawh mai ang a.....

(Interruption.....) member 5 kha kan rawn ruat ang e. (Interruption.....) member hi a hma ami kha ka'n en vang vang a, ruling lam kha an rawn titam deuh a....(Interruption.....)

**Pu LALDUHOMA** : Terms of reference leh Member ruat dan kha a zir dawn a, vote lak tur tih te hi a awm thin a, hetiang committee din-ah hian. Mipuiin an rintlak committee kan din a ngai a, party pakhat kha min dominate ta se, vote lak lo ngai ta se, thudik kha a tlu let tawp ve thei tho. Chuvang chuan i constitute-na tur ah kha a lan danah pawh rin kai a nih a ngai ang. Sorkar hmasa-ah kha Agriculture Director-in nuai 70 a tihbo chungchang hetah hian kan sawi a, Enquiry Committee din ka demand a, mahse an din dan atang kha thudik a chhuak dawn lo tih kha kan ring sa a ni, khatiang ang ni tawh lo kha din a nih rau rau chuan rintlak nise, chuti ni lova a report dan tur lang thei sa ang deuh a nih dawn chuan kei chu ka Chairman ngam dawn lo hrim hrim a, min lo ruat pawh ni la, fair takin i rawn tih hi ka ring tlat a, chutiang tur chuan i ngai ang u.

**S P E A K E R** : Anih leh a member tur leh a Chairman tur chu ka rawn ruat ang.

**Pu P.C.LALTHANLIANA, MINISTER** : Pu Speaker, Parliamentary Inquiry Committee din motion lovin sawihonain kan kalpui dawn a ni a. Kha Inquiry-in a tih tur ber, a subject a sawi lova nakinah terms and reference siam a ni ang tih kha a kalphung dawn em ni? Hmanah chuan Chief Minister, House Leader hi eiru a puhna a awm a, min chhui rawh u a ti a. Chutah chiah chuan terms and reference-in an din a ni. Vawiina Speaker-in terms of reference a siam turah hian nakinah motion dang a lut ang a hetah hian tih chauh a nih si loh avangin kan ngaihndan kha a normal lo thei a. Chuvangin nichina kan member-ten an sawi ang kha he House-a he thil a lo chhuahna chu Press Conference-a a lapse document base na zawng zawng hi Annexure-II ah a awm a, he Annexure-II hi phuah chawp a ni tiin kan Education Minister-in a sawi a, helam atangin a ni lo a ni tiin a sawi a. Chuvangin Pu Speaker, a subject chiah a awm tur a ni. Motion-a lut a nih loh avangin nakinah inpuhmawh kha thil awm thei a ni.

\* Speech not corrected.

**S P E A K E R** : Vawiinah budget session pangngai ang deuh hlekin kan kal a, a lawmawm ka ti a, avang chu Vote on Account alawm ti a en mang lova nuai liam mai emaw ti lova member-ten kan ngaimawh zawng kan han sawi a, House Leader te, Finance Minister-ten an han sawi kha a bengvar thlakin ka hria a, tichuan tuang takin kan plan size te pawh peih fel a ni thuai ang a. Nikum lam ang deuhin July velah budget puitling kan nei leh ang a, nikumah kha NERCPA meeting avang kha ka zin san che u a, Deputy Speaker ho kha tuang takin Budget Session pui kha kan lo hmang a. Kumin erawh chu ka zin dawn lo hrim hrim a. Zin a tul pawhin kan Hon'ble Deputy Speaker a zin thung tawh dawn a. Tuang takin Budget puitling sawihona kan nei ang a. Tin, vawiinah hun kan lo hmang tawp leh ta der a. Kan la tih ngai loh 1996 chauha Speaker-in a tih kha tunah 2012 ah kan han ti dawn a ni a. Lehlahmah chuan phurawm vak pawhin ka hre lova. Mahse tih a tul a, Member-ten in duh a, kan ti ang a.

Vawiina kan Business chu kan lo zo ta a. Kan chawl tawh ang a. Inrinni leh Pathianni hi kan chawl ang a. Ni 26.3.2012 (Thawhtanni) dar 10:30 A.M-ah kan thukhawm leh ang a. Thawhtanniah chuan kan hriat ang khan vawiin hi Private Member hun lak ni a ni a. Amaherawhchu, Budget lam atan kan hman tak avangin Thawhtanniah Private Member's Resolution kan sawiho thung dawn a ni. I lo tin tawh ang u.

(Sitting Adjourned. 5:29 pm)